


郵政特准掛號認爲新聞紙類



東方雜誌

第二卷第十期



售例

- 一 本雜誌零售每册大洋銀二角五分預定全年十二册大洋銀二圓五角本埠外埠外國一律
 - 二 郵局新章見第二期本加增報紙寄費輪船火車直達之處為口岸如購一册郵費伍分全年五角日本同輪船火車未能直達之處為腹地開日開行者即以未能直達之處論每購一册郵費壹角伍分全年壹圓伍角外國同至未通郵政之屬民局寄費閱者自給
 - 三 凡至總發行所定購者務請將資費送交總發行所收銀後當付收據惟未能照章寄足者祇可照零售例每册以大洋銀二角五分計算寄足應得册數為止
 - 四 在總發行所定購者本埠按期派送不以酒資
 - 五 凡一人定購五份寄送一處者照價九折拾份者八折
 - 六 在總發行所定購者如遷徙他處務託安人代收一而知照總發行所改寄惟已寄原處之册不能複寄其在代售處定購者請自向代售處商辦總發行所不能接寄
 - 七 總發行所按期寄送以郵局民局回單為憑中途遺失閱者自理
 - 八 凡在代售處購報者報價郵費與總發行所一律其不用洋銀之處每圓合算制錢一千文由代售處逐月函寄總發行所清釐賬項照通例以八折核算餘二折作為酬勞惟至少以五份起碼代售至二百五十份者七折五百份者七折七百五十份者六折一千份者六折再折扣悉依原定全年報費核算如一千份者六折即每份以大洋壹圓五角核算是也惟郵費分文不扣
 - 一 代售處收到資費即寄總發行所如定購者不將資費照章寄足照第三條辦理至代售處遺人送報不得另索酒資
- 一本雜誌總發行所在上海棋盤街中市商務印書館 本埠寄售處 各書坊 外埠代售處 北京 公慎書局 有正書局 保定府官書局 長沙集益書社 常德啓智書局 武昌文明書局 中東書社 新政書局 漢口商務印書分館 江左漢記 廣東開新書報公司 聖教書樓 英文書莊 南昌廣智書莊 南京明達書莊 中西書局 杭州崇實齋 採辦書報處 蘇州開智書室 日本東京金港堂書店

東方雜誌第十期目錄

圖畫

雲南山中石橋

西藏雅魯藏布江浮竹橋

西藏蓬多鐵索橋

暹羅湄江鐵索橋

社說

選論附

論中國進化 本社撰

見之

論續經非幼稚所宜 本社撰

竹莊

論中國內政外交失敗之原因 錄乙巳八月初四日時報

論用人之新現象 錄乙巳七月二十八日中外日報

籌藏論 錄乙巳八月二十日南方報

論甘肅新疆於中國之關係 錄乙巳八月二十一日中外日報

諭旨

七月十七日至八月初五日

目錄

內務

立憲私議

錄乙巳七月十六日實報
陸宗輿稿

論立憲為萬事根本 錄乙巳七月二十三等日南方報

政務處等會奏遵議河南巡撫陳奏請將浙川撫民廳
同知改為直隸廳同知摺

直隸總督袁奏擬定天津四鄉巡警章程摺

前署湖南巡撫端奏湘省改造監獄場所辦理情形摺

節錄留學日本警務生潘世琛張玉輝上署兩江總督
周餘陳警務綱要八則

上海縣城廂內外總工程局章程

各省內務彙誌

各國內務彙誌

軍事

重興海軍議 錄乙巳七月十七等日時報

志日俄和議事 錄乙巳八月初九日中外日報

一

乙巳

西安將軍長等會奏西安滿城威遠左右兩營仿照常備新軍變通試練摺

南洋督練公所稟詳兩江總督周舉辦徵兵籌定區域及開徵日期文

南洋督練公所詳定徵募章程

南洋徵兵局章程

新定北洋陸軍軍械軍餉章程

各省軍事紀要

日俄戰事紀要

財政

圖法芻議 維乙巳七月初二等日時報
劉世疇稿

外務部奏議定付還賠款辦法與各國使臣互換照會摺

戶部議復整頓兩淮鹽務事宜摺

督辦士膏統捐大臣柯奏試辦八省士膏統捐並開辦日期摺

前署盛京將軍廷等會奏清查東邊海龍等屬餘克收價以濟要需摺

署兩江總督周奏查辦微山湖灘地繳價升科並籌備徐防兵餉情形摺

陝西巡撫曹奏邊查陝西各屬經徵錢糧情形開列簡明表冊摺

雲貴總督丁奏查明滇省各屬徵收錢糧情形摺

練兵處新定派款清單

各省財政彙誌

交通

論鐵路與國家之關係 維乙巳五月三十日時報

敬告各省自辦鐵路者 維乙巳年十八號外交報

鐵路大臣盛奏澤道鐵路與福公司磋商就緒摺

督辦關內外鐵路大臣 胡會奏提款開修京張鐵路摺

雲貴總督丁奏請興築滇蜀鐵路摺

署兩江總督周札行江甯藩司申明內港行輪約義禁止洋商違章行輪通飭各屬一體遵照文

中英續訂滇緬通電條款

各省航路彙誌

各省路政彙誌

各國航路彙誌

宗教

查江督阻日僧傳教函後 維乙巳七月十三日新聞報

署兩江總督周因日僧傳教復外務部函

各省教務彙誌

小說

雜俎

目 錄



三

七




十月




四

十月


雲南山中石橋



西 藏 雅 魯 藏 布 江 浮 竹 橋



西 藏 蓬 多 鐵 索 橋



橋 索 鐵 江 湄 邏 邁



BRIDGE
UNDER

商務印書館新編
初等小學教科書

習畫帖

全部八册
每册大洋七分

是帖爲初等小學堂第二年至第五年學生所用由
簡而繁所繪皆尋常易見之物用毛筆臨寫計共八
册每册十圖每兩星期臨
摹一圖約半年畢一册

教員用習畫帖

一册全

此帖專備初
等小學堂所
用易學易精

共八十圖均標明用

筆先後最便教授

每册大洋二角

編新館書印務商

書科教堂學小等初

修身教科書	已出未全
國文教科書	已出未全
算學教科書	已出全
中國歷史教科書	已出全
地理教科書	近刊
習字帖	已出未全
習畫帖	已出全
歌譜	
體操教授法	

書科教堂學小等高

修身教科書	
國文教科書	
算學教科書	近刊
中國史教科書	已出全
外國史教科書	
中國地理教科書	已出全
外國地理教科書	已出全
理科教科書	已出全
習字帖	
習畫帖	近刊
歌譜	
體操教授法	
修身教科書	

商務印書館出版
類史歷

世界文明史

每部一册
價洋六角

日本高山林次郎原著本館譯○世界文明愈趨愈進然皆有所自來是書分紀東西洋各國政教學術循流溯源凡有可為今日文明之證者無不備載展卷讀之不啻奉全世界民族之精華供吾賞玩即欲去僻野而進文明亦可以識其途徑

支那教學史略

每部一册
價洋四角

日本狩野良知著本館譯○中國教化學術卓然為世界之先聲是編起自上古迄於國朝一切有關教學之事均能詳其沿革極其精華本本原原有條不紊我中國數千年來之文明讀此可以知其崖略有主張國粹之說者易取是編而之

泰西民族文明史

每部一册
價洋三角五分

法國賽奴巴著日本武澤野之助原譯沈是中愈子彝重譯○是書用普通歷史體例而特詳於政治禮制宗教風俗實業文藝諸端蓋惟此可以視文明之真相也全書譯筆精審詞意明晰毫無東文歐譯之習可用為學堂課本

大學堂審定 亞美利加洲通史

每部二册
價洋七角五分

桃源戴彬編譯○紀載繁博凡地理人種文事武功及物產製造政教俗尚一切沿革靡不週詳旁采搜錄無遺讀之于美洲大勢洞若觀火

商 務 印 書 館 出 版
類 史 歷

世界近世史

每部一册
價洋八角

日本松平康國著中國國民叢書社譯○自十五世紀末迄十八世紀其野蠻文明過渡之時代乎學問之復興宗教之革命君權之變遷皆於此數百年間現出無數變態中世之果於此時結最近世之因於此時種故世界近世史雖非歷史之全部實為世界歷史最發達之時代是編敘事簡而不漏論斷卓而不偏煌煌巨帙誠歷史上空前絕後之作欲研究世界變遷之狀態者必先觀為快也

歐洲最近政治史

每部一册
價洋五角

日本森山守次著本館譯○泰西列國政治日新月異是書備舉最近世紀中憲法會議選舉戰爭諸政詳晰無遺瞭如指掌欲知歐洲富強之源者亟宜瀏覽

歐洲新政史上編

每部一册
價洋八角

德國米勒爾原著日本稻田孝吉綾部竹之助原譯本館重譯○歐洲政界進步之速祇在前一世紀而事變之紛紜亦惟此時為最劇西歐風雲今將移至亞亞然苟鑒其覆轍善為因應故鼎新未必不可免此慘劇也是書於歐洲各國大局之變遷政體之改易逐事紀載詳盡無遺全書都三十餘萬言實為近世史中最富最博之本願我國人無分新舊普讀是書其所得幸福當不少也譯筆精審絕無尋常東文譯本滿紙沙石之病惟全書卷帙浩繁現在先出上卷續出下卷

社說

論中國進化 本社撰稿

見之

讀吾國古史而爲國人一欣喜以古籍證之吾漢族於遠古實緣球以上進化最速之民族也。何以言之。今日世界各族所存之古史言及初民時代者莫不蒙蔽於神話。一指百年以前生物地質社會諸學未發明時之舊史。一此必其初民時代歷時甚長頓而不進逮至有史時代則於初民未有文字之時僅憑口耳相傳之事實世遠年湮一切忘失而當時之人又以心思簡弱不能推溯於皇古求其故而不得而宗教家有神主宰之說遂乃乘之以興此皆他族古史同然之現象也。而吾族古史一此史字之界說暫從章實齋乃盛言茹毛飲血草衣木食巢居穴處乃至有飲食宮室衣服之故爲他族古史之所絕無此種事實似非結繩所能記亦必憑口耳以相傳及夫書契既作之時口耳之傳猶未泯滅得取以記錄之是必吾書契肇興之時去茹毛飲血草衣木食巢居穴處之時不甚相遠蓋可知也。由此言之則他族遠古之時期甚長既悠既久而後有文字興以臻治化故於初民事跡率皆遺忘遂乃趨信宗教創世之言而宗教之觀念以篤吾族遠古之期則較爲短縮故當書契既作

社說

一百八十九

乙巳

之。時。尚。能。略。記。初。民。之。事。實。古。史。之。中。雖。亦。不。能。不。雜。糅。於。神。話。而。方。諸。他。族。則。較。減。少。故。宗。教。觀。念。亦。遂。不。純。循。是。以。推。則。吾。舊。時。之。文。化。開。先。於。他。族。實。賴。有。聰。明。睿。智。之。祖。宗。開。發。於。上。古。之。時。馴。至。有。五。帝。三。王。之。聲。明。文。物。而。非。他。族。之。遠。祖。所。可。倫。比。由。是。可。知。吾。漢。民。族。在。上。古。之。時。實。為。進。化。最。速。之。民。族。也。一。吾。古。籍。所。記。初。民。事。實。實。乃。順。傳。而。非。如。今。日。社。會。學。者。之。逆。測。不。獨。茹。毛。飲。血。諸。事。已。即。如。初。民。之。時。有。一。妻。多。夫。之。時。代。為。今。日。社。會。學。者。公。認。之。天。級。而。至。漢。時。此。語。尚。未。泯。於。順。傳。之。口。耳。如。白。虎。通。所。載。可。證。也。又。按。吾。國。古。史。雜。糅。之。神。話。至。孔。子。時。嘗。一。大。掃。除。蓋。孔。子。所。繫。之。易。已。非。伏。義。文。周。之。易。可。以。證。也。況。當。五。帝。三。王。之。世。既。矜。矜。於。判。別。神。人。至。周。末。諸。子。爭。鳴。更。能。由。人。而。及。於。物。其。最。著。者。有。惠。施。莊。周。輩。惠。施。之。書。尚。見。於。漢。藝。文。志。今。雖。不。傳。而。所。存。於。天。下。篇。者。多。為。物。理。學。言。若。莊。周。則。已。窺。見。種。原。如。言「萬。物。皆。種。也。以。不。同。之。形。相。禪。」使。達。爾。文。聞。之。亦。當。俯。首。歎。服。其。他。似。此。尚。多。非。本。論。範。圍。所。及。不。具。徵。」

信。如。上。述。吾。漢。族。進。化。之。特。速。其。徵。既。著。於。往。古。願。溝。猶。陋。健。畫。地。自。封。今。與。智。種。出。而。相。見。繁。短。較。長。乃。至。望。塵。莫。及。此。其。原。因。議。者。亦。不。一。矣。鍼。儒。術。則。以。患。在。黜。百。家。一。漢。武。黜。百。家。而。獨。尊。儒。學。亦。為。阻。化。之。一。因。孔。子。攻。乎。異。端。之。言。殆。非。如。是。觀。其。所。師。可。以。覩。矣。韓。

嬰爲之說曰。樹異端使不相害。從對待一面注釋。似得解。一悲。畛域。則以禍在大一統。近時論者。其思益深。畫指兩漢六代及隋至今。主持國論之經生名士。考生三類之人。以爲歸獄之地。竊以大一統之言爲近。蓋由地理上大一統之觀念。乃至學術心思言論。無不有大一統者。存此其拘墟篤舊實爲戕賊進化之大原。固不僅發冢之儒。利祿之士。獨任其咎。蒙蔽之禍。生於地勢之不便也。

世界瑰貌。稱曰繁華。繁華卽繁花。言其種種色色。璀璨呈妍。而爲迎目之至樂。然則文明極樂。世乃複雜而非單簡。惟於複雜之中。有莊嚴之條理。耳獨音不成。聲獨采不成。色獨味不適。口故治化。逾進事物。逾繁爲化學中雜糅之質。決非單純之元素也。十年前。崑瑣謏夫。坐不知此。於承敝之制。死力夾持。不令尺寸移易者。而樊籬一摧。外物駸入。沈螫之陸。龍虬競起。雖有大力。莫之能逆。而乘變履世。且有動於不知而出於不自已者。如庚子之亂。北戰南和。使在五年十年之前。疆吏之罪。且不容死。安有以爲功而旋加之賞歟。時會所趨。蓄極必發。雖在上聖。亦將後天以奉時矣。故大化之力。不可抑闕。正猶萬鈞之石。乘高而下。賞育之勇。見之亦色阻也。

然則頓而不進於人。何尤二千餘年不見。可欲沈伏而不動者。天爲之也。一「天者自然也。」

以此。士之人。承此土之天。作爲極格。而身還自受。若或主之。而特不得其朕。造物之巧。亦窮而不可勝。矧其潛受暗翕。默默而化。雖在鄙夷之俗。亦有婉愉順受之矣。一如在器物。則今人所坐之椅。乃胡牀之變相。其他類此者。尙難枚舉。又如北方尊稱人曰老板。此卽金語接板之轉。見松漢紀聞。又稱果餌爲茶食。亦金語也。又果類之查字。古無用爲查檢查察者。自元時乃如此用。蓋蒙古語稱檢點爲查。無字可以當之。故遂舉查字以代。今則承用甚廣。略舉此例。以見吾國往者與四方之裔交通。器物語言之受其變化者。已極多矣。不徒今日之有新名詞也。以言峻防。惡在其防之峻也。雖然。國於天地。必有與立。所謂與立。卽國之疆土與國民之特質。此則國之大寶。而不可外化。假外化之。國將自餒。若夫制度文物。所以保人生而增幸福者。斟酌劑宜。以求合時。應變則無所用。其暖姝之態矣。管仲言治法者之巨子也。其書累言調和天下。而不云治天下。蓋治可以行。斷制之私。而或成生心害政之禍。以己爲主。以天下爲客。若調和則以天下爲主。以己爲客。且必有調和之物。如受和受采。然此又管子之微言也。

論讀經非幼稚所宜 本社撰稿

竹 莊

我國自古以來。所謂政治道德之源。而範圍一世之風俗人心者。孰不曰率由先聖之微言。

大義而折衷於六經哉。即觀古來教育之歷史。其關乎德育者。亦孰不曰率由先聖之微言大義。而折衷於六經哉。然周代教育全盛時。象勺之舞。射御之事。書數之藝。學校中皆有之。度未必於童穉之年。即貿然授以六經也。兩漢盛時。諸儒授經。各有家法。得之口授。非有典冊。學者至負笈千里以求師。度亦未必於童穉之年。即貿然授以六經也。宋明以來。制舉盛行。在上者以六經之制藝。爲牢籠多士之具。在下者則懸六經以爲鵠。以爲利祿之階。於是天下之人。父詔子。兄勉弟。羣衆人之智力材藝。而悉疲於所謂代聖立言之制藝。乳臭之子。髻髻之兒。亦不問其解否。而驟以六經授之。稍長。則強之爲制藝。美其名曰代聖立言也。實則利祿之門耳。其於古者德育之意。亦相去遠矣。而況汨沒兒童之性靈。蔽塞天下之人智。使國家不振。以至今日之時局也。

今者科舉已廢。學堂將大興矣。而奏定學堂章程。乃必列讀經一科。在立法者之用意。豈不以六經爲國粹。而欲取爲德育之本哉。然修身一科。獨非德育乎。而必並列之。固已淆亂無序矣。吾且得而斷之曰。讀經非有益於德育。且有害於德育也。吾爲此言。聞之者必駭。必詆爲非聖無法。然勿駭也。吾固有佐證而敢爲是說也。請舉其略如左。

〔甲〕教育家之言曰。凡男女之事。不可以入教科。令兒童生惑。

今試援此例以求之六經。易之言曰。男女媾精。萬物化生。全書中凡涉於陰陽媾之事者。不一而足也。詩之言曰。邂逅相遇。適我願兮。三百篇中。凡關於男女相悅之事者。不一而足也。傳之言曰。宣伯通於穆姜。趙嬰齊通於趙莊姬。文公報鄭子之妃。黑要烝於夏姬。凡涉於淫亂之事者。更不一而足也。即如論孟二書。爲孔孟言行所存。最爲純粹。然孟子盛稱太王好色。以說齊王。雖有爲而言。然不宜於兒童之德育則一也。

〔乙〕教育兒童。多用積極的。而不用消極的。

所謂用積極而不用消極者。蓋因兒童腦力簡單。既告以一方面。則不必以他方面告之也。例如以某事實之善者授之。則兒童印入腦中者。即善之一方面也。若又以某事實之不善者授之。且諄諄戒諭之。以不善決不可爲。恐兒童印入腦中者。先留一不善之方面矣。今主張讀經之說者。孰不曰。經籍所載。善足以勸。惡足以戒。乎。而不知正犯教育。不用消極之例也。且世之所謂惡者。孰有如淫殺盜乎。詩載鄭衛之風。半屬淫奔。書言朋淫於家。又言比頑童。傳言上淫曰烝。曰報。皆淫之類也。孟子言業履牖上。傳言菑苻之澤。竊寶玉大弓。至於爭奪相殺之事。蓋不勝枚舉。皆殺盜之類也。以如是之事實。灌輸於兒童之

腦而猶曰此不害於德育也豈不悖哉

要之六經者參考書也非教科書也中學校以上之學生所有事也非小學校兒童之所有事也古之作六經者固未嘗爲今日之小學教科計也今卽欲爲教科計則採其中之格言合乎今日之情勢者編入修身書可也欲獨立爲讀經一科不可也今之官立學堂則爲定章故必列讀經一科以爲敷衍計私立學堂爲學生異日升入官學故亦不得不列讀經一科以求合乎定章是皆不知讀經有害於德育而遂勉強牽合以就之絕不爲幼稚之學生地也聞吾說者其亦不可以已乎

論中國內政外交失敗之原因 錄乙巳八月初四日時報

今日我國之國勢岌岌不可終日矣內之則綱紀紛紊庶政蕪穢上下交窘蹙然人不聊生外之則強鄰壓境百端迫脅外交家疲於奔命日受彼魚肉而卒莫可如何人情莫不喜治而惡亂樂安而畏危我當國諸公甯必樂內政外交之廢擾以自陷於危亂哉然百方經畫求治安而反得危亂者何也賈生不云乎人之置器置之安處則安置之危處則危天下之情與器無以異在上之所置今我之謀國者欲求治安而先置其國於危地種瓜而求豆燕游而南轍此所以百舉而百不當也乃者情見勢絀亦知舊制之不足以圖治矣則皇然仿

行一二新法。以謀革新。然良法美制。東西諸國行之。而致太平者。移之我國。阻闕而不能行。甚者。或反成弊藪。豈新法之不宜我國哉。譬之藥。然參苓桂朮。引年延壽之良藥也。然紛進雜投。藥不對證。則可以引年者。反適足以增病。即對證矣。然不審於君臣佐使之妙用。不酌於分量輕重之適宜。則製方。而或遺主藥。急病而投以緩劑。甚且雜進他品。使良藥盡失。其效用。故同服此藥。而病卒不治。此庸醫之所以殺人也。我國積病久矣。向屢誤於庸醫之手。病且入於膏肓。乃者病勢日亟。我政府乃皇皇求醫。求醫誠是矣。然垂危之人。用藥一誤。必且立斃。吾懼乎所謂國手者。復以庸醫之伎倆。戕我病夫也。謹條舉曩者製方之乖錯。用藥之謬誤。列爲醫案。以爲炯鑑。語曰。前車覆。後車鑒。又曰。知病是藥。醫國者得吾說而存之。庶幾審於下藥。疾其有瘳。吾國病源。原因複雜。其遠因不暇詳矣。舉其受病於立制行政之間者。其大端有四原因。

一曰務防弊而不求興利。我國二千年之法制。無一非防弊之法制也。專制君主。據天下爲私產。而日憂怯僂者之負之而趨。則日竭其才力精神。密布文網。以爲局滕之計。經一朝之專制。則防弊之制。即加一分之嚴密。沿唐宋元明以迄今日。防弊之法制。遂周備而不可復加。各部尙書。天子所與共治。而各國之所謂內閣大臣也。然防其專權之弊。則滿漢並立。以

分其權。設立管部以掣其肘。督撫大吏。國家信任而寄以封疆者也。然防其專擅之弊。則更調煩煩而不許久任。不得辟召而自置僚屬。防關節也。則一簡侍從爲試官。而監若重囚。防標榜也。則禁立會之名目。而不許講學。凡百庶政。罔不類是。更僕難數。今日舉行新政矣。設立學校。所以開張民智也。然以防弊之故。則議禁講學。禁授法律。派遣學生。所以培養人材也。然以防弊之故。則私費學生。不許習陸軍。不許習政治。舉一新政。行一新法。無不以防弊爲第一要圖。夫政府之天職。固以維持國家之治安。增進國民之幸福者也。乃但以防弊爲事。卽弊果能防。而興舉此事之本意。旣已消失。淨盡無復。成效之可言。廢墜天職。而背增進幸福之宗旨。則何若瞑目安坐。一事不辦。并無弊之須防之爲愈乎。況夫所防之弊。閉於此者。開於彼。滅於甲者。見於乙。甚且巧相遁於法中。防弊之法。制反成一叢弊之法。制哉。天下無無弊之法。但使以興利爲心。實心治事。則雖有小弊。其利自足。相抵且可。徐圖劑補。若猶汲汲於防弊。則自驚自怛。因噎廢食。必至萬事弛墮。卽令舉行一二新政。亦將虛立無效。反增一叢弊之藪而已。嗚呼。以防弊之私心。遂至造成種種弊制。自加縛束。而敗壞國事矣。循是不改。雖日行新政。恐亦無救於亡也。失敗之原因。此其一。

一日有補救而絕無豫備。吾讀二十四朝之歷史。見夫所謂戡難定亂之英雄。則無非焦頭

社說

二百九十七

乙巳

爛額之人物也。所謂旋乾轉坤之事業，則無非顧犬補牢之政策也。天下無百年不敵之法，即無百年不變之制。然而法之敵也，非一朝一夕之間而遂潛焚大亂也。一法之立，必其宜於羣俗，適於時勢，而後乃利於推行。然羣治進化，昔昔變更，曩日之見爲利者，他日而或見爲害，故同一法也，行之久而不便者，見焉行之愈久而不便者，瘡見焉。方其不便之見端，苟即察其注於羣俗，抵於時勢者，剔釐而變通之，則用力少而成功多，必非甚難之事。然知幾其神，此殆非常智之所能與也。則姑與爲委蛇，則姑與爲粉飾，任其法之自墮自墮，至積重難返，而必須改弦更張，甚者積弊日深，乃至煩他人大蹂大搏，以勅改革。昔之先機利導，一二人而可了之者，卒乃至竭百十豪傑之力，積數十經畫之勞，而僅乃克濟。蓋曲突徙薪者，不常有，而革政之變，所以史不絕書也。善夫龔自珍氏之言也。曰：將敗則豫師來，姓又將敗則豫師來，姓豫也者，固謀國之善經，而爲天下弭變亂於無形者也。治國之道，如治病然。昔者扁鵲過齊，齊桓侯客之，入朝見桓侯，曰：君有疾，在腠理，不治將深。桓侯曰：寡人無疾。後五日，扁鵲復見，曰：君有疾，在血脈，不治將深。桓侯曰：寡人無疾。後五日，復見，曰：君有疾，在腸胃，不治將深。桓侯不應。扁鵲出，桓侯不悅。後五日，扁鵲復見，望見桓侯而退走。桓侯使人問其故，扁鵲曰：疾之在腠理也，湯熨之所及也；在血脈，針石之所及也；在腸胃，酒醪之所

及也。其在骨髓。司命無如之何。今在骨髓。臣是以無請也。後五日。桓侯病。使人召扁鵲。鵲已逃去。桓侯遂死。夫人之受病也。其初固莫不在於腠理。投以藥石。可以立瘳。乃不治而縱之。使深則難。扁鵲之聖。亦且望而却走。則豫備與補救之術異也。醫國之情。何以異。是我中國受病久矣。咸同之間。病端已見。當是時。中興名臣。審病不真。且以病在腠理也。故皆熟視無覩。光緒以來。病在血脈矣。遠識之士。亦或求以醫藥。進然當國者。固謂寡人無病。則謂其人爲病狂不祥。拒其醫藥。絕勿進。蹉跎蹉跎。今者病在腸胃。駸駸且入於骨髓矣。主醫者乃始動色驚顧。喘汗而求療治之方。數年以來。裁書吏。修法律。改官制。練陸軍。興學校。廢科舉。是皆不可謂非療病之良劑也。然補救已遲。故病勢不能驟退。且以病源之不清。而積疾已深。病證百出。醫官之制。稅賭之害。與夫財政之紛紊。庶政之蕪穢。皆病之直中骨髓者矣。然主醫者且爲飲鳩止渴之謀。姑徐徐以俟。他日之補救。此醫藥雜投而病之所以不瘳也。至於外交之錯繆。則視內政爲尤甚。外人索我鐵路。危險極矣。曾不豫籌一策以備之。各省路權盡入外人之手。至今日乃爲收贖之謀。外人攘我礦業。迫逼至矣。曾不豫籌一策以備之。各省礦產盡爲外人所據。至今日乃建自採之議。俄人踞我滿洲。國人鄰國。譁然警告矣。曾不籌一策以備之。俄爲日敗。兩國議和。至今日乃始謀收回之交涉。其他軍港之租借。政權之

駐 說

一百九十九

乙巳

失。奪。勢。力。範。圍。之。讓。與。事。事。受。給。著。著。落。後。向。之。一。言。一。牒。足。以。拒。絕。之。者。今。乃。萬。牛。回。首。雖。僵。外。交。家。之。手。段。費。數。十。年。之。籌。畫。而。不。敢。必。其。果。能。挽。回。語。曰。其。作。始。也。簡。其。將。畢。也。巨。又。曰。涓。涓。不。塞。將。爲。江。河。爲。虺。不。摧。爲。蛇。奈。何。此。我。政。府。所。以。喘。息。竭。蹶。不。遑。暇。食。日。倉。皇。於。補。救。而。卒。無。補。於。危。敗。也。夫。既。倉。皇。於。補。救。而。喘。息。不。遑。矣。則。又。安。能。分。其。神。慮。之。餘。暇。從。容。籌。畫。審。未。來。之。大。計。以。爲。未。雨。之。綢。繆。哉。嗚。呼。往。事。已。矣。來。日。大。難。劉。先。主。有。言。事。會。之。來。豈。有。終。極。若。能。應。之。於。後。則。此。未。足。爲。恨。吾。願。當。國。諸。公。先。幾。審。慎。其。勿。一。誤。再。誤。道。前。軌。之。覆。轍。以。自。貽。伊。戚。也。失。敗。之。原。因。此。其。二。

一。曰。有。被。動。而。絕。無。主。動。我。國。百。年。以。來。以。安。靜。習。爲。風。氣。者。也。人。人。奉。清。靜。勿。擾。之。古。訓。爲。神。聖。無。動。爲。大。務。求。省。事。以。爲。苟。安。然。事。勢。所。迫。咄。咄。逼。人。固。不。能。以。我。務。安。靜。而。事。變。遂。以。不。來。也。大。勢。所。趨。如。轉。巨。石。於。危。崖。非。達。其。所。至。之。地。則。不。可。中。止。動。機。一。發。勢。固。不。可。復。靜。誠。知。時。勢。之。不。可。終。逆。而。改。革。之。不。能。倖。避。也。則。先。幾。措。置。以。待。事。變。之。來。迎。其。機。而。順。導。之。固。若。行。所。無。事。乃。彼。既。動。而。我。自。爲。靜。至。迫。於。萬。不。得。已。然。後。強。起。應。之。則。倉。皇。失。措。而。舉。動。乖。宜。此。我。國。所。以。不。能。不。從。事。於。改。革。而。改。革。之。卒。無。大。效。也。海。禁。之。弛。數。十。年。矣。道。咸。之。間。西。人。之。東。渡。叩。關。來。求。於。我。者。不。過。通。商。而。已。我。誠。知。其。來。之。必。不。可。拒。則。

與之定約。與之通商。彼此交通。我固可收其利。且彼客我主。固可令彼受我範圍。而主權無所損失。乃嫉若蛇蝎。日持鎖港絕市之論。深閉而固拒之。卒至兵艦東來。日肆迫脅。擾我廣東。蹂我江浙。破我京津。拒無可拒。乃始迫於萬不得已。姑與通商。以謝外人。夫通商亦復何害。乃必千迴百折。而卒自立於被動之地。既被動矣。故立一條約。則蒙種種之損害。開一交涉。則受種種之索求。循是不改。三十年來之外交。無一非被動之外交也。故彼出令而我受命。彼刀俎而我魚肉。我既無自動之力。遂至盡失自主之權。且甯獨外交而已。鐵路我國內政也。議辦十有餘年。卒未嘗興築一路。外人覬謀利權。而代我興築。至是而鐵路不能不興矣。然以被動之故而路權遂為他人所攘奪。理財我國內政也。任幣制之紊雜。曾不措意外。人藉口於通商之不便。而要我改革。至是而幣制不能不變矣。然以被動之故而財權遂為他人所覬覦。地方政治我國內政也。任盜賊之橫行。吏治之污穢。而絕不整頓。外人藉口於治安之妨害。而代我平亂。至是而地方政治不能不整理矣。然以被動之故而治權且為他人所干預。時勢之趨於改革。必非人力所能強持矣。乃不自為謀。坐令他人越俎。代庖以強預我事。至迫於萬不得已。而強起應之。而主權已喪。國體已辱。蓋失計未有若斯之甚者也。明治之初。日本日受外人之迫劫。其為被動也。與我同。彼都人士深知國之不競。亦陵也。則

著。著。力。求。爭。先。事。事。自。為。主。動。不。二。十。年。而。遂。以。強。立。今。且。國。勢。大。振。行。且。有。外。交。界。中。之。發。言。權。矣。我。縱。未。遠。足。語。此。然。亦。何。至。以。堂。堂。大。國。而。甘。為。他。人。之。傀。儡。哉。兵。志。有。之。甯。我。薄。人。無。人。薄。我。又。曰。致。人。而。不。致。於。人。我。國。日。致。於。人。而。長。此。終。古。邪。吾。不。憂。法。之。不。變。政。之。不。改。而。竊。憂。變。之。改。之。者。之。出。於。他。人。之。手。法。政。且。非。復。我。國。之。法。政。而。我。行。為。朝。鮮。之。續。也。失。敗。之。原。因。此。其。三。

一。曰。舉。偏。端。而。不。籌。全。局。國。家。者。一。有。機。體。也。有。機。體。生。物。之。發。達。必。全。體。之。血。脈。貫。注。腦。筋。之。感。覺。靈。通。榮。衛。周。於。滋。養。肢。體。互。相。環。衛。精。神。肉。體。交。相。為。用。然。後。體。格。乃。能。成。立。若。徒。養。其。一。指。而。全。體。之。運。動。不。靈。若。是。者。謂。之。狼。疾。謂。之。殘。廢。國。家。者。固。一。有。機。體。也。其。發。達。進。化。與。生。物。無。以。異。故。任。舉。一。事。必。有。他。事。以。為。之。本。原。又。必。有。他。事。以。為。之。輔。相。非。是。則。所。舉。之。一。事。必。窒。礙。而。不。能。行。而。所。謂。他。事。者。又。復。有。為。之。本。原。者。焉。又。復。有。為。之。輔。相。者。焉。相。維。相。繫。至。於。無。窮。此。固。如。血。脈。之。流。通。全。體。腦。筋。之。周。布。百。支。相。待。為。用。牽。一。髮。而。動。全。身。者。也。故。舉。一。而。遺。百。焉。則。百。孔。千。瘡。善。政。固。成。弊。藪。即。使。舉。百。遺。一。而。此。一。端。之。為。梗。百。事。亦。遂。不。利。於。推。行。善。謀。國。者。知。其。然。也。故。有。所。更。革。則。必。審。其。國。土。之。情。形。風。俗。之。習。慣。民。智。之。程。度。遭。遇。之。時。勢。與。夫。他。人。之。成。敗。得。失。已。國。之。歷。史。沿。革。以。相。定。其。政。制。法。

度之宜。復精審其先後緩急之序。舉而措之。百廢具舉。綱舉目張。大體具矣。然後細察其羣俗之不宜者。逐漸改良。條理之未備者。徐加補正。故一改革而成效大著。國勢日興。同光以來。我國昌言改革數十年矣。聳於外國之工藝。而立局製造。然未聞創製一新械。自造一軍艦也。震於外國之兵威。而創立海軍。然一戰而全軍盡覆。一敗而諸艦悉燬也。迫於外國之通商。而招商航海。然轉運不出於國境。商業不競於外人也。不揣其本而齊其末。頭痛醫頭。腳痛醫腳。三十年前之洋務。其成效亦大可觀矣。乃者累受大創。其改革亦視前稍進。然而議改官制。而吏治之蕪穢如故也。議興學校。而人才之寥落如故也。議更幣制。而財政之紛紊如故也。議改兵政。而營務之腐敗如故也。夫興學校。改官制。更幣制。改兵政。乃至曩者之興練海軍。製造通商。何一非強國之要圖。亦何一非歐美之新政。然移之我國。而輒敝者。則以不深知立法之本原。更無他事之輔相。故舉一新制。而百舊政以爲之梗。此所以百舉而百不當也。而獨不見司機者乎。輪軸相銜。機牙交錯。掣其總樞。則全機立轉。若牽撥於一牙一軸之間。則必不能動搖。而機軸且以損壞。而獨不見築室者乎。千椽萬瓦。積年蠹朽。毀而更建。則雖用舊材。立成新築。若補葺於一椽一瓦之間。則倉皇補苴。此完彼漏。風雨一至。椽棟且以折壞。我國今日之改革。何敢謂其不進於曩時。然其牽掣於一牙一軸之際。補葺於

一。椽。一。瓦。之。間。則。前。後。如。出。一。轍。吾。固。不。敢。必。今。日。改。革。之。成。績。之。有。以。遠。勝。曩。時。也。董。生。不。云。乎。琴。瑟。不。調。甚。者。解。絃。而。更。張。之。吾。願。謀。國。者。之。捐。棄。故。技。更。宏。遠。讓。無。舉。一。遺。百。日。以。曩。者。無。意。識。之。改。革。誤。我。國。家。也。失。敗。之。原。因。此。其。四。

一。曰。仿。形。式。而。絕。無。精。神。我。國。數。百。年。之。政。治。一。塗。澤。之。政。治。也。我。國。數。十。年。之。改。革。一。粉。飾。之。改。革。也。夫。既。曰。塗。澤。粉。飾。則。內。容。之。腐。敗。原。質。之。糞。壤。皆。非。所。計。時。勢。之。來。迫。我。以。不。能。不。變。彼。且。爲。嬰。兒。則。亦。與。之。爲。嬰。兒。姑。以。是。敷。衍。焉。姑。以。是。彌。縫。焉。其。糞。壤。腐。敗。外。見。矣。則。又。傳。以。粉。堊。如。塗。塗。附。務。以。救。旦。夕。之。急。而。掩。飾。外。人。之。耳。目。故。曩。之。所。謂。洋。務。者。且。勿。論。比。年。以。來。昌。言。革。新。興。練。陸。軍。矣。凡。編。制。軍。隊。勒。定。兵。制。行。軍。之。操。練。戰。術。之。教。訓。固。煌。然。歐。西。陸。軍。之。形。式。也。然。無。尙。武。之。精。神。則。他。日。之。能。宣。揚。國。威。鞏。固。守。備。足。與。外。人。一。決。勝。負。與。否。固。無。人。敢。斷。言。其。必。有。成。效。也。興。辦。學。堂。矣。凡。建。築。校。舍。延。聘。教。習。授。業。之。課。程。學。科。之。完。備。其。上。者。固。煌。然。歐。西。學。校。之。形。式。也。然。無。教。育。之。精。神。則。他。日。之。能。養。獨。立。之。學。風。育。偉。大。之。人。物。足。備。國。家。之。用。與。否。又。無。人。敢。斷。其。必。有。成。效。也。其。他。改。革。莫。不。類。是。傳。羊。質。以。虎。皮。衣。文。繡。於。木。偶。豈。特。無。裨。於。治。道。且。恐。浸。爲。叢。弊。之。藪。塗。堊。療。厚。徒。費。後。人。廓。清。之。力。而。已。乃。者。鑒。於。俄。人。之。敗。知。專。制。政。體。之。不。足。以。立。國。內。外。臣。工。羣。請。立。憲。朝。

廷赫然發奮。特派重臣。考查憲法。以備采擇。是亦可謂非常之舉動。深知制治之本原者矣。然英國固憲政祖國。其大憲章。權利請願。又英人所寶爲金科玉律者也。然英國憲法之完成。憲政之堅固。實由英人富於自治之能力。豐於政治之思想。故足以保維憲法於不敝。故英國之憲政。深植於國民之肺腑。而不在成文法典之間。今使無立憲之精神。徒鑄於風潮之不得不然。姑欲取成文法典。以塗墍之。曰立憲立憲。則雖取英國之大憲章。權利請願。布之吾國。而具有其形式。豈遂以享此幸福。而保其治安。三年以前。朝鮮何嘗不布定憲法。然幾見其能救危亡也。且夫戊戌維新。僅百日耳。語其政制。無以異於今日所措施。語其條理。或且不如今日之詳密。然而天下人士。濯磨待治。列強環視。動容改觀者。何哉。有熱誠爲改革之原。其精神足聳天下之視聽也。故有精神之真改革。雖條理未備。固無害於自強。無精神之僞改革。雖形式畢具。亦粉飾而已。塗澤而已。烏乎可哉。失敗之原因。因此其五。凡此數因。皆造成今日之惡果。日言改革。而適以誤國者也。語曰。不習爲吏。視已成事。又曰。知病是藥。竊願謀國者。慎於造因。鑒前車之覆轍。一誤者。勿使再誤也。

論用人之新現象 錄乙巳七月二十八日中外日報

我生以來。見我社會之情狀。十年之間。有一至新奇之變化焉。其事烏乎在。曰。在人與事相

劑之會。數年之前。目中所見者。皆人浮於事之社會也。而此數年以來。人浮於事之社會。固未嘗少改。而其所現之象。則與前不同。一社會之內。畫爲兩部分。一部分則仍率其人浮於事之素。一部分則有事浮於人之象焉。則世事之變局。亦云大矣。蓋人浮於事者。此社會之實象。其故由於工藝不興。而嗜慾日闢。外來之物。日多一分。則本有之業。日廢一分。業日以寡。而齒日以增。則四郊皆無業之民。家無可耕之田。身無一長一藝。其所有者。乃嗷嗷然之妻子數口耳。如是之民。勢必羣爭。不必藝能。而可以得食之地。以爲苟活計。夫不必藝能。而可以得食之地。在中國固獨衆於各國。而且獨優於各國也。以此之故。若輩失意者固多。而得意者仍復不少。故適足以使民不絕其萬一邀倖之心。而不思自反。其本雖然。其位置之數。終不敵欲得之者之數。故人浮於事之象。遂成一定而不可逃之理。而其果效。則必先自結於能予奪我之人。如是者爲賁緣。必先以計敗與我同欲之人。如是者爲排擠。賁緣之極。使人無廉恥。排擠之極。使人不能合羣。夫無廉恥。與不能合羣。非中國之大病哉。而其故皆出於此。至此而其國始無以自立矣。乃積人浮於事之極。一轉而變爲事浮於人。如今日四游歷大臣之奏調隨員。趙次帥之奏調僚屬。內地各督撫之延請幕僚。其數無慮過百。而其人乃不過此數人。竟有一人之身。數日之內。延之者日數至。而卒之無一可往者。此何其

與昔之求之不得者相反哉。夫社會未改決不能生相反之果。見爲相反者。正其相轉而深者也。蓋此不必藝能而可以得食之社會。始終如一而其已得之人未嘗不心知其意思欲長保其所有。非預絕來者不可。其不及已者已聽之矣。此即一部人浮於其與已略等或勝已者則必有一妙道以處之。招之來耶。已必受其干預之苦也。明拒之耶。已必受其反對之力也。計惟由一方面招之使來。由一方面諷之使不來。使其人知其心意之不實而不即來。又觀其禮貌之殷勤而不甚怒則庶乎干預絕而反對消而已之所有可常保矣。是并夤緣排擠之術而一時並用也。如是思之如是爲之。蓋有出於不得不然者。而其現象則適似乎事浮於人者。然故曰見爲相反者。正其相轉而深者也。嗟乎。人浮於事之效果。可以使人無廉恥不能合羣。此猶爲專制之習氣。政體改而此習亦必俱改。若事浮於人之效果。則使天下之人望。皆有進用之名。而無進用之實。其實權仍在一二鄙人之手。且以此爲將來立憲時之巧術矣。其爲害豈有既乎。

籌藏論 錄乙巳八月二十日南方報

英藏之交涉。中國外交史上之一鉅案也。其發端自二十年前。至光緒二十九年。而始一結果。又爲中朝所執。未得如願。遂綿延以至於今。平心論之。我國之處西藏。本多失策。無怪

此說

二百七

乙巳

英人之生心。但已往之事。不必贅言。所冀者。唐京卿之磋商。得以有成。庶幾補牢之策。猶有所施。而不致遺恨於終古。傳聞京卿與英磋商。業將有損主權之約。悉數改換。此後西藏。將仍屬中國完全領土矣。夫中國而無意保全西藏。則已。倘有意保全西藏。則保全之法。不可不定之於先。否則前此之覆轍。既不可循。後此之方針。亦無一定。以孤懸之地。介兩大之間。勢不至折入他國不止。是日下之磋商。爭辯。苦心折衝。皆屬無謂也。前者當軸於此。持之甚力。今已視之淡然。似西藏已與中國無與。夫英藏之約。初未明言割讓也。即該約一字不可挽回。我猶將就約內之所得。爲補苴罅漏。以徐圖恢復。安有明知可以改約而不爲之預備者。又安有明知必需布置而故意因循者。乃數月以來。寂無所聞。其果當軸者不屑措意耶。本館竊念西藏之地。動足牽涉外交。即無不關係內政。萬萬不可忽略。茲謹就蠡測所及。將措置西藏之法。著之於篇。以俟采擇焉。

一、四川宜分建行省也。按中國與西藏接壤之地。北以青海。東以四川爲最長。入藏之路。北有由西甯經青海南行一路。東有由四川出巴塘西行一路。近年駐藏大臣。大率由川入藏。而駐節之地。又常在打箭爐一帶。故川藏關係。亦以日深。以地勢言。西藏前臨印度。後拒新疆。右連中亞。實爲西南之屏蔽。而由藏地以趨川省。上之可出揚子江上遊。以取建瓴之

勢次之亦可交通秦隴以成犄角之形故川藏相聯有如唇齒欲圖藏事不得不先顧川省者勢也惟川省地方遼闊川西一帶蠻戎窟宅幾為聲教不及之區總督遠駐成都布置一切誠慮鞭長莫及近者三瞻之事稽延累月未得一當即其明徵若不布置川西則後路堪虞藏事亦難於下手謂宜將四川劃為兩省分設川西巡撫以董理之而仍受成於總督庶精神得以專注呼應亦可較靈所有興革事宜亦可與駐藏大臣聲氣相通藉收指臂之效而不致仍前隔膜此實為整理藏事之第一著也

一駐藏大臣宜加重職權也按中國之治西藏不干涉其宗教風俗而軍政外交財政則駐藏大臣實握其權此與英人之治印度政策略同即列國之治屬地亦半用此法實待屬地最良之策也惟歷任駐藏大臣率以旗員之沈滯者任之視同遠謫方趨避之不暇一旦任事非鹵莽滅裂即畏葸因循從無喜功好名之心安識固國殖民之法其始不肯辦事其後遂致失權而累朝兵力之餘威列聖貽謀之至計遂皆不可復問矣推原其故雖由歷任大臣之溺職亦實由朝廷之輕視此官有以致之按駐藏大臣雖亦以二三品大員任之然權勢實遠不如督撫而所入至菲不知職數合又不足以資肆應且窺朝廷之不欲事事故尤樂於無為在朝廷方謂如此已足羈縻初不知空穴來風事已敗壞於冥

批說

二百九

乙巳

冥。而。不。覺。也。今。若。實。行。整。頓。當。期。恢。復。舊。制。仍。總。攬。其。外。交。軍。事。財。政。之。權。藏。使。久。為。藏。人。輕。視。是。宜。特。命。重。臣。聲。望。素。著。者。使。之。便。宜。行。事。其。威。望。權。力。當。與。督。撫。相。等。政。府。不。為。遙。制。前。後。藏。事。均。歸。總。理。其。下。應。有。屬。員。若。干。人。分。掌。軍。事。財。政。外。交。各。務。而。受。成。於。大。臣。由。大。臣。為。之。指。揮。調。度。其。達。賴。喇。嘛。祇。準。綜。理。教。務。一。切。行。政。不。得。過。問。而。經。費。之。補。助。軍。馬。之。調。遣。政。府。與。邊。疆。督。撫。復。應。通。力。合。作。不。分。畛。域。庶。明。幹。之。士。得。以。有。為。而。駐。藏。大。臣。不。至。如。前。之。為。傀。儡。矣。夫。朝。廷。既。以。全。藏。付。之。一。人。之。手。則。其。責。任。至。為。重。大。然。若。今。駐。藏。大。臣。所。處。之。地。位。幾。使。上。智。無。以。發。舒。又。安。望。藏。事。之。有。起。色。乎。故。今。日。籌。藏。非。將。駐。藏。大。臣。擴。張。權。力。及。增。改。官。制。無。從。下。手。也。惟。藏。人。心。志。外。倚。英。俄。中。國。又。當。積。弱。之。餘。恐。其。事。不。無。阻。格。然。使。當。事。者。能。剛。柔。並。用。持。以。堅。忍。當。無。不。能。如。願。是。在。任。之。者。得。其。人。耳。

一、宜綜理財政。藏地饒富。久已著聞。雖產物之種類不多。然礦產豐盈。畜牧繁盛。其富源實不勝開拓。乃藏人怠惰。任棄於地。而不知。遂至外人垂涎。狡焉思啟。此固藏人之過。抑亦中國之過也。夫外人甯棄千萬之金。以求尺寸之土。正以富媪所闕。盈無窮。故其於屬地。也不惜死力爭之。全神注之。中國明有其地。而不知愛惜。既不能吸集其財。以供母國之用。復不能廣開生計。為藏人教養之資。藏人之消息盈虛。從來於己無與。吾不解當日取此土。

爲何用也。天與不取，反受其禍。中國今日殆似之矣。今日經營藏地，實以財政爲要。綱況舉行新政，如教育、軍事、交通，各大大端，所費動須鉅萬。今日財政奇絀，安有餘力？可以及此勢非就地取財，不可。而藏地目下又至窘瘁，所有入款皆爲喇嘛霸據，非速求開源之法，必至無一事可爲計。藏地情形，目下之所得爲者，約有數端：其一爲行鹽稅。考藏地用鹽，皆由各地巖池資用，民間私相售販，其價頗極低廉。今宜將闔藏產鹽之區調查清晰，然後按就場征稅之法，每籠或每運收稅若干，其數以值百抽二十爲率。計藏人數約二百萬，以每人年用鹽一元計，即可得四十萬金。其二爲行茶之專賣法。藏地本銷華茶，每年經打箭爐一帶運往者，取值不下二三百萬金。道阻且長，獲利頗尠。今若由官專賣，於川境販運入藏，用公平之價出售，銷路既一，獲利必多。比者印度之茶，由大吉嶺鐵道輸入藏地者，日盛一日。若非速圖抵制，則固有之利，且將盡失。今行此法，既可多籌的款，又可抵制印茶，誠爲一舉兩便。其三爲通行貨幣。考西藏本用紅銅幣，名曰普爾，爲中國昔日所制定者。比聞市中多通用俄國盧布及印度羅比。此於國權增長大有關係。考外國經營人地，每以貨幣爲前驅。其金融流通之機關，即鐵騎憑陵之所及。我駐藏大臣，曩不察，遂至聽客所爲，既失利權，又傷國體。今欲整理財政，必先從通行貨幣下手。然後出納便利，挹注適宜。其事大約有三：一、鑄

合宜之銅幣。一設國立之銀行。一造通行之鈔票。頭緒繁賾。未易具陳。然簡易言之。不外將全藏貨幣之權歸之於我。而操縱隨宜而已。四爲開礦。藏中金鐵銀銅之礦。多不勝言。惜地僻民愚。全未開采。今若由官中設法。由漸而進。廣闢利源。其獲利之豐。蓋可預計。惟開礦本非易事。近年以來。中國之開礦者。十次九敗。況以藏人之頑梗。地勢之艱險。非有十分把握。未可輕言。惟藏中利源實以此爲最鉅。無論遲早。必須辦到。此時徐圖措置。不必鹵莽從事。則可。若竟置之不顧。則不可也。以上四則。實爲財政之宏綱。然事在得人。非有廉幹之才。復諧經濟之學。者未易從事。蓋經營屬地。財政與國內財政不同。伺隙蹈瑕。動虞得咎也。

一軍政宜整頓也。西藏額兵不過千數百人。軍械窳敗。操法尤極恇疏。然其人實勇敢可用。中國昔日限制兵數。原以削弱其民。與古之銷兵墮城無異。蓋初慮臥榻之側。他人鼾睡也。今者時勢大異。廁英俄之間。腹背受敵。非兵力足以自衛。萬不免於危亡。且二強之以藏爲掌中物也久矣。一旦覩中國之更張。其妬忌之情必愈增烈。尤須有完備之兵力。方足建威銷萌。且黃金利劍。實爲支配世界之物。誠欲於藏地更張一切。以藏人之頑固。不得不備其反抗。非有完備之兵力。又何以擁護其職權。如三瞻之事。即其例也。若大臣有重兵。何至於此。故練兵一事。尤爲不可緩之舉。至練兵之法。固宜改習新操。然鄙意宜擇險要之區。先行招練。其兵全以土人。

充。用。什。長。以。上。間。或。參。用。漢。人。至。士。官。則。全。以。漢。人。充。之。而。別。練。漢。兵。一。鎮。分。駐。國。中。要。害。其。聲。勢。必。相。聯。絡。軍。械。則。漢。兵。用。最。新。之。式。藏。兵。用。稍。舊。之。式。而。皆。由。漢。官。司。其。收。發。其。練。兵。之。事。別。設。提。督。等。官。主。之。而。受。成。於。大。臣。餉。糈。則。就。地。設。法。其。不。足。之。數。由。本。部。各。省。協。助。至。藏。地。險。惡。必。須。開。闢。行。軍。道。路。而。工。兵。尤。須。多。練。凡。築。壘。駕。橋。鑿。洞。通。電。等。事。皆。必。加。意。考。求。而。輜。重。運。送。之。法。亦。宜。實。習。惟。騎。兵。可。以。減。練。至。將。材。難。得。惟。有。於。川。西。及。前。藏。各。設。學。堂。數。所。分。別。施。教。目。前。則。暫。以。各。省。武。學。畢。業。生。調。用。全。藏。軍。隊。皆。歸。大。臣。及。提。督。調。遣。節。制。藏。人。不。得。私。主。如。此。庶。強。鄰。暫。息。窺。伺。屬。地。共。仰。威。稜。且。不。至。輕。啟。釁。端。動。招。挫。辱。也。

一、宜開放門戶也。藏地爲英俄交伺之區。近年以來。英由印度越哨利嶺以窺其南。俄由中亞拊新疆以窺其北。鷓蚌相持。皆以藏地爲之樞軸。去年。英人乘日俄構兵之際。派兵入藏。俄人不暇兼顧。亦敢怒而不敢言。然俄人在藏之根據。頗較英人爲堅。藏人與俄極形親睦。英俄誠協商允洽則已。否則俄人斷不肯輕敗前功。亦不免仍生觸突。今欲整頓藏事。於兩國感情。勢不能無所偏袒。然從英則俄怒。從俄則英爭。論兵力則英人爲強。論感情則俄人爲摯。我大臣左右爲難。之不暇。尙足以言辦事乎。今欲免此葛藤。是宜將中國治理西藏。

宗旨。先行。宣布。一面。擇。險。要。之。地。慎。固。封。守。而。將。往。來。孔。道。之。都。市。開。放。通。商。北。達。西。域。南。達。印。度。東。達。四。川。雲。貴。轉。輸。輻。輳。既。獲。通。商。之。利。又。免。誨。盜。之。虞。且。後。藏。與。俄。往。來。貨。物。不。多。即。令。通。商。亦。無。所。利。而。南。境。如。亞。東。江。孜。各。部。則。為。藏。印。往。來。孔。道。如。果。將。附。近。各。屬。一。律。開。放。英。人。必。甚。獲。益。是。此。一。舉。既。可。杜。俄。人。之。詭。計。又。可。市。英。人。之。歡。心。英。既。不。得。故。肆。苛。求。俄。亦。不。得。藉。端。要。挾。外。交。之。荊。棘。漸。可。消。除。然。後。專。意。內。治。庶。阻。力。去。而。成。效。彰。不。致。窮。於。應。付。矣。

以上數端。不過擇其顯著者言之。至若根本之圖。必以教育為主。藏人蔽塞之故。一由於地理。二由於宗教。至今已成天性。使任其蔽塞而不為開通。則目前雖免傷亡。而當此帝國主義盛行之時。必有不能保全之一日。惟茲事關係太大。且中國本部教育。尙在幼稚之時。而欲施之屬藩。以挽其數千年來習俗之弊。實非易事。只可存此一說。以待將來矣。至所舉數事。頭緒已極紛煩。斷非慮遠可以從事。其辦理之關鍵。約有二事。其一為調查成案。中國撫有藏地。越二百年。其間用兵之方略。控馭之良謀。宗教之關係。官制之更革。以及交涉之案。地理之形。在在可為前車之鑒。後事之師。而官中既無纂輯。私家尤欠考求。使當事者荒忽迷茫。無所印證。措治之策。因以多歧。今既大議更張。必須先將歷年成案。無論官私紀載。速

行調查。以備參考。其一為實察現情。藏地情形。中國人知之者不及萬一。論藏事者亦皆依稀彷彿。有如海客談瀛。彼外人之涉藏地者。鑿險絕幽。無微不至。中國人乃反從其紀載。略知一二。亦足惡矣。今布置一切。非先行實地調查。則情形必不明瞭。盲人瞎馬。隕越堪虞。故宜多派堅苦耐勞之人。分往藏中各地。各按所專長之事。詳細攷覈。財賦軍器。以為辦事之資。料非此則憑空結撰。萬端皆無當也。竊擬藏約更定後。中國之所應辦者如此。設藏約無可挽回。則此議亦為虛發。所望當軸諸公。早知其事。速為之備。勿致坐失事機耳。

論甘肅新疆於中國之關係 錄乙巳八月二十一日中外日報

凡位於地球之上。畫一域以為版圖。而國於其間者。其國形勢必有至要害之處。或一或二。或三四不等。要必得之則國安。失之則國危。初不以其地之遠近大小也。惟其形勢而已。神州建國。據天下之上腴。戰國以前。分為無數小國。不相統一。無從省知何地為神州之要害。而亦幸其時外族尙無與我相遇者。至秦漢之際。匈奴併為一。案趙已與匈奴戰然其時匈奴皆頭曼以前星散之部也。漢初匈奴為大國。大夏者。西方種族也。則其時匈奴之可觀之力。如振落葉。使以此衆。加諸春秋戰國之間。中國之不支明矣。而其時適又為中國新造方強之二大國相遇。勢不並存。而地形之要以出。凡守中國者。東必得朝鮮。無朝鮮則中國不可守。此其勢今日人皆知之矣。然有尤甚於此者。則新疆是也。新疆之大有關係於

社說

二百十五

乙巳

中。國。其。理。至。漢。武。始。發。明。之。漢。武。生。平。征。戰。其。宗。旨。皆。在。絕。滅。匈。奴。蓋。有。見。於。北。族。之。足。為。
 漢。種。競。敵。也。而。其。滅。匈。奴。之。策。皆。規。遠。勢。井。然。秩。然。不。爭。勝。於。一。擊。東。平。濊。貊。不。足。制。匈。奴。
 之。命。也。其。要。在。開。河。西。四。郡。斷。匈。奴。與。西。羌。交。通。之。路。西。部。斷。來。古。之。與。青。海。至。三。十。六。國。皆。受。
 節。度。而。後。西。羌。乃。得。而。服。於。是。輜。車。之。使。踰。葱。嶺。臨。黑。海。凡。其。大。國。皆。與。締。盟。然。後。大。舉。以。
 伐。追。亡。逐。北。窮。力。而。後。已。其。後。匈。奴。遂。為。漢。人。所。臣。服。從。此。漢。人。保。獨。立。者。又。一。千。數。百。年。
 至。蒙。古。興。而。後。失。之。久。五。胡。滅。之。以。亂。中。國。之。流。寇。不。漢。武。之。澤。亦。至。遠。矣。而。其。要。著。全。在。開。河。
 西。四。郡。並。征。服。三。十。六。國。晉。之。盛。時。亦。有。涼。州。至。於。唐。代。西。出。逾。遠。宋。時。綏。延。以。外。屬。於。西。
 夏。遂。無。以。支。遼。金。而。遼。金。亦。以。不。能。去。西。夏。之。故。不。能。全。吞。宋。元。先。滅。西。夏。而。後。滅。南。宋。此。
 其。證。矣。為。南。北。朝。時。北。族。柔。然。後。漢。南。涼。北。涼。西。涼。秦。雖。起。入。中。國。者。非。以。五。胡。然。則。甘。肅。新
 疆。二。省。於。中。國。之。關。繫。不。其。重。哉。今。日。形。勢。翻。然。一。變。就。具。文。而。言。蒙。古。西。藏。皆。我。屬。國。新
 疆。居。其。間。儼。如。內。地。無。所。為。難。然。就。其。實。而。言。之。西。藏。實。權。將。難。久。保。而。俄。人。不。得。於。東。必
 得。於。西。無。一。日。無。窺。新。疆。之。志。倘。一。旦。新。疆。陷。西。藏。之。覆。轍。則。一。朝。廷。萬。一。有。風。鶴。之。警。而
 欲。暫。避。於。長。安。恐。不。可。復。得。矣。何。則。長。安。之。背。已。撤。不。能。復。一。日。安。也。其。形。勢。正。與。古。不。殊。
 是。以。吾。輩。甚。望。朝。廷。之。於。甘。肅。新。疆。巡。撫。必。慎。選。其。人。以。為。將。來。緩。急。之。恃。不。然。朝。鮮。失。
 矣。而。甘。肅。新。疆。復。不。保。自。秦。混。一。以。來。未。有。東。無。朝。鮮。西。無。甘。肅。新。疆。而。中。國。可。以。自。存。者。
 也。

商務印書館出版
政治類

萬國憲法比較

每部一册
價洋三角五分

日本長巳小二郎著房縣鐵翼筆譯○是書於各國政體之得失憲法之異同比較明瞭評論精確讀之可知各國憲法之體裁及憲法之沿革

憲政論

每部一册
價洋四角五分

日本菊池學而君著侯官林學譯○凡事皆先有理論而後有實事我國渴望憲政已久願理論尙未完備是書陳義甚精而譯者亦能達其論旨不失分毫

議會政黨論

每部一册
價洋五角

日本菊池學而而著譯○歐洲政界操其柄者為議會為政黨日本步武泰西遂雄東亞肝衝中原大勢必當同循此軌菊池法學士政學湛深著為是書夙推佳本亟譯印行以爲將來立憲之先導

萬國國力比較

每部六册
價洋二圓五角

英國默爾化著日本專門學校譯出洋學生編輯所重譯○是書廣集各國政府統計報告而成於五洲萬國貧富強弱文野程度之差考察精詳纖悉無遺分領地人口勛力蒸汽力農林漁礦製造等業貿易運輸銀行貨幣租稅公債諸大綱分目數百綴表百餘詳細無匹

商務印書館 地理類 出版

中國通覽

每部一本
價洋五角

是書於中國地理政治工商業等記載明晰揭要刪繁適於實用原本係日文乃為日人來吾國者導引之書
吾國政治界實業界中人苟取而讀之則於己國情勢瞭如指掌即用為中學堂課本亦可稱完善者也

最新滿洲朝鮮地圖

每幅價洋五角

滿韓一隅為近日世界之爭點東亞大局關係於此日俄戰後尤為世界所注目我國士大夫有經營宇內之
志挽回時局之心者不可不備此圖

滿洲地志

每部一本(洋裝)
價洋七角

日本參謀部原本本館譯○日俄交戰實肇端於我東三省滿洲一隅愈為世人注意之點本館先印最新滿
洲朝鮮地圖以備世人研究惟有圖無志終嫌未便昔人龍沙紀略松漠紀聞等書皆嫌陳舊茲覓得日本參
謀部最近刊滿洲地志記載詳盡調查明確特譯印行世以供留心時事者之參考

諭旨

七月十七日至八月初五日

旨蔭生黃連著以侍衛用分發陝西試用道張藻湖南試用道李起榮廣東試用道王良弼廣西試用道陳鳴惠安徽補用知府黃霽河南補用知府楊敬宸直隸試用知府劉思鑑安徽試用知府郭振墉四川試用同知蕭立圭山東補用知州夏仁溥襲教仁河南試用知州寶賢江蘇試用通判吳奕安徽試用通判胡玉鴻山東試用通判洪振鵬浙江試用通判蕭有梧山東試用直隸州州同劉培鈞江蘇補用知縣陳邁勳安徽補用知縣徐德華山東補用知縣沈桐福建補用知縣王之傑直隸試用知縣王永潮曲明允何廷乾安徽試用知縣張兆謙山東試用知縣范得成秦崧年山西試用知縣扈墨林葉祖修河南試用知縣閻愛真陝西試用知縣吳朝品甘肅試用知縣張鍾駿蔣希惠福建試用知縣潘帶翰王儲易德聲江西試用知縣江譜薰張道世湖北試用知縣吳瑞慶湖南試用知縣紀靖周何爾照廣東試用知縣王舟瑤廣西試用知縣倪育萬四川試用知縣吳以剛王毓文姚良椿賀家激山東試用鹽大使劉剛劉藻煊浙江試用鹽大使劉熙庚福建試用鹽大使呂之翰俱照例發往截取內閣中書童傑梅著照例用擬補內閣中書永泉擬補吏部筆帖式郭永泰河南城守尉衙門筆帖式敏恂俱准其補授盛京甯遠倉官著景福補授欽此 七月十七日

旨有奏奏後職職缺請補一摺著照有奏所奏著擬正之五品達巴噶爾營官期美策汪補授欽此 十八日

上諭貝勒銜固山貝子奕謨秉性溫恭老成端謹內廷行走有年歷任內大臣都統宗人府宗人等差勤慎趨公克勤厥職前因患病賞開差使方翼調理就痊常承恩眷茲聞遠逝軫惜殊深著賞給陀羅經被派員勸載溫帶領侍衛十員前往奠醑賞銀一千兩由廣儲司給發任內一切處分悉予開復其餘飾終典禮該衙門查例具奏伊承繼孫傳侍著加恩承襲奉恩鎮國公毋庸帶領引見以示篤念宗親至意欽此 上諭八月初八日祭 社稷壇朕親詣行禮欽此 上諭

諭旨

四十三

乙巳

張會政奏考核屬員分別舉劾一摺山西候補道志森候補知府潘禮彥署太原府知府蒲州府知府楊樹候補知府沈士傑署歸化廳同知左雲縣知縣陳壽昌署安邑縣知縣武樹善榆次縣知縣戴書銘署河曲縣知縣試用通判謝錫慶均著傳旨加獎候補知府彭廣心以財行賄荒謬膽大署朔州知州大挑知縣張燦縱容子弟貪劣不職署臨縣知縣董運授權門丁夥同詐索署臨晉縣知縣汪敦元縱丁爲匪昏闇無能著卽行革職試用直隸州知州姚振國舉動失宜不知政體著以府經歷縣丞降補河東運庫大使張茂善年老罷軟聖惠司巡檢方臬精力衰頹鳳縣訓導楊淑亨聲名平常均著勒令休致該部知道欽此 二十日

上諭崇文門正監督著榮慶去副監督著鐵良去欽此 上諭奉天府府尹廷杰著開缺以侍郎候補前往奉天辦理墾荒事務欽此 上諭張人駿奏特參委員濫刑斃命臬司故縱徇隱請分別懲處一摺廣東候補知縣劉宗瀚承審盜犯麥亞兆並不虛心研訊違將該犯濫刑致斃臬司程儀洛倒列月冊有心徇隱實屬咎無可辭劉宗瀚著卽行革職程儀洛著交部議處餘著照所議辦理該部知道欽此 二十五日

上諭署兵部尙書戶部右侍郎鐵良著在軍機大臣上學習行走欽此 二十六日

上諭署兵部尙書戶部右侍郎鐵良著派充政務處大臣欽此 二十七日

上諭周徵奏總兵因病懇請開缺一摺江南蘇松鎮總兵陳旭著准其開缺欽此 上諭江南蘇松鎮總兵員缺著江蘇補用道徐紹楨補授欽此 上諭前任塔爾巴哈台參贊大臣春滿忠勇性成辦事勤奮於咸豐年間隨僧格林沁轉戰山東江南數省屢著奇功嗣經調赴伊犁隨剿回逆爲前將軍命順所倚任由伊犁索倫額魯特察哈爾領隊大臣補授參贊大臣宜力邊防克勤厥職前因患病准其開缺調理茲聞遠近軫恤殊深加恩著照副都統例賜卹任內一切處分

悉予開復生平戰功事跡宣付國史館立傳並附祀前伊犁將軍金順專祠應得卹典該衙門查例具奏欽此 二十九日
上諭御史王步瀛奏各省工商抵制美約風潮過激請飭加意防範以維大局一摺前據外務部王大臣面奏美國工約
一事迭經出使大臣梁誠及外務部先後與美政府商議美政府已允優待華商及教習學生游歷人等並允於議院開
時盡力公平妥辦各在案昨據該御史奏稱公憤既與人乘言煽難保無宵小生心乘機竊發恐悞大局等語亟應明白
宣示以免悞會而釋羣疑中美兩國睦誼素敦從無彼此抵牾之事所有從前工約業經美政府允為和平商議自應
靜候外務部切實商改持平辦理不應以禁用美貨輒思抵制既屬有礙邦交且於華民商務亦大有損失迭經外務部
電行各該省督撫曉諭商民剴切開導務令照常貿易共保安全再責成該省督撫等認真勸諭隨時稽查總期安居樂
業毋負朝廷諄諄誥誥之意倘有無知之徒從中煽惑滋生事端即行從嚴查究以弭隱患將此通諭知之欽此 八月初
二日

上諭錫良奏甄別庸劣各員請分別懲處一摺四川准補大甯縣知縣蕭宜元志趨卑陋縱丁詐贓試用知縣阮德沅操
守不謹素有劣聲均著即行革職南江縣知縣魏鴻儀信用家丁辦事愚謬新津縣知縣楊錫澍行多夸詐不洽輿情惟
文理尚優均著以教職歸部銓選桐梁縣知縣鍾爾毅識閤才庸紀綱懈弛天全州知州吳福同年力衰頹政事廢弛候
補知縣郭鏡清年力就衰難期振作均著勒令休致璧山縣知縣程喬雲聽斷無能民多拖累著以府經歷縣丞降選忠
州直隸州知州桂天培忠厚有餘不勝煩劇安岳縣知縣戴雲峯才力竭蹶人地不宜均著開缺另補另片奏南江縣教
諭吳才矩行同市僧常甯縣訓導余正倫行止粗鄙試用縣丞李大鏞家政不嚴均著一併革職試用縣丞朱安瀾舞弊
營私著革職永不叙用餘著照所議辦理該部知道欽此 上諭錫良奏保薦賢能卓著各員等語四川候補道吳佐署
歸州府知府高增爵署資州直隸州知州宋聯魁試用知縣周士杰高縣知縣熊廷權蓬溪縣縣丞繆秀均著傳旨嘉獎

諭旨

四十五

乙巳

欽此 上諭前經降旨諭令各省選派學生出洋遊學該督撫已陸續遵照辦理所有派出之學生皆應講求實學專科以期致用毋得避難就易徒託空言著各視其性之所近責令分門肄習殫心研究務底專精畢業回華考試合格優予出身用備器使現在留學東洋者已不乏人著再多派學生分赴歐美俾宏造就各該學生遠涉重瀛將為國家效用朝廷深為嘉許各出使大臣皆有監督之責當視學生如子弟隨時考察無論官費自費如能堅苦奮學志正品端應一體認真愛護其有資斧不繼染患疾病者即酌量情形分別體恤如有不守範圍之生亦即嚴加約束冀廣成才毋稍膜視用副朝廷培植人才實事求是之至意欽此 初三日

上諭袁世凱等奏請立停科舉以廣學校並公籌辦法一摺三代以前選士皆由學校而得人極盛實我中國興賢育才之隆軌即東西洋各國富強之效亦無不本於學堂方今時局多艱儲才為急朝廷以口昌科舉為急務屢降明諭飭令各省督撫廣設學堂俾全國之人咸趨實學以備任使用意至為深厚前因管學大臣等議奏當准將鄉會試中式分三科遞減茲據該督等奏稱科舉不停民間相率觀望推廣學堂必先停科舉等語所陳不為無見著即自丙午科為始所有鄉會試一律停止各省歲科考試亦即停止其以前之舉貢生員分別量予出路及其餘各條均著照所請辦理總之學堂本口學校之制其獎勵出身亦與科舉無異歷次定章原以脩身讀經為本各門科學又皆切於實用是在官紳申明宗旨開風興起多建學堂普及教育國家既獲樹人之益即地方亦與有光榮經此次諭旨著學務大臣迅速頒發各種教科書以定指歸而宏造就並著責成各該督撫實力通籌嚴飭府廳州縣趕緊於城鄉各處遍設蒙小學堂慎選師資廣開民智其各認真研究隨時考察不得少行瞻徇致滋流弊務期進德修業體用兼該以副朝廷勸學作人之至意欽此 初四日

上諭浙江溫處道員缺著賀元彬調補甘肅鞏秦階道著英瑛補授欽此 初五日

商務印書館出版
各種教科書

學務大臣審定 論理學綱要

每部一冊
價洋四角五分

日本十時彌著江陵田吳焯譯○論理學吾國舊譯辨學近人侯官嚴氏以其學精深廣大譯為名學方與本義相副是編譯自日本故仍其稱原審條理井然便於教授本館特聘湖北全省學務處參議官田伏侯先生譯為漢文句辭字酌務合原意而詞旨曉暢亦能不為原文所束縛

學務大臣審定 教育心理學

每部一冊
價洋三角五分

日本高島平三郎著江陵田吳焯譯○教育程度必以心理為衡否則躓等以費必傷學者腦力求益反損我國教育近始萌芽各學堂學科程度亟待參酌故斯學尤關緊要書者自序請力求平易便於自修田伏侯先生亦謂為從事教育者不可不讀時代大館編譯詞達理舉足供教授

學務大臣審定 普通珠算課本

每部一冊
價洋一角

無錫福芬室主人編輯○珠算在尋常日用中最高為便捷但歸除之法亦頗奧妙不善學者往往徒勞無功是編彙集各種口訣詳細解釋無論何人一閱便悉誠珠算之津梁也

東西洋倫理學史

每部一冊
價洋八角

日本木村廣太郎著本館譯○倫理學為德育之大本大學堂新訂高等學堂章程首列人倫道德一科可知其要是書彙集東西洋各家學說東洋共三十三人西洋共三十二人名論畢覽可謂倫理學之大成

商務印書館出版
算學類教科書

學務大普通珠算課本

每部一册
價洋一角

無錫誦芬室主人編輯○珠算在尋常日用中最為便捷但歸除之法亦頗奧妙不善學者往往徒勞無功是編彙集各種口訣詳細解釋無論何人一閱便悉誠珠算之津梁也

初等筆算教科書

全部五册

本館編輯學堂教科書次第出版以國文及算學尤為小學堂所注重故亟印備用是書由陽湖徐君壽秉筆經日本教育家小谷重君長尾慎太郎君校訂其程度按照 奏定小學章程并東西各國成法按年分級全書五册備小學五年之用書中前二册兼實物各圖以引起兒童興味

定價 一册 洋一角五分 二册 洋一角五分 三册 洋二角 四册 洋二角 五册 洋

初等筆算教科書教授法

全部五册

是書專為教習者實際教授時所用無此則教授時必枯寂無味亦與前書相輔而行

定價 一册 洋二角五分 二册 洋二角五分 三册 洋三角五分 四册 洋三角五分 五册 洋

新出數學教科書

每部兩册
價洋三角

小學校數學教科書尚無善本間有一二非失之繁冗即嫌於淺顯教育家咸為本書館按照小學程度精心編輯庶有盡有最便實用

內務

立憲私議

錄乙巳七月十六日晉報
陸宗輿稿

英國憲政。出於相因而化。成於相習。故憲典無成章。德國以聯邦相合。國體自別。法經歷革。之後。制度最有秩序。惟政體爲共和。美之政體如法。而分省如國。各省立法自治。有欠統一。歐美各國之情勢。不同如是矣。日本採歐美之善。就本國之宜。燦然成一國典章。於日本固稱完善。而情勢又不同中國。今即舉日本憲典言之。其第一章爲天皇大權。第二章爲臣民權利義務。第三章爲國會。第四章爲大臣職務。第五章爲司法。第六章爲會計。皇位則仍定典範。於是乎治綱畢具矣。然言乎中國立憲之要件。則固有特須注意者。第一滿漢問題。第二領土問題。第三外藩問題。第四邊疆治法問題。第五皇位問題。此皆中國國家形體上特重之條件也。至於君權民權之關係。議院之宜否。行政之統一。司法之獨立等。則又立憲內容之絕大關鍵。願以現今之中國國勢民情論之。庸使得一二聖君賢相專制一二十年後。徐議憲政。以爲幸。以與立憲之程度遠也。惟此言可明於心。而不可宣諸口。何者。文化滯塞之國。先覺者亦祇能闊步高蹈。以導民於進。無遽巡待命之理。時事不可畏難而易作。輟又

內務

一百六十五

乙巳

不。可。激。進。而。招。失。敗。日。本。舊。為。最。專。制。之。國。民。智。亦。不。開。自。明。治。初。年。有。立。憲。之。旨。至。二。十。三。四。年。後。議。院。既。開。時。而。士。民。於。議。政。體。之。見。識。閱。歷。尚。甚。幼。稚。然。至。三。十。年。後。卒。進。於。大。成。矣。想。其。間。當。局。者。正。不。知。幾。經。風。潮。幾。經。艱。難。而。卒。底。於。成。者。守。要。不。惑。而。行。之。以。序。也。不。然。西。班。牙。之。弱。埃。及。之。衰。波。蘭。之。亡。皆。有。立。憲。之。歷。史。者。也。顧。此。非。言。立。憲。之。危。也。各。國。之。立。憲。各。有。相。因。而。至。相。迫。而。成。之。勢。無。他。民。智。日。開。上。苟。不。順。導。則。下。必。逆。進。順。導。則。至。安。逆。進。則。至。危。故。中。國。古。聖。王。本。以。順。民。情。為。治。天。下。之。要。旨。今。中。國。下。情。不。通。民。怨。鬱。積。至。於。其。極。朝。廷。深。體。此。情。欲。一。洗。痼。弊。與。民。更。新。此。君。民。慈。愛。感。接。動。機。之。千。載。一。時。也。中。國。苟。不。欲。立。憲。則。已。苟。議。立。憲。則。是。不。但。形。表。之。開。題。而。內。容。根。本。之。地。尤。在。首。要。惟。著。手。之。方。自。不。可。不。守。要。循。序。而。為。之。原。夫。憲。政。制。度。者。分。議。法。司。法。行。政。三。大。綱。統。皆。並。行。而。各。不。相。犯。者。也。議。法。者。自。國。家。上。下。議。院。至。府。縣。鄉。村。之。會。議。機。關。而。言。司。法。者。自。大。審。院。控。訴。院。地。方。裁。判。所。及。區。裁。判。所。等。司。法。專。衙。而。言。行。政。者。自。內。閣。各。部。大。臣。至。各。府。縣。知。事。郡。長。等。行。政。專。官。而。言。以上就日本言今。論。中。國。憲。政。則。舉。政。綱。首。要。自。先。在。於。行。政。司。法。兩。大。政。分。司。而。治。以。除。積。重。難。返。之。弊。而。并。收。三。者。莫。大。之。益。遏。教。權。平。民。情。舉。政。事。也。原。來。各。國。惟。司。法。制。度。為。特。異。之。獨。立。以。重。法。權。特。異。之。獨。立。者。何。也。一。切。罪。案。之。判。斷。皆。從。律。

法官之進退資格。皆從法規。大小法官判事。惟知有律。守職惟知有法。而不相隸屬。不相從命。罪人不服。准其上控。法官苟無背乎律。無責也。上控至大審院而止。大審院似中國大理寺大審院之依法判決。雖天子亦不能私不為改也。此各國重法權之公例也。今中國有一教案。小則革斥地方官。大則牽動督撫。督撫者天子畀以數千里之地。而予以行政之大權者也。其身繫數十兆生民之安危。而以區區一教民引責。是實自開侵侮之門。而放棄一國法政之大權。於是乎而法權可干。政權可干。國權可干矣。究其弊源。實行政司法不分界限之所致也。苟其分之。我之法律。苟為各國所公認。我之法官。苟合於各國文明之制。則無論巨大之案。以一法衙斷之而已。足將安所謂教案。教權也。其次謂平民情舉政事者何也。凡為法官者。惟法律專家而後斷獄能盡情。能平允。故各國法官。皆以專門專職終其身。而不另遷他途。中國州縣官知律者少。枉法濫刑。自所不免。作威福則有餘。清訟事則不足。民困久已不堪。而一切衙役。復假權以魚肉里閭。於是民怨叢集。內亂日滋。此皆濫予法權之弊。且州縣以教養化民之官。而催科訟獄。兼責一人。雖有能者。亦所不及。故州縣之吏事日壞。而況乎一案出入。督撫負責。上下牽掣。不得不交相蒙蔽。此政事所以愈不堪問也。然而分之之法。中國本易措手。以刑部為法部。專管全國司法之政務。以刑部之間案歸入大理寺。為

大審院以臬司爲一省最高法廷。每府則仿前明推官舊制設府法官。州縣則以通判爲地方法司。皆以通律學者爲之。一切改良。悉照各國文明之制而斟酌之。則立憲國之司法制度立矣。司法既分。則行政官省多少。無謂煩瑣之事。而後可專力於政事矣。願立憲國所謂行政制度者。實要在於統一。統全國政事而歸總於各部。而統之以內閣是也。各部之務。各以大臣一人專之。而總成於內閣總理大臣之一人。今日世界各國職制皆同。曾無一部兩大臣者。卽憲法所謂責任大臣。言責無旁貸也。如一國財政之理否。責在戶部大臣一人。一國學校之興衰。責在學部大臣一人是也。蓋必有專責。而人始能實力。終事理亂。自明功過。有歸能者不能。不進不能者不退。政事雖欲不舉。不可得也。然而今日中國欲改爲立憲行政制度者。亦有相因而革之法。卽以軍機領袖爲總理。以總國務。以其他各員爲各部尙書。改軍機名目。復內閣舊制。外官自督撫以下。進退升降。一歸內閣。及部議所出。而各部各以所司者。監督各省官司。而振作之。此卽古之六官。法原於周。故中央集權。亦盛行於當代也。有責任之政府。立然後君可得而責。效民可得而望。治然而所謂責任大臣者。上對君主。負責任。下對人民。亦負責任。卽國法學家言所謂對君主之責任。對議會之責任也。不然。大臣以行政之全權。而易開專橫之漸。以君主一人之耳目。恐易蒙蔽。故以萬姓之輿論。維

制之也是以議院制度爲憲政之要質而更以理論進言之民者所以成國民不聞國政而日與國家生離心者亂之道也故國家之設議院亦君主所以維制人民之術且各國所置重議院者尤在國用之關係每年政府所出之豫算一表是最有求於議院者也則利用議院之法可以明矣然一國有議院而國民之離心除而愛心生國力因以鞏固國勢因以膨脹其關係豈得謂之淺鮮也惟所宜審者中國國民之程度甚低不能不講施行之次序考德國當十八世紀初其列邦皆先立省會以開國會之先聲而地方自治制度者尤爲使民練習政事與聞治道之法山東之紳董局山西之鄉社中國亦已開其端緒今國家誠宜考證中外斟酌盡善分省會府縣鄉邑等各定以自治條章垂爲定制頒行全國其尤裨益於治道者凡一切地方之鄉團保衛小學教育清查保甲徵兵準備以及道路水利衛生等政無不可一任紳士辦理因地制宜費省情熟而事易舉由是而鄉政風行民智大開然後有立憲國國民資格而可與議國家大政此爲之序也日本自明治初年創議立憲至二十三年始開國會者此也惟以上不過僅舉大綱言立憲制度之表式而籌擇要改革之法至於主體精神之作用百司實際之整頓極重大繁瑣之事皆不能一言盡焉

論立憲爲萬事根本 錄乙巳七月二十二等日南方報

內務

一百六十九

乙巳

中國雖以篤舊聞。然其言變法。亦既五十年矣。記者生於晚近。前事非所具知。以言其所見之世。蓋自甲午始。甲午以還。士大夫之言變法者。其肩背相望也。然其立論至易。大抵臆舉故實。取泰西各國現行之制度。雜然而陳之。以爲開礦築路。勸工業。習洋操。天下事數著可了耳。已而更歷漸廣。學說亦漸近。微有鑒於歐美諸國治法之源。其精神固不盡此也。則有以將欲變甲必先變乙爲言者。於是而教育之說興。一切行政之事。亦稍稍有所建革。固自以爲治其本矣。然而數年以來。羣治之不進也。如故。民智之不開也。如故。求之政界。則疲玩愈甚。而蒙蔽日深。徵諸社會。則奸蠹滋多。而公德益壞。非不言興學也。而學校之完善者。幾何。非不曰理財也。而財政之紊亂者。如故。獨練兵一端。竭政府之全力以赴之。其形式稍易。舊觀而察其實際。則平時已有逃亡。尙何望於戰陳。極其弊之所至。乃至凡百措施。創之於列邦。而爲善治者。及其行之中國。幾無不與初意大左。而利害適相反焉。若此者。其例證固不勝枚舉。嗚呼。今日中國之變法。其明效大驗。固如是矣。此其故何在。識者思之。記者則請一言以斷之。曰。政體不立之害。欲救其弊。固非改定政體不可。則立憲之說是已。治國者如操舟然。必先定其所向之方。而後有達於陸岸之日。故立憲政體之於國。猶舟之有指北針也。否則迷陽而喪其行矣。彼歐洲列國十九世紀以來之政治。所率循者此也。吾

近鄰之日本。爲今日戰勝光榮之國。而其二十年來之所趨步者。亦此也。今以中國之政體。貿然一決。罔循冥行。而欲變法漸進。以從萬國之後。是不啻航行無針。而橫斷港絕流。以輒至於海耳。其必不達也。何疑。

大哉日俄之戰。豈非天意所以示其趨向。而啓中國憲政之萌芽者乎。彼俄之見。歟於日也。非俄之敗於日也。乃專制國之敗於立憲國也。故自波羅艦隊之舉燬。而立憲專制之優劣。以定。是天猶未厭中國也。今者朝列之間。政論之府。其於此說。亦漸萌芽矣。載澤諸人之奉命。有謂卽用日本明治十五年伊藤博文之故事者。雖然。非常之原。黎民懼焉。苟卿氏有言。在昔舟車之興也。猶三世而後利之矣。夫創始豈易言哉。記者深慮立憲之事。大夫君子。知其可以由而不知其當必由。則必姑與委蛇。而淹遲佳會。時機一轉。而不可復。此有識之所憂也。用是不揣疏陋。敬以其物知者陳之簡端。且闡明近日變法諸端。皆與立憲相連之故。不獨以堅當軸之意。抑亦本報發行之初。所以代芹曝之獻者焉。

一曰必立憲。然後能自保其民。國者民之積耳。無民何以爲國。然而今中國之民。何如乎。鋌而走險。甘去其國。而徇他人。邇年以來。以編髮之民。而入西籍。設肆之賈。而懸洋旗。如此之流。試一遊江海之間。而檢稅關之冊。其事殆不可以僂指。窮而內地土著之民。其夙稱愿怒。

者亦競以乞靈神。父顯抗長官。爲能事。涓涓不塞。將成江河。不及十年。恐有淪胥之歎。此君子所以抱懼於陸沉也。而此病也以不立憲而來。及其救之也。亦惟有歸於立憲。蓋中國以專制之政。立國數千年。專制之程度。既以變積而愈高。則其政治之不平。亦與建國之年齡而俱長。至近日。其尤甚者也。天下苦苛法久矣。當閉關之秋。苦無可以控訴。及一旦與哲種相遇。觀其勢之方張。爲吾官吏之所嚴畏。則其寒裳從之。而反顏相向者。勢也。彼之所以出此者。爲避政治之不平。而政治之所以不平者。固由於政體之專制。而非立憲不揣其本。則雖日日尸祝。而求其無出於此。不可得也。故爲今之計。中國而欲自保其民。則不可以不宣言立憲。誠使立憲之後。其官吏既受憲法之制裁。而人民亦得憲法之保障。無患於苛政。而可以安存。則庶幾有所止耳。故憲法者。實有國者所以干城。其民之具也。

一曰必立憲而後可以善處外交。今日列強外交政策。其所以對我國者。有惟一之方法焉。曰利用少數之政府。以馴制多數之人民。惟其定見如此。所以創爲保全中國之說也。而其所以恃以利用政府者。不外二端。一曰劫持。一曰巧誘。此二者行之已久。而其事例亦不一見者矣。夫惟中國之爲專制國也。故凡對於外交事件。無論其關係利害之何若。而惟一以秘密之旨處之。當列數人議定於一室。片紙朝下。而輿論無可挽回。故人以此政策施之於我。

而獲收其效也。假爲立憲之國。則執政所擬議。其有不利之條件。失敗之理由。議院可以抗言。國民得而反對。關於全國之大事。政府固不能強全國以盲從。則其勢不能以少數之政府制服國人。無俟論矣。而卽其劫持巧誘之兩端。亦有無所可施之勢。何則。一二人可以劫持而億萬人不可以劫持。一二人可以巧誘而億萬人不可以巧誘。故夫專制之痛毒。不獨害及內政也。亦且危及外交。然則處今世之潮流。而欲得捭闔從橫之勝算。舍確立憲政。導國民以外交之大勢。而樹之後盾。亦豈有他術乎。

此二者所以對於內界外界。而必以立憲鞏固其主權者也。果能如此。其在內國。則以立憲結公共之團體。而導之以愛國合羣。其對外人。則以立憲進國民之資格。而使之生存競化。其爲幸福。又非獨如上所云而已。然此猶爲未然之事也。則請以今日政府之所規畫。與夫衆說之所主持者。略舉一二。勘證而並論之。

一、爲徵兵。今中國已漸採徵兵制矣。雖然。此固立憲國之所有事。而非專制國之所能行也。

按今日各國之中。亦有以專制國而行徵兵之制者。然彼固自當相傳之成法。今以專制國而欲創行此制。非所宜也。 何也。彼各國行徵兵之制。通例

自二十歲以上。無不編入軍隊。而其民奉行其制。亦無不視爲當然者。彼固強半立憲之國。其民皆有憲法上之權利。而與其國之一部分者也。既享此權利。與有其國而爲公民。則

其必當盡衛國之義務且即以自衛其權利明矣而以專制國言之則路易十四所謂朕即國家者也國者一人之國權利者不公遍之權利其民固無與於國而無有於國之權利者也如此則亦無衛國之義務其為兵也為保護他人之權利耳得數餅之銀為保護他人之權利置其身於可死之鄉募之猶恐不至何有於徵兵乎此日本所以俟憲政確定之後始有北海道徵兵令之頒也日本初行徵兵惟北海道之民不與故內閣人民欲免徵兵多有避道一避徵兵之令蓋自是始能舉國皆兵矣

一為國債今中國已募集公債金矣雖然此在立憲國則易成而在專制國則難得者也何以知之夫公債之種類極繁性質不一然其事必賴政府與人民兩間之信用而非可以強迫期也而專制國之政府則固無所謂之信用彼既有莫大之威力絕對之神權則一旦債項入其掌中而此本金之得還與否子息之無虧與否其運命皆付於不可知之數既無契約之文公証之例可以訴政府於法廷則朝納金錢夕成廢紙耳此受命之人民所以懼資本之陷於危地而不敢輕易措之東歐之突厥其最著之成例也夫各國之財政大半出於租稅雖重歛而民無贖言猶患不足則有臨時募債之舉而中國之取資民也其始以專制之故不能多取則薄稅以市恩其繼以揮霍之多不得不取則繁征而滋怨洎兩者皆窮則

無。可。為。謀。而。出。於。借。然。後。公。債。之。事。起。此。固。有。相。迫。而。來。者。矣。如。使。改。行。立。憲。則。加。賦。且。不。難。以。立。日。難。有。借。加。賦。者。然。不。而。何。有。於。公。債。哉。

一。為。強。迫。教。育。今。中。國。強。迫。教。育。之。制。猶。未。行。也。而。固。屢。有。以。是。為。說。者。雖。然。此。亦。立。憲。國。行。之。而。順。專。制。國。為。之。而。逆。者。也。其。所。以。然。者。立。憲。國。之。民。一。國。之。公。民。也。其。一。身。之。智。愚。關。乎。國。中。強。弱。之。一。部。分。有。必。具。之。公。德。不。可。缺。之。智。能。必。人。人。可。以。自。存。而。後。合。之。一。國。可。以。自。立。此。其。所。以。貴。教。育。普。及。而。有。強。迫。教。育。之。干。涉。條。例。也。其。在。專。制。之。國。則。不。然。矣。即。不。至。儕。之。於。奴。隸。而。未。必。視。之。為。公。民。國。之。強。弱。君。主。專。之。政。府。尸。之。而。國。民。之。一。身。無。與。於。國。家。之。榮。與。悴。也。公。德。智。能。皆。非。其。所。急。惟。取。其。有。服。從。之。性。質。耳。如。是。則。何。取。於。教。育。即。欲。教。育。亦。不。過。於。稠。人。之。中。拔。取。一。二。以。供。專。制。君。主。之。使。令。已。耳。更。何。以。普。及。為。不。獨。此。也。教。育。普。及。之。道。基。於。合。羣。而。專。制。之。國。先。已。無。羣。則。無。取。於。合。教。育。普。及。之。方。成。於。愛。國。而。專。制。之。治。獨。私。其。國。則。愛。將。焉。施。以。如。是。之。治。體。而。欲。取。強。迫。教。育。之。風。是。所。謂。背。道。而。馳。而。孟。德。斯。鳩。所。以。譏。之。於。百。年。以。前。者。也。雖。然。必。欲。教。育。之。進。步。完。全。則。又。不。可。不。趨。於。強。迫。干。涉。也。是。非。改。定。政。體。以。徇。教。育。不。為。功。矣。

夫。此。三。者。就。其。事。言。之。則。為。今。日。練。兵。理。財。興。學。三。大。政。策。之。主。體。就。其。效。求。之。則。所。謂。舉。

內 務

二 百 七 十 五

乙 巳

國皆兵也。急公奉義也。人無不學也。皆列國向者所專之美名也。而其不可須臾離立憲政者。如是。然則國於天地亦豈能自外於立憲哉。

警察立矣。何以未聞利而先見弊。蓋警察者民政之事也。專制之國無憲法。即無民政。警察乃專屬於官而助長其威。非常警察各國所以專制之制遂行之於國中矣。

刑律改矣。何以無益於人民也。蓋刑法者不獨律文也。專制之國無憲法。則無民政。無地方議會。無陪審官。其人民又無可以質問官吏之權利。雖有違律妄刑者。誰能救正之。

不立憲之國。實業可以興乎。以官吏之貪婪無厭。以胥役之逐物取盈。民欲營業固不易也。不立憲之國。陋俗可以禁乎。足如吸煙彼不蹈刑法。斯足矣。民既無與於國。則國律所干涉亦不能及其無意識之自由。即有法令無所施也。

日本明治天皇於憲法上所許及事實上所有之權。何若是可以証立憲之無損於君權。

愛烈珊德之晚圖。孰與維多利亞之安謐。神聖同盟之効力。孰與約翰寶典之延長。是可以証立憲專制之禍福。

改絃未遠。蓄艾方深。及今行之。猶為未晚。王道有蕩。舍立憲其安由。記者言此。舌瘁而手痛矣。敢告乘輿。敢告執政。敢告卿士。師尹以下。迄於全社會之民。

政務處等會奏遵議河南巡撫陳奏請將浙川撫民廳同知改爲直隸廳同知摺

本年四月二十八日軍機處鈔交河南巡撫陳夔龍奏撫民廳同知要缺擬請改爲直隸廳同知二摺奉 硃批政務處吏部議奏欽此據原奏內稱河南浙川廳同知一缺與附片之內鄉縣同隸南陽府屬該廳界連湖北襄陽等處山徑紛歧刀匪出沒靡常加以近年廳境及鄰封教堂林立保護巡防尤關緊要而該廳距府治二百數十里鞭長莫及非因時變通不足以資治理等語查設官分職必須因地制宜近如山東之膠州該省之鄭州均由該撫等先後奏請升爲直隸州經臣等議覆奏准各在案今該撫請改直隸廳缺事同一律應如所奏將河南浙川撫民廳同知改爲直隸廳同知毋庸再隸南陽府兼管地方一切事宜徑由該廳承轉原設浙川廳照磨教諭判子關縣丞並該廳錢糧驛馬監獄及各衙門廉俸役食等項悉仍其舊該廳距本管道員駐所較遠遇有命盜等案卽照汝州辦法徑行解省以期妥速至浙川廳撫民同知本係繁難二字題補要缺今改爲直隸同知仍定爲繁難二字要缺現任同知錢繩祖既據該撫聲稱情形熟悉擬仍留本任自應照准查各直隸廳除東三省新疆及四川敘永一廳外各省直隸廳均不領屬縣內鄉在南陽浙川之間均係接界惟距府治係通衢大道距浙川係山僻險遠不如仍隸南陽似於民情較便各省道員兼轄

內務

一百七十七

乙巳

內 務

一 百 七 十 八

十 月

直隸廳者廳名多不列入街內所請以內鄉縣撥歸該廳管轄及南汝光道改為南汝光浙道之處均應毋庸置議其餘未盡事宜俟奉 旨後再由該撫詳細籌議分別奏咨辦理謹奏奉 旨依議欽此

直隸總督袁奏擬定天津四鄉巡警章程摺

竊臣前於直隸省城遵 旨創設保定警務局並添設警務學堂將擬定章程於二十八年七月初五日專摺奏陳欽奉 硃批知道了著即認真舉辦逐漸推行單併發欽此欽遵在案嗣經通飭各屬一律仿辦現據各州縣陸續稟設者雖已有九十餘處而大半有名無實惟天津為通商巨埠華洋雜處辦理尤為注意三年以來次第改良奸宄不行閭閻安堵成效昭著中外翕然祇以財力未充僅及城廂尙遺村鎮查外國警察之制上通政府下達窮鄉就地抽捐以取諸民者仍用諸民故官無籌款之勞民無橫征之怨証諸周禮修閭野廬之職管子軌里連鄉之制今古同符臣惟立法貴乎因時時既至則迎機易導治民期乎立信信既孚則下令如流因督飭天津巡警總局道員趙秉鈞先從天津四鄉辦起以為各屬模範該道心精力果遇事講求呈擬章程十二條業經試辦數月所需經費以地方本有之青苗會支更費及賽會演戲一切無益有餘之款酌提充用視村莊之大小定警兵之多寡

殷富之區按五十戶出一名荒僻之區按百戶出一名初次清查四鄉共有七萬五千四百七十八戶暫定巡警七百二十四名月餉由村董酌定支給官不經手其總分局區官弁薪工馬匹雜支月需銀一千八百餘兩應由官發給以示體恤開辦之初先從清查戶口入手酌定禁令務去民害犯者名曰違警由巡官受理即警察應有之司法權也此外命盜戶婚田土等案仍歸地方官管理即地方官固有之裁判權也次在維持治安凡有關於公共利害之事官紳聯合徐議興革但使實力奉行綿歷歲月不獨鄉曲愚民漸明公理漸知公益汛兵衙役亦可以次裁撤催科傳案則一呼即至無擾累之虞募兵退伍則有籍可稽無項替之弊一切興學校清賦稅推行新政移易風俗有事半功倍者即天津一縣計之城鄉人民共有七十六萬一千八百九十七口之多責成知縣一身雖賢者不能為治遠稽漢代鄉亭之職近師日本町村之法昔人謂小官多則天下治諒哉斯言 朝廷振興庶政百度維新方將更定裁判之權畫一地方之制惟學校驅民為善而巡警禁民為非道前定則不窮事易能則可久此臣所為兢兢夙夜不敢苟簡自安者也此項天津四鄉巡警章程雖未必悉臻美備但據目前程度實為新政根基謹 奏奉 硃批該衙門知道單併發欽此

擬定天津四鄉巡警章程 第一條 劃區域 天津四鄉縱橫七八十里海河一帶斜進

東南至大沽口止計長百餘里四鄉按東西南北分爲四路每一路設一局東局地面較闊劃爲三區西局南局北局各劃爲二區海河一帶分爲四段每一段設一局第一局毗連租界事務紛繁劃爲三區第二局村莊較密劃爲三區第三局劃爲二區小站改爲第四局共計八局十七區每局約萬戶上下每區約三千戶左右 第二條 挑巡警 村莊大小不同地方貧富不一殷富之區按五十戶挑巡警一名窮僻之區按百戶挑巡警一名責成村董各在本村挑選保充以年力强壯粗識字義者爲合格吸食洋煙素不安分及會當官役者概不准充按天津四鄉及海河一帶之戶數分地方之貧富約略合計應募巡警七百二十四名其每名每月應給工食亦係斟酌地方情形由村董核定多在八九元少在四五元不等其款就用鄉間向有之秋季青苗會冬季支更費改辦巡警如有不敷及軍衣器械一切雜費卽以不入祀典廟田之有餘者酌量抽提至若迎神賽會演戲一切無益之舉一律改爲巡警經費款皆責成紳董官不經手然須按月稽查年終將出入數目榜示村中以昭信實 第三條 教功課 巡警挑齊後由巡官在本區擇適中之地按日調集區內巡警講授警察各法及操練各法各巡警早來晚歸仍可照料本村事務限兩箇月畢業以後每一星期調集一次擇其心地明白功課能解操法合度者拔爲巡長以下按其程度定其等

次工食初募時不妨略少留有餘地以便分等加增俾示鼓舞 第四條 查戶口 每一區內所管村莊不論土著客籍教民或學堂或廟宇均須挨戶編號註冊註明某戶第幾號家長姓名年歲係何生業有無地畝房屋男幾丁女幾口客籍者註明年月來自何處區中各住戶如有遷移及婚喪生死等事本村巡警隨時查報隨時更正按季列表每年秋後覆查一次 第五條 重巡邏 鄉間巡警辦法與城市不同既無多人輪流站崗其功用以巡邏爲重另有定式巡邏表值班巡警攜以巡行行至某村卽由某村蓋用戳記巡邏應行留意者曰違警曰現行保護曰預行保護細目如下 違警 一牧放牲畜踐踏青苗者 二負擔未熟稼禾形似偷竊者 三牽驢馬牛驢繞走小道形似偷竊者 四懷藏引火物欲行放火者 五酗酒滋事沿街肆橫者 六游僧惡道恃強訛索者 七地棍土豪欺壓良民者 八開場聚賭者 九男女同行形似拐逃者 十攜帶兇器勢欲行兇者 十一有藏匿銅鐵絲形似偷竊電綫者 十二恃強鬪毆不聽解勸者 十三聚集多人結黨成羣者 十四神色倉皇形迹可疑者 以上妨害治安違犯者立時盤詰扭局懲誡 十五符呪治病騙錢者 十六沿街招貼售賣春藥者 十七歌唱淫詞戲曲者 十八賣春宮圖畫洋片及淫詞曲本者 十九假裝醫卜星相騙錢者 二十賣不熟或腐爛果物有礙

衛生者 以上有關風化有妨衛生見即禁止不服者送局訊究 現行保護 一幼童稚
女失迷者問明姓名住處近者送歸遠者交局送信候領不能說出姓名查詢村人 二婦
女懷憤投水投井欲尋自盡者善言勸慰送交家長 三因病倒臥路旁不能行動者設法
寬湯水飲之能走者扶送回家不能走者集夫擡送 四醉倒不能行走者查看明白趕與
家人送信或扶持送回 預行保護 一成熟稼禾堆集場圃者隨時加意保護如有偷竊
送局究辦 二墳園樹木查見有人砍鋸時須問是否本主家人偷竊者送局究辦 三道
旁樹木隨時查看不令損傷有偷竊者根究 四各處電杆隨時查看如有損傷報局知照
該管官修理偷竊者究治 五各處學堂及學生過往者隨時保護不准阻擾 六文武官
員因公過往者隨時保護如有問訊詳細稟白 七外國人傳教游歷過境者加意保護不
准愚民圍觀購買食物不准擡價 八各處教堂無論大小及教堂施醫院均應一律保護
九解送官庫銀及解送罪犯過境者加意保護設遇犯人有途中逃脫者相應幫同捕拿
十凡民間遇有婚喪大故者均應保護不准乞丐任意訛索 十一橋梁渡口處隨時查
看以防危險 十二停泊船隻處隨時保護 第六條 慎訪查 巡官巡弁巡長巡兵平
日應各留意無論本區外區及遠近村莊設有暗中設壇習拳暨妖言惑眾謀爲不軌者容

留從前漏網著名巨盜者開鑪私鑄毀制錢者一聞消息迅即訪拿解送總局審實給賞
隱匿不報者罪及鄰右鄰右舉發者賞 第七條 防災害 遇有失慎起火者官弁督同
巡警協力撲救凡有妨害衛生一切者均宜設法預防如清理街道疏通溝渠栽種樹木等
事務須善言勸導總期一律潔淨免傳疫氣 第八條 維風化 官紳均應平時留意聞
有不敬尊長及忤逆不孝者考查鄰右責令隨時舉發立即拿解總局從嚴懲辦並將首先
舉發之鄰右獎勵鄰右隱匿不報者究治 第九條 聯紳董 凡紳董來局及官弁因公
到各村均須互相優禮凡有關於地方之事小則立時商同舉辦大則稟候總局批行凡有
一切商量事件均應和顏悅色推誠布公不准稍有官氣 第十條 備器械 巡警晝夜
巡邏須有槍械方足自衛如遇搶劫重案盜賊拒捕時准該巡警放槍抵禦平時無故不准
放槍各村富戶如有存槍者皆可捐出由巡官驗明列號發冊註明係某家之槍暫歸公用
或由村董設法籌款購置由巡官稟明總局給照購買 第十一條 定權限 凡有妨害
治安干犯違警者警官可以訊辦即行行政警察應有之權如命盜戶婚田土案情重大者仍
歸地方官管理本屬地方官固有之權如事出倉卒迫不及待時若捕凶拿賊搜藏檢證之
類警官亦應力任其責以補助地方官之不及 第十二條 明賞罰 無論官紳弁兵果

能辦事勤慎著有成效隨時記功三功爲一大功積大功至三次之多或三年無故者由總局分別請獎拿獲重案者隨時請獎懶惰者分別記過三過爲一大過積至三大過者撤究另有功過表

前署湖南巡撫端奏湘省改造監獄羈所辦理情形摺

竊奴才恭查迭次 諭旨凡於慎刑恤獄之事諄諄告誡三令五申薄海臣民同深感激奴才於所到地方凡監羈處所隨在留心履勘調查其有不合法式妨害生命之處無不立飭修造以期恤有罪而豐 皇仁奴才於正月履任湖南未及旬日親赴司府兩縣監獄羈所切實審視見其湫溢卑溼較之他省尤爲加甚而其黑闇閉塞不通光氣監管各犯蟄伏蜷縮或罹疾病情形可憐隨飭善後局竭力設法籌撥銀二萬兩責成臬司督率府州縣一律興修並參觀東西各國監獄各圖釋其意義親加指授剋日興工正在催趨修造恭逢四月二十二十一等日電傳 上諭伍廷芳沈家本等奏請將律例重刑酌改並禁止刑訊拖累變通笞杖辦法清查監獄羈所等條此次奏定章程全行照准等因欽此奴才跪聆之下感佩莫名旋准修訂法律大臣伍廷芳沈家本等咨到原奏內稱各省監羈偏窄湫溢夏則人多穢積疫癘頻仍冬則嚴寒裂膚凍餒交迫疲斃相繼冤苦莫伸請飭各省督撫將軍部統

府尹設法籌款將臬司府廳州縣各衙門內監外監一律大加修改地面務須寬敞屋宇務須整潔等語適與奴才籌辦各節意見相同因復飭令晝夜趨工限期竣事奴才復經隨時親往勸視遇有未盡合法之處加意改定茲於六月初旬據署按察使張鶴齡呈報改造監獄羈所一律竣工奴才覆加驗收查得監羈之處分作平房樓房兩層明爽高燥而工料堅實位置合宜於保衛生命之中兼寓嚴密防範之意實屬纖悉周到無懈可攻又各監附設別院女監亦極寬敞潔淨另造黑屋數間以懲刁悍罪犯講堂一所以備朝夕訓誡工廠兩處以資習練手藝操場一區兼使運動養生無不斟酌得宜臻於完善一面飭該署司按照原奏選派專官條內之意詳訂管理章程通行所屬以杜陵虐剋扣諸弊並繪圖貼說頒發府廳州縣飭令竭力籌款仿照改修謹 奏奉 硃批刑部知道欽此

節錄留學日本警務生潘世琛張玉輝上署兩江總督周倬陳警務綱要八則

一原理 警察對於國家之精神與軍隊無異軍隊對於外以保國家之尊嚴警察對於內以保國家之公安其平日對於人民之危害瘟疫而豫防猶軍人之對於強敵壓迫而思所以抵禦之故警察又謂之平和軍人也惟警察之行政均須根據於法律命令以行職務其大目的在維持公共之安甯秩序制限箇人之違法自由此其所以異於軍隊耳在立憲國

之人民其法律內之自由雖君父不能侵於臣子因人民之所有權利皆依憲法爲保障倘警察有違法之處置利益有被侵害者可訟之上級官吏此乃爲人民對於警察而有所制限之範圍之者也夫警察者所以保民所以齊民非曲法而病民者也查日本警察門類繁夥綱其大要雖可分爲高等行政司法三部而實則可括爲行政司法兩部因高等警察屬於保安而保安警察仍屬廣義之行政警察也行政警察對於國家人民凡政無大小無一不爲之預防其危害增進其幸福而司法警察特除害於既發消息於已萌耳在國家爲欲達行政之目的因不得不輔以司法之一部然其意則以行政爲主故謂警察純然爲行政上事也亦可若夫保甲之制擬之警察亦司法上極小之一部分耳況所謂保衛團閭稽查盜賊者尤爲事實上一虛括之言耳今承辦警察者率認警察卽爲保甲其誤甚矣

二官制 日本警察官制略同而官廳則異在東京府因係帝都故設有警視廳與東京府二廳二廳平行而他府縣之警察則卽承轄於府縣知事所謂東京府警察有獨立官廳而他府縣警察則無獨立官廳也查東京警察官制分委任奏任判任高等等等外五項警視總監爲敕任警察警長及警視爲奏任警部警視屬消防士等爲判任技師官房主事爲高等餘如巡查部長技手巡查等者爲等外統計東京一府大小警察三千餘人舉其大綱可分

爲內外兩部內部如本廳內有警視總監一人次官房主事一人次官房課長三人係長二人主任七人次部長三人消防署長一人次課長每部二人次各項主任若干人是也外部如警察署警察分署署長各一人各主任警察部若干人巡查部長若干人派出所若干人每所巡查若干人駐在所若干所每所巡查若干人是也其他各府縣官制較爲單簡然其內部則知事之下有部長部長之下有課長課長之下有主任而外部則純與東京府無異善乎其官有定制制有定員而非中國之但視此事爲差使也江南爲東南要鎮警察制度朝廷雖無明文而措置寮屬選任才能久爲督撫所得行權之事謂宜變通日本之制於督轅內設警察官寮置寮長一人綜理通省警察事宜寮內置參議二人書記六人分掌行政司法外事各警察事宜而改總局總辦爲總長會辦爲副長副長之下設三課置課長各一人課長卽就今之提調添設二人而變更其名曰總局之外設警察局及警察分局置局長各一人長之下亦設三課各置課長一人局之外設巡警當值所每所置巡警長一人巡警若干人每日輪流交換當值其府廳州縣於各地方官下設警察係置部長一人其下設三課課長各一人外設局所與省會無異至於各課之下尙須設置司事當隨其事務之繁簡以定人數之多寡而省城總局及地方警察係宜各用通譯二人一通英語一通日語以

期辦理外交事宜不致掣肘遇有外事可資酌情盡理和平處辦此官制之大凡而局部之概略也外形似繁內容實簡此等官吏亦省之無可省者耳

三門類 日本警察原分高等行政司法三部括言之可分而爲二曰行政曰司法司法者凡關於刑事上之事屬之至於行政則舉其大綱約得十項曰安甯曰災害曰風俗曰衛生曰營業曰交通曰軍事曰外事曰檢視救護遺失物及畜犬曰山林田野漁獵礦業等詳而釋之不勝枚舉如行政執行則違警罪監視視察及銃礮火藥刀劍貨幣度量權衡等屬之安甯警察社寺宗教演劇娼妓觀物遊技等屬之風俗警察傳染病預防檢疫消毒獸疫痘瘡醫業產婆看護藥品病院墓地飲食物污穢物屠獸場畜舍等屬之衛生警察道路橋梁公園通信鐵道車馬船舶商埠等屬之交通警察凡織芥之事無一不有詳定規則以管理之甚或一事之微而有法律有省令有廳令有訓令等以訂其種種取締之方法警察之至重且繁顧不難哉我國創辦伊始慮難驟企精詳謂宜略分爲行法司法外事三項而納保安警察於行政惟是行政警察非細列詳章不能舉辦然亦未能如日本之繁密擬先就安甯衛生風俗營業交通五項先行試辦而後推廣之其司法警察則專注意於逮捕罪犯搜查證據審察虛實大事仍歸之地方官小事則屬之司法警察課長呈請局長判決而處理

之其外事警察當此國家門戶大開交涉日繁重隣交尊國體不卑不亢惟在警察之措置何如矣此又非安定章程酌宜保護不足以對待外人外人當則一官吏二商民數士及一般之外國人也四威儀 警察之組織同於軍隊而其實則為行政上之官吏是二者皆當有形式之儀容以取人民之欽信者也日本警察無論官吏及巡查服制一律俱依軍隊其巡查所服殆擬少尉袖筋一條而警部所服則直如大尉而袖筋三條矣依此上選概可詳推中國邇來略仿外洋變易軍服而警察服制仍難臆度然巡警之服終不可一日敷衍也謂宜仿天津服制改去號褂暫用中國武裝短衣窄袖純用黑色并宜去其字號另用易於辨識之法以昭鄭重大小警官俱須短裝以期一律嚴肅整潔以起人民之敬愛蓋警察為親民之官而巡警者則親之又親而為人民模範者也竊嘗見各省警察多蹈編服不修之弊是宜切實整頓速加改良服制既齊禮儀必肅查天津巡警章程其禮式概仿日本整立舉手之禮宜推廣照行務省從前之繁縟而歸之簡單夫威儀之當注意者誠以威儀整肅則精神團聚人民遙望即生敬心否則狎侮藐弄相循而起推至其極言之而不信令之而不從將無一事之可舉是雖末節而關係實大民間信用不可不措意也

五教練 警察者執行法律而親民之官也自非精通法律者不足以言警察而非具最高

之人格者尤不足以當警察故巡警一官雖爲警察上最下級之官吏而亦必負最完全之
 人格乃始足以勝其任若以至重至難之事而付之無學無識之人縱無僥倖於目前亦難
 收效於日後在日本法凡警察官吏皆由高等文官或普通文官試驗而來故其大小官吏
 率皆學優而仕卽降而至於巡查亦須擇募中小學校畢業生能爲普通文字算學及知法
 律大意者試錄而教練之凡三閱月派遣各署由各署再隨時輪班聽講且每日出差之前
 一時又必由署長聚而申訓之又每年有法規講習會武術教練會等以質疑辨難練技研
 術凡辦事諸人無一人不學故無一事不治中國警察一學今少專門學而入官驟必難辦
 惟仕優則學古訓猶存況現在警察既設學堂謂宜多集官紳妥爲教練限以一年畢業分
 遣各處練習官務半年擇其才學兼優品行端和卓有成績者乃分遣於各府縣充當事務
 并兼教練之責其巡警一端選拔最難練固在急教尤當重且人非誠實不足以信任非靈
 敏不足以應事惟誠者每失之固而敏者又失之狡精明渾厚要視其教養爲何如耳抑中
 國舊習每多輕視巡警爲兵役者故中上人不肯屈就急宜設法招選能識文字稍有智識
 者每日教以道德之要旨法律之大意規則之次序辦事之方法薰陶之而訓迪之半年之
 後考其成績然後使之充巡警之職則胸有把握學有根底用以辦事臨民自無不措置有

方經權皆當也

六勤務 日本大警視川路氏有言曰警察官者不眠不休凡彼警察莫不奉此語爲圭臬無或忘之故其勤務無晝無夜不敢稍懈而警察學專家又嘗有言曰民間社會日益繁雜機巧變詐危害滋多警察官竭日夜之力以赴之猶恐不逮況泄沓因循或作而或輟哉惟一人之精力有限而人事無窮必當分而任之母求備於一人竊謂斯言誠可謂至矣查日本警察有內勤外勤之說內勤者在內當差之謂也外勤者在外當差之謂也中國警察近始開辦驟求多人勢必難得責而求備我獨賢勞則又不可宜酌訂章程略分內外勤務之法刻其時間以示休勤之限制巡警外勤尤爲警察上之要著而天津章程取法日本尙稱完備殊可仿用而實力奉行之其勤務分班亦甚完善擬請卽照其例每以九人分班當值每班三人合勤務八小時而此八小時中又三人互爲輪回立哨巡邏休息巡警不勞而事亦無缺且其當事時短則精神亦聚而應事自覺咸宜惟下班以後立即遣回遇有急需勢難驟集擬請將最先下班之巡警三人留所八小時有事則應急而出無事則任其休息俟次班三人下班入所則最先下班而留所之三人始得歸家以次輪替毋或差誤在勤務中局中宜常遣人留心暗爲監督而各所之巡警長更宜督率所屬勤慎赴公其他各官內外

內務

一百九十一

乙巳

各勤事務又非分門別類詳訂規程不足以握其綱要也

七獎勵 川路氏嘗言警察者人民保傅之官也又曰警察者和平之軍人也其責之也重故其待之也尊其委任也宏深故其拔擢也不次查日本警察法其獎勵有進級加俸遷官轉職兩種俸分級數晉一級則俸有加官以位階遷一官則職自上遷官之法大率巡查可陞巡查長巡查長可陞警部警部可陞警視官警視官可爲署長可爲部長而加俸之法則各官之俸皆有等級或限滿而晉之或以功而獎之也日本警察官其位無有高於警視總監者即今日之陸軍省大臣大藏大臣又皆上年曾任總監者也以總監而可爲各省大臣其位置之高概可想見然現任總監之安立綱之其在十年前不過一巡查耳以功以能迭次遞陞乃踐其位中國警察近始開辦尤非重與拔擢不足以示鼓勵謂宜變通日本刻期進級之法及陞擢之例即不能驟如日本之完備凡大小警官之俸每官有級亦宜於巡警長巡警兩階略分限制分限之法分巡警長俸爲四級分巡警俸爲五級每一年當差已滿勤慎有功者則加一級級滿而勤慎有功者在巡長可陞爲局課長由局課長經一定之年限而有功者可陞局長在巡警則可由巡警長以次上陞而更輔之以大才大功破格拔陞之法務求信允無越無濫如是則年久者歷練滋深級晉者俸給孔厚而官遷者名譽益

重且當差諸人每率有所指望自必能勤謹奉公務求無過加以賞罰嚴當大公無私而人才有不奮百事有不舉者未之聞也

八會議 議會之設爲各國通例自議院國會而外凡政治上學術上工業上無一不有議會者所以固團體之精神通全部之消息考陳已過之事實而推究將來之辦法者也日本警察每月皆有會議其會議分數種最大者爲警察協會以內務大臣爲總裁以東京府警視總監爲會長以各府縣知事爲支部長凡全國大小警官自上警視下至巡查無一不爲會員而專以研究警察之法爲要旨出書出報日有新作用能逐漸改良以臻警察於極盛中國警察近始創辦協會似尙難立而會議則決不可少擬請詳訂章程分布各處凡大小警官每月就近集議一次以局長爲議長而課長列席其餘巡警長巡警等均得臨席發表意見將其每月中所辦之最爲切要之事是否有當實力考求無隱無徇并此後應辦之事實力推究期於可行者逐一研究隨即派人筆記議終決時函遞警察官寮擇其妥善可行者或爲訂立章程一律舉辦或爲寄登官報以資研究在外府廳州縣警察亦復如是內之所議有可行於外者推之外外之所議有可行於內者納諸內互相交換一脈相通因時而制宜集思而廣益改良之績或基於此也

附消防 消防者用以救撲火災者也在日本警察內視爲最重要之一部而東京府則特立消防署消防分署消防出張所消防常詰所等每署每所均設備消防用挽用唧筒及救火器械等中國警察既已開辦即經費驟難充裕不能購備多數唧筒亦宜於繁要地方設置數架以備急用并宜於各局招集救火兵士仿日本常備消防之法一律訓練專委一人經理其中庶務而另仿日本義勇消防之法傳諭戶家擇人受教無事各歸本業有事集隨常備消防一律赴救其尤爲出力者酌與獎賞如此則經費可省而臨時不致因無人之故倉皇失措俾人民之財產身命同付一炬而國家隱受其害且日人常言水火之災甚於盜賊良以其一掃而空不惟人民已受其損害即國家亦失其權利所謂百姓足君孰與不足百姓不足君孰與足也其編制之方法及其章程之次第亦可略仿東制參以中國情形妥爲規定務期實行不在煩刻

上海縣城廂內外總工程局章程

一選舉董事 甲工程局之設爲整頓地方一切之事抵制外人侵佔開通內地風氣助官司之不及興民生之大利事關創辦全在得人故以選舉董事爲第一要義 乙工程局以上海縣知縣爲督辦不另派委員局設辦事總董一員辦事幫董二員會議董事九員總董

必須本籍紳士充當幫董一本籍一客籍均須殷實商人不用紳士會議董事不論土客紳商 丙選舉之法總董必須聲望素著操守可信識見明通才具開展幫董必須身家殷實事理明白勤幹有爲廉潔自愛會議董事必須通達時務居心公正均於開會日由本地紳士及城廂內外各業商董書名投櫃秉公選舉擇多數者充當 丁辦事總董幫董均須常駐局中不得不優給薪水總董月支薪水夫馬銀二百四十兩幫董每員月支薪水夫馬銀一百二十兩飯食由局供給 戊辦事總董三年一舉客籍幫董四年一舉本籍幫董五年一舉如年限內有違背公理傷害公德及才不勝任或意外事故由會議董事主政開特別大會憑衆辭退另行選舉會議董事有以上情節在尋常開會時辭退另舉 己總董權限主一切應興應革之事會商督辦經督辦認可者即由總董辦理督辦不得掣肘如督辦不認可而事關重大勢在必行者邀集會議董事共決可否其有會議董事不能決者開特別大會公共決議 庚局中出入銀錢皆由幫董管理幫董兩人一司銀錢一司庶務每三箇月輪管如春季甲管銀錢乙管庶務夏季乙管銀錢甲管庶務每日將收支帳送總董過目蓋章每季送督辦蓋印每年造徵信錄徧示大眾 辛局中應設司事若干人由總幫董酌量定額至多不得過十人如用十人則總董選用六人幫董各選用二人司事薪水俟派定

內務

一百九十五

乙巳

職司後由會議董事議定服役之下人名數工食均由總幫董酌定

二建設議場 甲地方大事斷不能一二人定議故須設一議場凡事須經衆議決者開會集議每年常例開會兩次一在夏季一在冬季如衆人有議興議革之事皆可在此時提議
乙議場須在城廂適中之地建一敞屋可容三千人坐位除工程局議事外學堂演說亦可借用

三清查地畝 甲城廂內外居民房屋地基數百年來未經清丈致多膠轉不清現既設立工程局應將各戶地畝按照所執咸豐五年之田單舉行清丈如丈少者詳請減糧丈多者照數補糧不追既往惟須照時值補繳地價其無田單者以印契爲憑或有印契遺失未經報案者以糧串爲憑俱由局董會同段董辦理不假手書差務絕騷擾索詐徇私賄串等弊
乙清丈地畝逐戶繪圖注明四址丈尺另由工程局給發執照附圖於後蓋用縣印以後無論有單無單均以此照爲憑 丙照費計畝繳納大約一畝地納銀五錢不加絲毫小費
丁清丈後溢出之地所繳價錢及工程局執照費均充局用由局造冊報縣詳司一面列入徵信錄

四開築馬路 甲欲市廛之興旺必將街路開拓使行人便利城中東西大街尙寬餘皆狹

隆一時未能改良城外如浦灘馬路基址頗寬修造亦尙合法其自十六鋪橋至董家渡之老馬路造不合法行人不便載重之車覆轍相尋亟宜改築其北自陸家石橋經郎家橋至花衣街之路中間寬窄不等且多曲折亦須一律改作馬路此三條爲南北幹路幹路造好則馬車人力車來往便利居租界之人皆願自北之南矣其支路則大小東門直街俱尙寬展惟造法不佳車行不便其他若毛家街黃家碼頭至黃家嘴角董家渡大街至小南門均須開拓改築庶枝幹相通來往便利南市商務必日旺居民亦必日多 乙城中雖一時未能開通而沿城亦可造一幹路 丙西北一帶並非租界而法工董局築成馬路設捕收捐不一而足侵礙主權陰行展拓害非淺尠應先將西門外方浜橋起至斜橋一路設法收回自修自管此路本有可歸我管之約想道署有案可查

五整理河渠 甲通行之河如城外之護城河穿城之肇家浜均須疏通不宜任其淤塞隨城河縣志載寬三丈今大東門外寬處尙有三三丈小東門新北門一帶則侵佔日窄或不及丈應一律改爲寬二丈四尺兩旁俱打椿脚砌駁岸中間開深通潮之口置閘啓閉常蓄水五六尺以便船隻往來 乙城中溝渠甚多年久失浚淤淺污穢大礙衛生亟宜逐一填塞其向爲陰溝出水者仍做暗溝以流通積水

六推廣警察 甲城中警察額僅二百名限於經費不能增多今城廂內外既設總工程局則十六鋪外馬路之工程局自應歸併舊有之巡捕亦應改爲警察其十六鋪內街二十三七鋪及西門一帶均須添設巡警庶歸一律 乙城中開辦警察時原議官紳合辦是以總局派有紳士會議嗣後應以上海縣爲警察總辦以工程局總董爲警察會辦裁去總巡等名目各分局俱以紳士爲局長不派委員則輿情較可相洽辦理亦可期切實 丙警察學堂本宜常年開設因限於經費於兩班學生派出後即撤以致續補者皆不學之徒誠非正辦應再延請教習重開學堂切實教育一面選派學生赴日本學習以備將來進步

七考求工程 甲工程局既設一切築馬路砌陰溝各項工程均須有熟諳之人方可舉辦泰西建築設有專科速宜選派學生出洋學習爲將來經久之計目前興作迫不及待若延請洋工師不但費鉅且恐不能浹洽宜訪求華人之熟悉工程者到局承辦 乙中國向不以工人爲上等故習此者身分不高品流亦雜然士夫中不乏講求工作之人宜分別延雇俾可互相研究且資督率

八派員發審 甲工程局原係官督紳辦然縣主政務殷繁若事無大小概行送縣必有日不暇給之勢應請特派工程局發審委員州縣一員佐貳一員凡警察各分局案件概送工

程局發審委員訊問可了者卽了案情稍重者仍送縣究辦 乙發審委員宜由地方會議公舉指名請派州縣薪水與總董同佐貳與幫董同若辦事判訟不孕輿論隨時由總董幫董開會公議稟道撤換

各省內務彙誌

京師 凡升選各官向例須由吏部寫憑蓋印咨送吏科填限給領赴任雖至藩臬奉 特旨簡放調補者亦照此例辦理究其用意不過以杜假冒稽延之弊惟藩臬既係 特簡例應謝 恩請 訓並須摺報到任日期文憑實屬具文近經吏部奏請嗣後各省藩臬赴任毋庸由部給憑以歸簡易當卽奉 旨依議 吏部近定新章凡各省教職之歸部選用者均咨回原籍由各督撫分別補用不必由部分選故已將從前教職選章一律停止矣

直隸 直臬陳伯平廉訪以司中監獄爲閩省囚犯監禁之地而房屋窄狹異常惡氣薰蒸易生疫癘特札飭司獄將所有監押人犯房舍一律拆去上頂從新搭蓋高起數尺並置天窗以透空氣庶可少生疾病當經詳准直督撥款興工矣 天津府凌潤台太守曾於甲辰前赴日本查看監獄回津後卽將府縣各獄極力改良惟女監尙仍舊貫官媒無惡不作女犯莫能自保近天津縣唐大令有鑒於此議將女監改良另僱老嫗照料不用官媒並聘手工女師教習工藝

黑龍江、黑省向由旗官治理內事腐敗外人信處以致放棄主權變成甌脫近經達程兩帥竭力整頓奏請改設民官以資得力當經奉 旨俞允故已派員試署矣凡衙署積弊如門房籤稿等素爲二帥所深惡痛絕近特札飭全省道府以下不准任用家丁干預公事每處派委承啓官一二員收發文件以及日行公事庶幾名分既尊自當顧全廉恥又以房書雜弊貽害甚鉅黑省設官伊始不當因襲裨政乃諭飭各地方官不准沿用書吏應就本地士人延其學優品粹者

內 誌

一百九十九

乙巳

數人分司刑名錢穀略如漢代掾吏之制至若徵役擾民尤為中國弊政經二帥諭飭各地方官與辦巡兵選鄉中精壯團丁入城操練學習以巡警法部勅之遇有命盜詞訟事件即派之捕匪傳案一切用款均應由官發給作正開銷概不取諸民間如巡兵有需索情弊則以軍法從事地方官明知故縱即以其罪罪之失察者則從嚴議處

山東 濟南東路巡警至濰縣止原設正巡駐濰縣副巡駐周村以稽查盜匪保護鐵路惟轄境四百餘里地方遼闊呼應不靈易於偵事近經東撫楊運帥籌議添設共設馬步巡警四百名分四段段設巡官一員巡捕百名一段駐周村二段駐濰川三段駐濰河店四段駐濰縣一切經費即由銅圓局餘利項下按季撥銀一萬六千兩 德平盧大令捐廉開辦巡警擬就簡章十六條稟准撫署開辦 壽張縣黃大令前曾創設警務學堂招募巡兵三十名聘請教習照章教練近已零有可觀因飭各兵分段站崗地方頗覺整肅云 武城薩大令近就向有保甲改辦警察城內設總局一所巡馬二十名城外巡勇十名馬巡四名以城汛為督查另舉董事二人駐局襄辦擬有章程二十三條稟奉撫署批准照辦

江蘇 蘇垣臬署司監本為全省重要人犯羈禁之區而地形卑下易受潮溼飲食污穢不合衛生且又流弊孔多頗滋物議近署臬朱廉訪奉修律大臣通行修改刑律酌議整頓監獄等因爰委長洲縣前往司監會同司獄察看稟復擬得各號舍內原有鋪板離地太低似嫌卑溼即請飭匠另行添設板鋪並將舊板一律重鋪加高數寸以祛疾病而資衛生聞已札飭司獄遵照辦理 向例州縣官相驗命案隨從書役不得過十五人一切飯食應由官給不准勒索乃近年各州縣每逢相驗命案帶領書役人等多至二三十人輒向戶屬地保及各鄰佑任意需索甚有違鄰飛鄰等名目稍不遂意多方勒索設法拖累朱廉訪諭知其情特行釐訂新章凡遇命案相驗祇准帶承行招房兩名每由官給錢二百四十文件作一名給錢四百文皂役兩名每給錢一百八十文紅禁兩名給錢一百四十文連轄率人等不得過十五人

之數均須由官給發不准額外勒索業經通飭各屬一體遵辦

湖北 武昌縣監向不寬整近署縣蕭大令以方今百度維新而改良監獄尤為急務特籌集巨款擇地興修悉合程度并將舊監修理如式云

湖南 湘學政支文宗以湘省為忠義鍾毓之區而士民多染煙癖精枯委頓振作難期特擬力除其害先從士林入手查生資成廉保生員責成教官實力稽查共相勸戒俾知生員中有煙癖者必不得優等童生中有煙癖者必不得入學庶幾痛改前非共圖奮發並奏請 飭下各省學臣一律照辦經奉 硃批著照所請

陝西 西安滿營地址居省城四分之一旗民雜處良莠難齊雖有步軍營及各旗堆兵然為數無多稽查八旗地面顧此失彼實難周密近經長統制稟請步軍營改為警察營其各堆撥即名警察處其兵丁即曰警察兵最為變通以新耳目警察兵共分六班每班合二百三十餘人晝夜輪流派撥站段派協領一員管理佐領等分帶巡兵破除積習認真巡查以靜地方而安住戶

廣東 粵督岑雲帥前飭臬司將各屬差役裁汰歸併另募親兵差遣酌定專條通飭照辦近聞臬司沈廉訪以兵之為名至貴隸之為役至賤募親兵而不定其人格值其生計則親兵亦即差役之變名方今舉行新政如警察一事為東西各國內治善法誠能合籌鉅款妙選人格切實行之差役親兵均可棄而不用擬詳請出示曉諭或由東莞發端或由六縣先行開辦以警察代差役俟六屬辦理就緒再行逐漸推廣云

各國內務彙誌

韓國 韓廷近擬將地方制度大加整頓先廢十三道復歸八道減二百四十二郡為百七十郡郡守隸於觀察使而城

其事權一切設施均須稟准辦理徵稅事務亦以財務官及補佐官轄理之云

英國 英廷近簡開姆弗爾德為槐因斯蘭總督 前任加拿大總督閱圖已舉為印度總督以繼寇仁之任

俄國 俄皇前曾降諭准設議院近聞此項規例業經聖教會支配員長朴崎道諾善夫編定凡在官人員不得膺代議士之選內代議士四百四十人選自城中九十人選自鄉間各有組織憲法參議國家法律監督地方政事之權猶太人亦得被選惟須稍加限制至其公舉之法四條亦已為各大臣所批准茲錄如下 一凡二十一歲以上之人產業納稅能與定章相符者為合格 一每省與二十一大城公舉一選舉會而由該會再舉議員一公舉之法則以拈圖之法為之一村民不能獨自公舉在選舉會之村民代表人則由省會公舉省會則由村會公舉 內務大臣布利幾宜辭職後俄皇

特簡結弗城總督伊奈科夫以繼其任 軍務大臣撤嘎洛夫近因事多掣肘上表辭職俄皇已允其請

法國 外部大臣德加士因前在議院反對德國之論為衆所駁乃即上表辭職各黨聞之頗有喜色云

荷蘭 荷政府近委前署荷屬印度巡撫何棟葛組織一新內閣何辭不就職荷后乃委大臣羅曼代之

瑞典 瑞王奧斯格近因政躬抱恙將一切國政交與大太子暫攝

腦威 腦國自與瑞典分立後已舉丹麥王太子之第二子以為國王因瑞典王族中實無可舉之人丹太子已允其請後因腦威著名詩家羌生主義改腦威為民主國惟探險家納生雖為候選總統之一然甚反對此議故丹國因見腦瑞兩國一時分立將來恐有糾葛願為躊躇不決

商務印書館出版
日俄戰紀

日俄戰事於東亞大局之關係甚鉅而於我國爲尤甚是以歐亞人士咸注目於茲役中外新聞雜誌記載甚多惟頭緒既繁尋繹匪易日本金港堂博文館育英舍富山房皆有日俄戰紀之刻爰仿其例輯爲是編自開戰以來迄於今日凡海陸戰事及關係於戰事之政策邦交無不備錄區分門類凡十餘種記錄詳盡斷制謹嚴每冊首列寫真圖畫若干幅皆關涉戰事之人物狀況及戰爭樞要之地理每足一冊卽付手民陸續發行不預定期以戰局終結之日爲止

定價

洋裝

每冊

大洋二角五分

日俄戰紀之圖目

- 第一冊 ● 日俄陸戰地圖(平壤義州鴨綠江鳳凰城地方) ○ 日本國皇帝 ○ 俄國皇帝 ○ 俄關東總督(亞力喀塞夫) ○ 俄陸軍大臣(苦魯巴金)
- 第二冊 ● 旅順港地圖 ○ 日本軍事參議官(寺內、奧、大山、黑木、山縣、井上、伊東、山本、野津) ○ 日本艦隊司令長官(東鄉平八郎、上村彥之丞、片岡七郎) ○ 日本三司令官(瓜生外吉、出羽重遠、三須宗太郎) ○ 日本七師團長(長谷川好道、小川又次、貞愛親王、山口素臣、井上光、西寬二郎、大久保春野) ○ 俄太平洋艦隊司

商 務 印 書 館 出 版 類

華英音韻字典集成

洋裝 每部一冊 價洋七圓五角

全英譯音館編校○共集字語十餘萬言注以發音標其讀法繼以英字注釋華字釋義並綴文法字類會韻以英備翰納耳本為宗譯義以英國羅布存德本為主並加增訂附圖千有餘幅單物奇器一覽便明末附英國假借他國俗語解義減筆字解記號彙釋及中西地名表全書一千九百十四葉鴻博精潔昔所未有侯官嚴先生謂為編出冠時世所寶貴非過譽也

華英字典

每部一冊 洋裝市面洋紙 價洋一圓二角半
華裝洋連史紙 價洋六角

本館編譯○以君其照會輯華英字典類便學界爾世人尚嫌缺略茲特增益二萬餘字全書計四萬言釋義詳明注詞嫻雅并以文字聯綴成句以便選用附錄減筆字解各種記號有志西文者不可不手一編也

袖珍華英字典

洋裝 每部一冊 價洋一圓

上海南洋公學教習^{吳慎之}先生編譯○詔與學堂習外國文字者益衆而英文為尤本館先輯華英字典集成華英字典與兩種猶不足以供學界之用乃酌刪繁重輯為是編全書約四萬餘字製成小冊納諸慎袖最便翻檢嚴侯官先生賜序謂取了大義期於捷速簡管誠知本館之意矣

商 務 印 書 館 出 版 類

農

話

每部一本
價洋一角

通州陳啓謙述○自海上創譯農報以來報冊已哀然數百帙然皆士大夫之農學非農夫之農學也陳君有鑒於此萃自丁迄壬之農報度中國所可行者達以俚語命曰農話刪繁就簡提要鉤元意在可以實行也我國中有耕讀之志者盍一觀之

德 國 工 商 勃 興 史

每部一冊
價洋六角五分

法國伯羅德爾著日本文部省譯本館重譯○德國工商之業至近年而益盛不知幾經培養始能臻此地步是書歷舉其所以致盛之由不外於國家保護學校教育我國近來重視商務提倡工藝凡為學者不可不急取研究也

萬 國 商 業 歷 史

每部一冊
價洋六角

英國器賓著日本林會登吉譯本館重譯○交通日使商戰日烈鐵路輪舟往來駢集而由古迄今以及各國互相關繫之道非深加考覈無以通曉處此商戰之局固當知其已然尤當審其所以然中國商業之不振亦由遇事無從考察耳爰亟譯印是編以資參考

商務印書館出版
叢書記傳

拿破崙傳

每部一册
價洋四角

日本矢島元四郎著中國范枕石譯○拿破崙名震環球世人無不欲知其生平是書搜羅至富自其幼年入學之日以及遺骸歸國之年內而家庭外而軍國以至一言一行之微無不備載有崇拜英雄之念者均取而三復之

克萊武傳

洋裝每部一册
價洋三角

英國馬可來著本館譯○英取印度始以商會終以戰爭實克萊武一人左右之今泰西人之心目已全注於我中國欲知印度之覆轍者請讀是書

納爾遜傳

洋裝每部一册
價洋一角

日本中村佐美著江陰何震彝劉張侯譯○近世海軍英國最稱強導其先者曰納爾遜君生平從事海軍者凡三十五載偉烈雄偉照耀世界讀此者猶有興起之心

關地名人傳

每部一册
價洋五角

美國愛德華著無錫王汝宇譯○今日歐洲諸國幾於控馭全球其始皆由二三豪傑抗志航海不避艱險搜窮新地風氣既開興起者眾國家坐享其利而殖民之地乃愈推愈廣矣是書彙集彼國關地名人凡二十種各立一傳讀之可以增人進取之氣

日本近世豪傑小史

每部一册
價洋五角

本館編輯○凡四卷明治維新以來彼國傑出之材人人樂為稱道但知其略未知其詳不無遺憾本館因搜輯日本近世之有勳業學問俠義奇行者各列一傳著為是編讀之可知其人才之盛

軍事

重興海軍議 錄乙巳七月十七等日時報

德相俾士麥曰。今日所恃者。非公法也。黑鐵耳。赤血耳。英國征非之帥吉青納嘗語人曰。我歐洲無所謂文明也。兵而已矣。是故今日不欲立國於地球之上。斯已矣。苟欲立國。先張國威。欲張國威。先厚兵力。

英國歐西之區。區三島耳。其人口不及四千萬。然屬地徧於五洲。日所出入之區。無不有英國國旗飛揚。照耀於其間。數十年來。海上之霸權。常掌握於盎格魯撒遜民族之手。若是者。何也。曰。惟海軍故。日本亞東一蕞爾國耳。其地面僅抵我一大省。其人口不及我十分之一。然甲午蹶我。而國勢驟張。比者挫虎狼之強。俄遂以定霸於東亞。若是者。何也。曰。惟海軍故。是故無敵艦隊一燔。而西班牙之國勢遂衰。脫拉哇喀之役。一敗而拿破崙遂不能出埃及。而東略之霸圖。遂挫黃海之戰。一蹶而我國遂情見勢絀。受列強之迫。脅蹂躪飲泣茹痛。而莫可誰何。若是乎海軍者。國家存亡盛衰之所倚。而不可一日無者也。故欲固國。固先爭海權。欲爭海權。先張海軍。

今日之世界。一武裝的和平之世界也。十九世紀以來。歐人之民族主義。一變而為民族帝國主義。至今日而磅礴鬱積。若怒濤駭浪。漫天捲地而來。勢將迫壓第二流以下之國家。足使失其獨立。故保衛國權之恐怖。與侵略兼并之野心。二者并而搏激於各國國民之腦中。莫不以擴張軍備為惟一之國是。而鐵血主義。遂為立國之大本。列強無不奉為神訓。觀各國之歲計。其軍費皆日增月盛。不惜糜億萬之國幣。重國民之負擔。造艦購械。以求海上權力之恢張。徵之諸國。靡不然矣。英國立國之根原。專在屬地之安固。故英人政策。務令母國與屬地永不相離。日求便利其通航。以使之團結為一體。且其商業之盛。徧布五洲。非力握海權。必不足以護持商務。故英國以海軍立國者也。英相哈彌頓之言曰。英國海軍。須常保有足敵二國聯合艦隊之勢力。多糜國帑。不可以已。乃者海上之競爭。日劇。彼素號海王者。遂不能不驟增軍備。其海軍費。遂及四千萬鎊。較之十年前。以前殆增一倍。有奇。德國自今皇維廉第二即位以來。日以帝國主義。倡導國民。汲汲謀屬地於海外。嘗宣言曰。凡德國臣民所到之地。無論何處。政府必擴張其勢力。以保護之。日挾此雄飛世界之野心。首以獎厲航業。振興海軍為急務。故二十年間。其商船增至十有五倍。而五年以來。其海軍費。遂增一倍。有奇。蓋德國之海軍。固為突飛之進步者也。至於美國。固獨立他洲。向守門羅主義者也。麥

堅尼當國一易其宗旨爲帝國主義遂縣古巴攫非獵賓進而握太平洋之海權其勢力之
 彪。如。飢。鷹。脫。韝。而。下。既。實。行。帝。國。主。義。矣。海。軍。亦。以。驟。增。十。年。以。前。其。海。軍。僅。當。英。國。三
 分。之。一。者。今。則。足。當。英。國。二。分。之。一。十。年。之。間。海。軍。費。之。增。加。且。增。三。倍。自。餘。法。意。諸。國。其
 海。軍。之。增。率。雖。不。及。諸。國。之。多。然。皆。競。於。帝。國。主。義。之。風。潮。日。增。兵。備。而。不。能。自。己。若。夫。俄
 國。其。海。軍。費。之。增。加。本。常。出。於。德。國。之。上。今。一。敗。塗。地。矣。然。已。議。集。巨。款。重。爲。恢。復。之。謀。日
 本。甲。午。之。役。其。海。軍。僅。六。萬。餘。噸。耳。今。已。驟。增。爲。四。十。萬。噸。近。挾。戰。勝。之。力。且。增。盛。而。未。有
 已。時。彼。諸。國。者。固。皆。以。此。爲。立。國。之。要。圖。萃。全。力。以。經。營。競。爭。雄。長。必。不。肯。以。稍。弛。軍。備。致
 落。他。人。之。後。者。也。

數十年來歐洲晏然無大戰事。然稽各國海軍費之總額。十年之間。且增二倍有奇。而後五
 年之所增。又且倍於前五年之數。其擴張兵備不遺餘力者。非所謂武裝的和平者邪。雖然。
 和平者歐洲以內之和平也。曩者各國權利之角逐。勢力之衝突。政治家之縱橫。輿論無一
 不在歐洲之內。三十年來。全歐均勢之局定矣。白人侵略之雄心移而騰躍於歐洲以外之
 天地。絕大西。洋。而。飛。渡。茫。茫。萬。里。之。新。大。陸。遂。爲。白。人。飛。躍。之。場。然。昔。之。見。競。於。人。而。爲。殖
 民政畧之劇場者。今且競人而行。其殖民政畧。今日之美洲已成第二之歐羅巴。固無復足

容。歐。人。馳。騁。之。餘。地。列。強。之。國。鋒。不。能。不。移。而。他。指。而。此。最。新。世。界。不。轉。瞬。而。已。成。爲。白。澳。洲。澳。洲。亦。且。人。滿。歐。人。視。眈。欲。逐。乃。轉。向。而。入。於。非。洲。乃。者。行。變。割。而。盡。矣。而。白。種。諸。國。內。力。猶。日。以。膨。脹。野。心。猶。日。以。鬱。勃。不。能。不。更。求。尾。閩。之。洩。於。是。馬。首。東。向。嚮。我。亞。洲。印。度。越。南。緬。甸。諸。國。相。繼。淪。陷。十。年。以。來。遂。萬。馬。齊。首。擴。其。勢。力。範。圍。於。極。東。大。陸。西。力。東。漸。劍。及。屢。及。剝。牀。以。膚。咄。咄。逼。人。遠。東。問。題。日。亟。東。洋。艦。隊。遂。爲。白。人。所。專。重。占。彼。國。海。軍。軍。費。之。一。大。宗。而。國。於。東。隣。者。亦。爲。帝。國。主。義。之。所。驅。駭。於。旁。而。爭。一。染。指。極。東。大。陸。之。主。國。遂。陷。於。各。國。勢。力。旋。渦。之。中。苟。非。張。強。力。以。自。援。其。勢。固。必。無。以。自。拔。也。

所謂強力奈何。則亦曰兵而已矣。則亦曰海軍而已矣。我國三十年來之外交。無一非損辱國權者也。然甲午以前。外人對我之政策。其術多出於欺謾。雖有恫喝。我國海軍尙有其表。猶未敢公然凌侮也。中日之役。海軍盡燬。彼知我無復絲毫抵抗之力。則徑以強硬之手段。百端迫脅。爲所欲爲。索我路權。矣。攫我礦產。矣。奪我要港。矣。指定勢力範圍。迫我立勿讓他人之約。矣。一切用人行政之內治。無不強行干預。侵我主權。是雖國政之腐敗。外交之拙劣。有以致寇。而召侮。然苟有強盛之艦隊。以盾其後。則有恃無恐。彼之虛聲恫喝。固可堅持。而力拒之也。否。卽萬不得已。猶可破釜沈舟。以爲背城借一之舉。擲孤注。以力爭國權也。今乃

無。釜。可。破。無。舟。可。沈。求。一。擲。孤。注。而。且。不。可。得。彼。有。所。要。求。而。不。能。遽。遂。即。遣。一。二。軍。艦。臨。我。口。岸。以。示。威。我。即。震。悚。倉。皇。不。敢。不。茹。痛。忍。辱。以。徇。其。請。蓋。今。日。國。際。之。勢。力。固。足。迫。第。二。流。之。國。家。使。之。失。其。獨。立。而。無。海。軍。為。後。盾。則。直。無。外。交。之。可。言。而。無。術。以。保。此。國。權。也。嗚。呼。波。羅。的。海。艦。隊。一。蹶。俄。人。之。東。方。勢。力。驟。衰。雖。以。驚。悍。堅。忍。之。斯。拉。夫。民。族。且。不。能。不。降。心。帖。耳。以。求。成。以。彼。鏡。我。瘡。可。知。矣。此。海。軍。之。不。能。不。亟。興。者。一。

今日國防守海而已。是以各國勢力之消長專視海上權力之強弱以為衡。十九世紀以降。海權競爭之大勢。既自大西洋而漸趨注於太平洋矣。而各國之虎視鷹瞵。則尤以北太平洋為中心點。列國之東洋艦隊。風馳雲捲而來。多者二十餘萬墩。少者亦不下五六萬墩。皆分其海軍力之一大部分。逾越萬里。以翹集於一隅。蓋東洋艦隊之強弱。即太平洋海權問題之所由解決者也。我國於太平洋上。適當列國海權競爭之衝。今縱未敢遽言爭太平洋之主權。然海岸線之袤延。固非重兵不足以防守。戊戌之春。德人藉一教士之交涉。突出而攫我膠州。俄人繼起而奪旅順大連。英人繼起而租威海衛秦皇島。法人繼起而取廣州灣。於是滿洲山東揚子江西江諸流域。皆為他人之禁鬱。我國最良之軍港。皆成外人海軍之根據地。而舟山沙門灣諸要港。亦日有人窺伺。要索於其旁。夫他人之艦隊。巨艦日縱橫馳。

敵於心腹之間而我曾無一艦以爲防圍之資藩籬盡撤國已非其國矣況及今不圖則要隘盡失他日亟興海軍已無軍港恐噬臍之悔嘵泣亦將無及也此海軍之不能不亟興者又其一

比年以來我政府亦注意於武事矣改定軍制各省紛紛練兵頃者復實行徵兵之制而北洋陸軍頗著成效是亦可謂知所急務矣然陸軍者恃海軍爲羽翼孤立則勢必不支咸豐之初英人以舟師擾我舟山而七省戒嚴禁煙之議遂解圓明園之役英法以兵艦犯我大沽而僧王敗績京師遂以失陷當是時也我豈無良將勁旅哉我無力以禦其海軍故彼一敗我海防遂長驅而不可復制前事不忘後事之師此皆足爲前車之鑒者也防敵者防之門戶之外守國者之恆訓也苟無海軍門戶已無守圉即使陸軍精強待其入戰於闕闕之間已非得計且寇能來而不能往止能守而無以爲攻坐以受敵何以制勝又況一口被擄舉國震驚陸軍雖強固有防不勝防者邪苟無海軍並陸軍亦不能自立此海軍之不能不亟興者又其一

海軍者國權之所係國防之所倚固已然海外之殖民地旅外之僑民國際貿易之商業往來轉運之商船皆恃海軍以託命者也故商業勢力之漲縮實與海上權力之盛衰以爲緣

西國之拓商場於東方。凡一人之來一業之興。無不有海軍力以隨其後。此西人商力之所。以日盛而欲伸國力於海外者。必以爭海權爲第一要義也。我國海外華商。不爲少矣。然無絲毫國力爲之保護。涉足境外。卽爲無國之民。乃至被人禁逐。受人凌侮。亦俯首忍受。而無所申訴。是以商人日減。而商業日衰。今日世界一生計競爭之世界也。我國苟遂淪亡。斯亦已矣。苟此後猶立國於世界之上。卽不能不從事於生計之競爭。倘無海軍以爲護持。則必將一船不能出境。運輸一人不能旅外。貿易彼有來船。我無去筏。今日之僑外者。亦以無力保護之故。行將受人禁逐。以至於盡商業。凋耗彼以生計。競爭固足。嗟我於亡矣。昔我以一軍艦游弋南洋。旅彼華商。無一不額手稱慶。願盼自豪。而彼中外人。亦皆動色相視。由是觀之。則海軍者。非但守國國防之利器。而亦保商殖富之先驅也。此海軍之不能不亟興者。又其一。

今日不興海軍。必不能立足於海權競爭之世界。此匹夫匹婦常智之所與知。哀哀諸公。豈并見不及此。然甲午大創而後。今且十年。皆噤口結舌。無一人議及海軍者。豈不謂國計窘難。籌經常之歲出。而且虞不給。更安有餘力以圖此大舉哉。然甲午以前。議興新政。類以無款。談謝而償。日本之兵費。不能不籌二萬萬之巨款矣。甲午以後。議興新政。更以無款。談謝。

而債七國之兵費又不能不籌四萬萬之巨款矣。今日強鄰壓境國勢累卵我不薄人人將薄我事機一悟兵燹即開固不能保其晏然無事也。萬一有非常之變我無一艦一礮以禦敵勝負之數無待著龜又不能保其無甲午庚子之債款也。與其迫於無可奈何糜億兆之兵費以買此彌天之恥辱而復須賸以土地綴以國權孰與先舉此兵費爲未雨之綢繆而國權猶有所屏翰土地猶有所防圍邪。故今日束手待亡則因陋就簡舉國防而盡撤之無不可也。若猶有所未甘也則發奮爲雄亟張軍備竊謂我國雖貧籌此海軍之費尙非所難也。籌款之術多矣不敢以煩瑣之策進請言其犖犖大者。

一曰創辦費。今日國勢急於然眉非於數年之間亟成一軍則事變之來甯能待我。然我國歲入不敷歲出即羅掘百端亦豈期年之間所能集事。欲以短期而驟籌巨款非募國內之公債固不可矣。各國公債類別多端要而言之則曰有質之債曰無質之債。無質之債或爲強迫公債或爲愛國公債。事既難行所得亦復無幾。今幾絕無於文明諸國矣。有質之債一曰短期公債預支他日之歲入以應一時之急需而取一經入有著之賦以爲數年之質計。此期限之中足以復所貸之財之子母。一曰長期公債其債期或則期之永久或則定其年限定其年限者亦復別爲三種。一甲一定償還之年限及期則如數畢還此可募少數之債。

而。不。能。募。集。巨。款。者。也。(乙)定。償。還。之。年。限。而。不。定。償。還。之。年。額。指。一。經。入。之。賦。計。所。入。足。與。歲。息。相。準。國。家。無。論。何。時。力。足。復。其。母。則。復。之。而。其。息。亦。罷。此。歐。洲。信。用。最。厚。之。國。舉。債。通。行。之。常。法。所。謂。有。期。之。隨。時。償。還。債。也。(丙)定。償。還。之。年。限。復。定。償。還。之。年。額。以。所。指。定。之。賦。歲。償。其。債。之。若。干。其。母。稍。償。其。息。漸。減。其。賦。亦。日。有。贏。餘。則。遞。年。增。償。其。母。及。其。年。限。母。子。畢。償。於。募。債。之。時。即。定。償。債。之。表。按。額。清。償。不。得。出。入。此。土。耳。其。埃。及。信。用。薄。弱。之。國。所。行。用。所。謂。有。期。定。額。償。還。債。也。日。國。債。之。事。其。說。繁。雜。以。事。其。說。繁。雜。之。理。為。我。國。今。議。募。債。當。採。用。長。期。公。債。之。法。而。斟酌。於。乙。丙。二。者。之。間。定。額。償。還。之。債。財。政。雖。有。胸。舒。而。償。額。必。不。能。增。減。以。視。乙。制。本。不。能。伸。縮。自。如。然。我。國。政。府。信。用。未。深。似。宜。先。行。丙。制。以。博。民。間。之。信。任。定。償。還。之。年。限。約。期。之。以。三。十。年。指。一。經。入。之。賦。以。為。償。詳。其。說。下。由。戶。部。發。行。公。債。股。票。頒。票。之。始。即。附。以。償。債。定。表。嚴。定。歲。償。若。干。之。額。期。年。盡。而。畢。償。其。行。息。也。則。劑。各。地。通。行。之。息。而。取。其。平。較。之。銀。行。歲。息。而。稍。增。其。數。曩。者。昭。信。股。票。雖。不。為。民。間。所。信。用。然。止。以。定。制。不。善。且。奉。行。者。不。免。擾。民。耳。乃。者。直。隸。固。已。募。公。債。六。百。萬。兩。而。廣。東。亦。議。繼。行。矣。今。以。政。府。主。持。其。事。其。信。用。自。較。厚。於。督。撫。誠。能。妥。籌。善。制。自。不。患。其。無。成。夫。海。軍。者。上。以。堅。國。防。之。守。國。下。以。護。民。間。之。財。產。是。以。歐。美。各。國。國。民。無。不。擔。負。軍。費。以。各。國。人。口。計。之。多。者。人。負。金。額。

軍 事

三 百 三 十 一

乙 巳

二。兩有奇。少者亦人負金額不下四錢。且今我國以此募債於國民。國民知國家設防之固以衛我也。當亦樂於擔任如此則巨款當可籌集。即以之廣購軍艦營築軍港。國家雖有要需。必不得移此絲毫以供他用。三四年後水師即可成軍。基礎既立。然後徐加擴充。雖未遽能爭雄海上。亦庶幾可以自守矣。

一。曰常年費。考歐美各國之歲計。歲出之款。實以軍費爲一大宗。英國歲入二萬七千五百餘萬鎊。而海軍歲費三千六百餘萬鎊。法國歲入一萬四千七百餘萬鎊。而海軍歲費一千三百餘萬鎊。俄國歲入二萬一千三百餘萬鎊。而海軍歲費一千四百八十萬鎊。德國歲入九千三百餘萬鎊。而海軍歲費一千萬鎊。強數占歲入九分之一。日本歲入二千八百萬鎊。而海軍歲費三百七十餘萬鎊。數亦占歲入九分之一。雖以素持門羅主義之美國。歲入一萬四千六百餘萬鎊。昔日海軍歲費僅五百萬鎊者。今乃驟增至一千六百萬鎊。且增高繼長。其費日益而未知所終。彼諸國國民。甯不憚負擔之日重哉。徒以立於競爭劇烈之場。不優勝則必劣敗。欲張國權於海上。故雖絞膏血而有所不辭也。我國歲入不過八千餘萬。雖舉以盡充海軍歲費。且瞻乎遠在德俄諸國之後。況夫百廢待舉。國用方殷。安能移方需之政費。從事於軍備。然海軍既興。自不能不籌所以養此海軍之費。況列強海力咄咄。

逼。人。立。此。四。面。楚。歌。之。中。又。必。須。增。造。新。艦。購。置。新。械。始。足。以。固。國。防。而。備。緩。急。國。用。雖。艱。又。烏。能。已。中。國。者。天。下。莫。大。之。泱。泱。大。國。也。地。廣。物。博。甲。於。五。洲。但。使。奮。發。為。雄。財。政。稍。加。整。頓。安。見。擁。二。萬。萬。方。里。之。大。地。有。四。萬。萬。人。口。之。衆。民。乃。至。蹙。額。憂。貧。并。此。區。區。數。千。萬。之。海。軍。歲。費。而。不。能。籌。集。哉。整。理。財。政。條。理。萬。端。非。一。言。所。能。盡。也。請。舉。其。上。不。病。國。下。不。擾。民。而。其。數。足。備。海。軍。歲。費。之。用。者。約。有。三。事。一。曰。地。丁。我。國。歲。入。向。以。地。丁。為。一。大。宗。考。之。官。書。記。載。會。典。嘉慶末年則云三千二百八十四萬五千餘兩。戶部則例則云三千七十六萬二千餘兩。然各省疆吏所報應徵之數實不及官書所載之數。而每年實徵之數又不逮所報應徵之數。蓋地方官徵收考成。以八成爲額。徵及八成者予獎。不及八成者各按成數論劾有差。年終奏銷。其短徵銀數。留俟下年帶徵。有積欠至二三百萬者。故徵收實數。約皆二千四五百萬。四川兩廣雲貴東三省。徵收皆有溢額。其餘諸省。無不短徵。雖大有年。固未有徵收及額者也。然各省徵收。皆大吏包徵。於州縣州縣包徵。於房吏。浮收婪索。莫可究詰。故入之國庫者。缺額雖巨。而出之民間者。溢額實多。西人查我地丁之數。謂各省通計。上田每畝收錢二百文。每一英畝。七中畝約可收銀一兩。十八省疆域。約得英里一百三十萬方里。以半荒半熟計之。應得熟地六十五萬方里。約合田四萬萬英畝。當得銀四萬萬兩。雖

其說未必盡信。熟地不能如是之多。徵銀或無一兩之數。然減半許之。亦可收銀二萬萬兩。即令完稅者少。徵不及額。再減其半。亦不下一萬萬兩。且即如會典之數。然州縣之浮收。房吏之苛索。民間所出。固已不下百兆之數。州縣視此。爲肥瘠積弊。已極深矣。是宜特派專員。專司徵收之事。或直隸戶部。專派大員。司理如八省膏捐之法。或由督撫主持。委員分任。清釐積弊。務令涓滴歸公。如是民不加出。而地丁可歲增六千餘萬。州縣驟失利入之源。宜津貼以彌其乏。委員處脂膏之地。宜厚祿以養其廉。卽以此款給之。當費歲增之半。頃者直督建議。盡提取州縣當得之款。而別委員三人。分司徵收聽訟警察之事。卽三分提取之款。一以津貼州縣。一以酬給委員。一以歸公正用。其策精妥。殆無以易。今誠以之推行各省。則地丁一項。其數當可得三千萬。一曰漕糧。我國漕折之額。共銀五百四萬兩。光緒二十年。實徵四百三十六萬餘兩。十年以來。漲縮無定。率不過四百五十萬兩。考我國收漕之法。雖徵本色。然實折徵者多。折徵之漕。每米一石。折銀一兩五六錢。多者乃至二兩有奇。相市價以爲伸縮。每米一石。別加運費一兩二錢。而復有耗米食米之值。漕贈幫貼之需。大約石米之價。折收制錢四千五百文。以視原徵之數。固已倍之而有餘矣。況折徵之米。價由州縣隨時酌定。而州縣之收漕。又專令糧書收解。浮徵苛折。婪取無厭。蓋國家之所徵。雖五百餘萬。而

民。間。之。所。出。則。實。一。千。五。百。餘。萬。而。二。倍。之。矣。咸。同。之。間。駱。文。忠。巡。撫。湖。南。左。文。襄。佐。其。幕。創。議。整。頓。漕。糧。行。之。湖。南。而。大。效。其。後。胡。文。忠。仿。行。於。湖。北。左。文。襄。仿。行。於。浙。江。李。文。忠。仿。行。於。江。蘇。皆。爲。國。家。增。數。十。萬。之。入。款。爲。民。間。省。數。十。萬。之。出。款。然。叢。弊。已。深。固。未。能。剔。除。淨。盡。且。數。省。之。外。他。省。之。弊。尤。多。今。能。提。此。於。州。縣。之。手。妙。選。委。員。專。司。其。事。滌。除。宿。弊。歲。入。必。可。驟。增。不。甯。惟。是。自。改。行。海。運。以。來。費。用。雖。較。漕。運。爲。省。然。所。費。仍。復。不。貲。且。河。運。未。能。盡。廢。歲。費。尤。煩。曩。者。政。府。亦。嘗。議。盡。廢。漕。運。矣。徒。以。食。於。漕。運。者。阻。以。浮。言。議。遂。中。止。今。鐵。路。棧。通。飛。輓。便。速。誠。盡。廢。漕。改。徵。折。色。則。轉。運。之。經。費。官。吏。之。坐。耗。員。役。之。中。飽。一。切。廓。清。而。歲。入。可。以。增。進。總。二。者。而。計。之。竊。料。其。所。贏。餘。當。不。下。一。千。五。百。萬。一。曰。鹽。課。乾。隆。以。來。鹽。法。之。敗。壞。甚。矣。道。光。而。後。陶。文。毅。曾。文。正。先。後。總。制。兩。江。竭。力。補。苴。故。淮。鹽。尙。稱。完。善。其。餘。諸。省。則。運。有。官。商。之。別。票。有。大。小。之。分。錯。雜。紛。歧。利。出。二。孔。至。今。日。而。疲。敝。極。矣。故。以。我。國。之。大。而。鹽。課。所。入。僅。得。七。百。萬。兩。有。奇。查。印。度。鹽。課。之。制。每。鹽。百。斤。稅。銀。一。兩。八。錢。全。印。人。口。二。萬。四。千。餘。萬。年。銷。鹽。數。二。萬。一。千。八。百。萬。斤。課。稅。四。千。餘。萬。兩。通。而。計。之。大。每。歲。銷。鹽。九。斤。我。國。人。數。四。萬。萬。其。貧。富。未。必。果。遜。印。度。也。以。印。度。例。之。則。我。國。當。歲。銷。鹽。數。三。萬。六。千。餘。萬。斤。即。令。人。不。能。銷。九。斤。之。數。以。三。分。之。一。減。算。亦。當。歲。銷。二。萬。四。千。萬。斤。

我國鹽課釐金。每鹽百斤。約稅銀一兩三錢有奇。以此計之。歲當課銀三千一百餘萬。兩徒以鹽法紛繁。官吏中飽。故歲入僅得九分之一。乃者粵督議加整頓。將可得四百數十萬之。餘款以抵賄餉。以此推之。果能剔釐積弊。改定鹽法。以最少之數計之。常課之外。當可增歲入二千四百萬。

凡此三者。上不損錙銖之國用。下不取絲毫於民間。一加釐整。即可驟增歲入七千萬兩者。也。吾向者議募公債。以創辦海軍。我政府信用不深。當用有期定額償還公債之制。則當於三者之中。指定漕運之款。以爲質姑。以募萬萬之債計之。此一千五百萬之款。歲足清給子錢。且按額償母。而有餘則其餘五千餘萬之款。即可供海軍歲費之用。夫此區區之數。以視歐美諸邦。雖尙瞠乎其後。然以之增置軍艦。訓練水師。修理軍港。當亦可自固吾圉。而足與日本頡頏。曩者甲午以前。各省固籌解千萬之費。以供海軍之用矣。今日事變。尤非甲午以前之比。亦何惜不以中飽之棄財。備國防之要用也。

巨款既集。數年之間。購造軍艦。可以畢竣。成軍而出。庶幾可以固國防而張國威矣乎。然海軍云者。非謂有堅艦巨礮。即可馳騁海上。遠與羣雄相角逐也。海軍之強弱。視其人才。而海軍之人才。悉由教育。賭生命於驚濤駭浪之中。勝負之機。決於瞬息。海軍之難視。陸軍且將

十。倍。苟。非。統。馭。得。人。訓。練。有。素。則。堅。艦。巨。礮。皆。爲。虛。設。甲。午。之。役。我。海。軍。戰。鬪。力。何。嘗。不。突。
 過。日。本。然。而。勝。敗。異。變。功。業。相。反。此。可。爲。前。車。之。鑒。者。也。是。故。置。械。購。艦。可。以。倉。卒。集。事。而。
 練。將。教。戰。必。不。能。且。夕。圖。功。各。國。之。海。軍。教。育。也。於。普。通。學。科。之。外。凡。風。濤。沙。線。管。理。駕。駛。
 與。夫。走。海。之。測。繪。海。上。之。戰。術。無。不。纖。悉。畢。備。數。年。卒。業。而。後。則。編。入。海。軍。艦。隊。之。中。使。之。
 親。履。風。浪。之。艱。苦。實。驗。管。駕。之。方。法。磨。鍊。其。體。力。增。長。其。閱。歷。實。驗。有。年。然。後。拔。之。爲。小。艦。
 艦。長。使。之。專。一。艦。之。號。令。以。驗。其。統。制。之。才。巡。內。洋。之。險。要。以。習。攻。守。之。勢。任。此。數。年。果。能。
 稱。職。然。後。拔。爲。戰。艦。艦。長。如。是。者。復。數。年。乃。令。統。帶。數。艦。自。成。一。隊。率。之。巡。歷。外。洋。習。於。天。
 下。形。勢。專。司。指。揮。嫻。於。攻。守。進。退。如。是。者。亦。有。年。經。驗。日。多。才。略。日。長。然。後。統。一。艦。隊。而。爲。
 司。令。長。官。雖。以。天。潢。之。貴。絕。人。之。才。既。入。海。軍。苟。非。受。此。教。育。備。此。資。格。必。不。能。躡。級。驟。升。
 蓋。教。育。訓。練。備。極。詳。慎。而。培。養。將。才。若。斯。之。難。也。我。國。當。路。諸。公。夙。少。遠。略。甲。午。大。創。而。後。
 嗒。然。喪。氣。不。敢。復。議。海。軍。然。尙。猶。以。無。款。諉。謝。也。乃。此。十。年。之。中。曾。不。聞。派。遣。一。人。學。習。海。
 軍。以。備。他。日。之。用。推。彼。其。意。豈。不。以。今。後。中。國。未。必。有。復。興。海。軍。之。一。日。我。躬。不。閱。遑。恤。我。
 後。何。必。事。此。不。急。之。務。歲。糜。國。帑。以。學。此。屠。龍。之。技。哉。故。今。日。雖。議。興。海。軍。而。人。才。絕。響。以。
 七。年。之。病。求。三。年。之。艾。苟。不。亟。加。培。育。則。雖。有。軍。艦。止。爲。餽。敵。之。資。今。海。軍。之。議。雖。未。成。當。

先派遣學生習海軍以爲預備。竊計一艦之中。統帶駕駛約須士官五六人。多者尙不止此。海軍一興。則最少之數。亦當得曾受教育之士官三百人。方足備一時之用。海軍之學。非期年可以速成者也。而畢業之後。拔十得五。又非養一人即收一人之用也。爲今之計。宜亟選高才生五百人。分遣於英美日本。專習海軍。且亟設立海軍學校。選延外國海軍士官以爲教習。備設學科以爲完全之教育。夫養人才以備國用。諸公未必遽以爲非也。然或有躊躇不決者。當曰經費難籌。然查留學學費。赴日本者。人需歲費五百元。赴歐美者。多亦不過二千元。按以五百元計之。則以人需歲費一千五百元。通計之。派遣五百人。歲費不及八十萬元。海軍學校歲費。能得五十萬元。規模已極宏壯。即令增派人數。擴張學校。倍加歲費。亦不及三百萬元。即於所擬海軍常年費五千數百餘萬之中。撥二百萬兩以充之。固已綽有餘裕。如是則五年之後。留學外洋者。可以畢業返國。而國中學校。亦將漸有成材。人才輩出。不可勝用。彼日本甲午以前。海軍且居我之後。今僅十年。乃能摧敗俄軍。駁駁且與列強齒。以我國國力之雄偉。人才之聰秀。進步之速。當倍日本。誠能作育人才。安見十年以後。我海軍不雄視東洋也。海軍者國所託命。人才又海軍所託命。生死之機。無待再計。是則不能稍視爲緩圖者也。

集款儲才。海軍之基礎定矣。及此軍艦未竣之時。亟先營修軍港。以固屯泊之根據。增築礮臺。以備防守之犄角。擴張船廠。以爲他日自造兵艦之預備。此皆闕一不可。而亟當未雨綢繆者也。抑吾更有一言。欲爲當路諸公告者。曩者我國海軍。分隸南北洋。以資防守。名雖統以海軍衙門。實則南北洋大臣分握其權。既有此畛域。以界於其間。故雖一國之海軍。而隱然劃若鴻溝。教訓既不相熟。習情意遂不能棣通。彼此之間。遂成隔膜。且號令不能出一。積久各爲風氣。一旦有事。則紛歧錯悞。而不能收指臂之功。我海軍之失敗。此事實一原因也。今重興海軍。當盡革嚮者之弊制。於南北沿海各省。擇建軍港。而置海軍重鎮於中央。重立海軍部。以總其成。一切軍艦。更調巡防。撤去南北洋之名。不使漸生畛域。至於水師之學校。學生之派遣。船廠之製造。一切皆操之海部。而不令各省督撫分握其權。如是則事權統一。指揮如意。自不至權分而掣肘。亦不至兵分而力單。否則一國之中。隱如秦越。不特海軍難收成效。抑亦無此團體者也。

難者曰。曩者土耳其之海軍。當位世界之第三矣。兵力非不强也。然國勢衰靡。無救於危。今者俄羅斯日增海軍。歲費千萬。頗頡德美軍艦。非不多也。然一蹶不振。無救於敗。若是乎國勢強弱。別有所在。而徒恃海軍之不足以立國也。今日我國百廢待舉。國用方殷。乃欲先靡

此巨款以事海軍。我國內政不修。網紀弛紊。恐徒爲土耳其俄羅斯之續。孰若移此巨款以整理他政之爲愈乎。曰。是固然矣。然吾議與海軍固非謂廢。廢百政。徒專力於海軍。而遂足也。謀國之道。任舉一事。必有無數之他事。爲之原因。亦必有無數之他事。以爲之輔。相置無數之他事。而但偏舉一端。則雖至善之政。必不收其利。而害且百出。天下事。罔不如是。固不獨海軍爲然矣。夫無國民之教育。則民智下。而訓練難施。無尙武之精神。則民氣怯。以從軍爲苦。且官制不改。則吏治蕪穢。籌款必百弊叢生。政體不變。則民不愛國。公債亦無從募集。一興海軍。凡與爲因緣。而必待變制者。無限固非謂輟廢百政。徒專力於海軍。而遂足也。然瘵疾者。必清其本。而病急者。先治其標。今日列國。憑陵彼刀俎。而我魚肉。軍隊縱橫於國境。樓船馳突於江河。我無一抵禦之資。遂束手坐受其要挾。國防盡失。何以爲國。病已急矣。非百度革新。固無以清病源。而養元氣。然人競我而我無以爲競。則奄奄垂盡之人。安有療治之餘暇。清病源。而養元氣哉。若謂百廢待舉。國用方殷。則我國殷闐。貧非所患。乃慮費此數千萬之海軍費。而遂無整理庶政之資也。豈其然耶。豈其然耶。

志日俄和議事 錄乙巳八月初九日中外日報

八月初七日。倫敦電言。日俄兩國。業於初六日午後兩點鐘。在拍斯謀夫。將和約簽押。按此

約於七月初九日開議。至八月初六日議定。將及一月。嘗因意見齟齬。幾於決裂。後卒言歸於好。和局以成。綜事之前後觀之。則兩國因應之情狀。列雄左右之意見。亦可以窺知一二。本館於七月十八日。曾將日俄和款彙錄報端。茲和議既成。爰撮敘其顛末如下。

按日本交出之和款計共十條。一。日人在高麗得有最大之權。二。彼此撤退在滿洲之兵。三。將滿洲交回中國。四。開放滿洲門戶。五。割讓庫頁島。六。交出遼地租契。七。割讓哈爾濱以南鐵路。八。俄國可以經過滿洲之鐵路。改爲商路。九。賠償軍費。十。交出監禁各艦。十一。限制俄國遠東海軍之軍力。十二。在海濱業魚之權利。惟割讓庫頁島。賠償軍費。交出監禁各艦。限制俄國遠東海軍軍力四款。迄無成議。餘則大致已定。又東清鐵路若何分界亦未大定

至七月十八日。忽傳有時局甚險。二十一日重議時。恐將決裂之謠。其後又改於二十二日集議。維時聞者大震。異說蜂起。或言和議恐將不成。或言和議尙有可望。或言俄皇決不允退步。或言日本政府亦然。人心惶惶之象。可以想見。幾若以日俄和議之成否。爲世界禍福之關鍵。美總統既於十九日接見日俄兩使。二十二日又遣代表人。與日俄兩使商議良久。美總統既以調人自任。又請英德法三國出而相助。亦可以見其危乎微乎。間不容髮之景象也。

其所以兩不相下者何也。夫就日本言。既爲戰勝之國。因徇友邦之請。而相與議和。則若割要地。索賠款。沒收敵國軍艦。限制敵人軍力。固爲題中必有之義。然而俄固專制之國也。自古專制之國。實以力爭體面爲第一要義。苟敵兵未臨於城下。皇威猶擅於國中。師徒撓敗之象。百姓既未嘗親見國威損失之辱。君臣若相與忘之。而惟體面所在。則不能不力爭。今以地跨兩洲。雄視環球之國。若遽將關於體面之諸款一例承認。則既以招此日之羞辱。復以塞後來之希望。內顧國民。既難強辭以自解。外對友邦。更覺羞顏之難文。其必斷斷相爭。不肯遷就。固亦理勢之自然者也。

其後直至二十九日會議後。情形乃遽改。日允將交出監禁各艦。及限制俄國遠東海軍軍力兩款。作爲罷論。庫頁島各得一半。惟兩國均不能建立礮臺。又不能用之爲行軍之地。賠款之議亦允收回。而由俄國將供養俄俘之費。計日金一百五十兆元。給與日本。以代賠償軍費。或言日本不取兵費實是說一傳紐約及倫敦之人咸以爲異。即俄使亦若出於意外。各國報章。既贊款日本之能退讓。又贊款美國之善於調停。而德國報章。贊美日本尤至。英德兩邦。咸發電以賀美總統。法國亦發電爲俄皇賀。而俄使電告俄皇。且有俄尙可爲遠東大國之語。此以知各國之人。咸注意於是約。其深願日本退讓。俄國不因戰敗而致國內受

虧之意固彰彰不可掩也。

日本報章其於是役蓋頗有不滿意者。願吾聞日本某君之言曰。此不足爲歎也。假使求無不遂。賠款如願。庫頁全得。復能限制俄國海軍。沒收俄國戰艦。則志得意滿之餘。國民驕於內。強鄰忌於外。非得計也。今惟善留餘地。既不拂美總統出爲調處之盛意。而他國亦不能藉兵連禍結。戰事無已爲詞。出而干涉。以租俄而咎日。並足使國民咸因此故。歆然於國力之不足。而由憤思奮。則吾國前途猶有冀也。嗚呼。日本戰勝強俄之國也。而猶思慮周密。戰兢惕厲。不自滿假。如此。有國家思想者。可以鑒矣。

雖然。日俄和議成矣。而俄之所許。日本之所得。諸款除韓國政權。沿海漁利外。其餘率與吾國有關。固吾國切己之事也。未知朝廷何以處之。政府及疆臣又將何以處之。

西安將軍長等會奏西安滿城威遠左右兩營仿照常備新軍變通試練摺

竊維練兵之道。貴精不貴多。貴養亦貴教。查西安滿營於光緒十八年經前升任西安將軍榮祿奏請由神機營撥前膛來福洋槍五百桿。並調來教習教練陣法。嗣於二十五年前任將軍國俊奏准由津續領前膛槍五百桿。先後操練槍兵一千名。官六十六員。編爲威遠左右兩營。洋槍隊。光緒二十一年添練車子礮二十四尊。正兵一百二十名。官五員。二十八年

十月復經升任陝西撫臣升允前署將軍奴才恩存會奏請在陝西軍裝局撥領來福馬槍五百桿發給正馬隊兵五百名認真操演奴才長春到任後與左翼副都統奴才恩存右翼副都統奴才克蒙額隨時同詣教場認真校閱馬步各隊步伐陣式尙稱整齊惟屢奉諭旨練兵爲當今急務飭令各省亟宜改練新軍等因欽此並承准練兵處政務處先後頒到常備等軍各章程伏維駐防旗營世受朝廷豢養深恩尤應激發天良竭力圖報更值國家振興庶務籌餉治兵宵旰焦勞儲蓄誥誡奴才等曷敢畏難苟安泥於舊制每覩陝西常備各軍新操步伐較以滿營馬步操法尤稱整齊捷便奴才等商同前撫臣夏崑藩司樊增祥飭由常備新軍派撥槍操教習號鼓教習各一名於本年二月初四日來營教練試改步伐學習號令悉將舊操威遠步隊改練常備新軍其原練車子礮係屬單輪雙礮隨隊操演頗不利用擬卽撤出暫以擡槍六十桿入隊相輔練習似屬得力如蒙俞允奴才等卽當督飭在營管帶各官昕夕認真勤加訓練速成勁旅而資捍衛惟是改練之初所有製造旗幟號衣各項用款自應核實撥節隨時與現任撫臣曹鴻勳商酌籌措當此時局多艱不敢請加餉糈其在隊官兵仍以原給津貼量爲變通辦理似此一轉移間俾得兵歸實用餉不虛糜其改練新軍章程官兵所食津貼一俟操練純熟再行具奏並咨報練兵處戶部

兵部立案現在核銷仍歸年終奏報謹 奏奉 硃批該衙門知道欽此

南洋督練公所稟詳兩江總督周舉辦徵兵籌定區域及開徵日期文

竊查改編營制一案於光緒三十一年二月奉憲臺批開即將原駐省城之武威左右翼按照章制專練徵兵編爲第一標等因奉此仰見憲臺整軍經武因地制宜之至意欽服莫名伏查東西各國陸軍無不以徵兵爲編制之要素自王公子弟以至庶民視當兵若應有之天職得之者人皆豔而羨之國之強弱恆視兵力爲轉移兵之足貴如此我國兵民既分當兵者大都游惰無業之民有事則招之使來無事則遣之使去招之來既漫不加教遣之去則窮無所歸流弊所終且以孳乳無數盜賊卽或永無遺散流亡之事而一兵入伍養至二三十年向之稱爲男兒好身手者亦無不頭童齒落精力就衰耗二三十年之餉僅僅得一無用之兵而欲望兵氣之揚夫何可得上年練兵處頒定軍制首以就地徵兵爲一定之目的復立常備續備後備分年訓練更番退伍之法使以少數之餉練成多數之兵久之自可收國民皆兵之效果近來火器日益猛烈兩軍相見敗者固受創甚深勝者亦傷亡不少縱或再戰皆捷一年之精銳亦已損其強半無補充兵以繼其後安能支持此可見更番訓練退伍之法實爲萬不可易者願徵兵非先定區域不可日本每一聯隊所駐之地卽爲該聯

隊徵兵之區其軍人之家世執業性情習尚無不備知自於召集退伍約束訓練易施其力況以一方之民充一方之兵於一方百姓之感情愛素必有油然而生於不覺者較之異地之民嗜欲性情各不相習動起侵凌攘奪之風相去何可以道里計然就一般之輿論仍有謂中國民風強弱各殊徵兵宜就強悍之區域者此尤未切於時勢中國從前治軍教育本未完全故驅文弱之人與壯盛者鬪必不能勝今則教練方法日出不窮智育體育無所不具雖以文弱書生教之體操三月無不精力倍生如其徒勇無教適足爲前敵之槍礮彈靶而已觀於東三省之戰局以軀幹雄偉之俄人曾不敵氣體短小之日兵可知強兵之策在彼不在此也又況東西各國自強之道全在舉國之民皆兵而不在一方之兵獨盛既明知其地民風素弱更宜思所以強之豈可棄之而不顧且中國人民繁盛甲於地球一郡之大何至求千數百身體強壯之人而不可得更無此理各國間亦有著名不徵兵之地大抵皆在新領土境將以是愚弱其民俾易就我範圍而非所施於固有之本國土境也以上所陳皆經職道等再四討論調查實知非急辦徵兵不可以圖強非先定徵兵區域則徵兵亦無從著手就江蘇大勢而論全省統轄八府三直隸州一直隸廳如編立三鎮則有步隊十二標以一府州所爲一標之管區適敷分布惟蘇垣防軍向歸撫憲主政近聞蘇垣已編練一協

自應劃出數府州爲蘇垣之協管區又江北新設提督已奉 旨著劉軍門專練一鎮亦可劃出數府州爲江北之鎮管區如此則江南先練一鎮酌定數府爲江南之鎮管協未嘗不可互爲維持本年正月間職道等稟承憲訓將江南諸軍編立步隊八標除第一標僅有舊軍一營又皆本省民籍堪以舉辦徵兵外餘七標悉屬湘淮舊旅與徵兵制度實不相合當復商同各標統帶認真挑選汰弱留強數月以來先後遣散不下五千餘人職道恩紱所統之第二標僅裁存二百餘人若歸併入第三標即可空出第二標與第一標同辦徵兵其餘六標有尙存千餘人者亦有僅存五六百人者俟第一二標徵兵辦成之後再將此六標酌量歸併尙可空出兩標再辦徵兵合之前兩標即共有徵兵四標適符一鎮之數此外所餘均歸之四標即可悉行留作要塞守兵不復編立成鎮於地方得資彈壓於餉力亦不無節省似屬兩便至馬礮工輜各隊江南現祇有馬隊礮隊一營工程輜重均未徵集將來亦應按一鎮管轄之數徵足之其兵籍即分附於步隊之標管區內現經職道等督同提調各員將徵兵辦法悉心籌議立具章程三通曰徵兵總章曰勸辦徵兵局章程曰勸徵章程總章首重分區域擬以江甯鎮江常州揚州爲第一鎮管區徐州海州淮安通州海門爲第二鎮管區蘇州松江太倉州爲蘇垣所練之協管區目前江甯開辦徵兵僅止步隊兩標應先就

江甯鎮江兩府屬縣勸徵餘均留俟將來再定其設局章程因財政困難未敢稍事鋪張所用一切委員弁目司書生悉就職處及各標營現有差使者派充概不支給薪水惟出外勸徵官弁應酌給川資旅費以兩標計之每月不過支用一千餘金以兩箇月爲期合共所用不過三四千金左右若徵兵之小口糧及開差到營川資卽以職等所統兩標數月以來懸缺更補之額餉抵支亦儘屬有盈無絀如蒙憲恩核准擬卽派第一標第二營管帶官丁鴻飛第三營管帶官陶駿保第二標第二營管帶官許葆英第三營管帶官莊謬爲徵兵官各就本營挑選隊官排長爲徵兵員弁帶同軍醫弁目司書生等會期七月初十日起程分往各處應請憲臺分飭江甯鎮江兩府先期知照遵行並將此項章程通飭各屬一體遵照其徵兵總局卽以新購之淮軍公所辦理抑職道等更有陳請者此次舉辦徵兵實爲中國創見之事一切規模必須完全無缺乃可振起軍人之精神鼓舞斯民之壯氣萬不可沿向來腐敗之軍政因陋就簡苟且敷衍徒貽各國笑柄因此則未徵兵之前有兩事必宜先辦者曰營房曰軍器被具以便整齊訓練旣徵兵以後亦有兩事宜急辦者曰奏定新軍官權職分曰發足兵丁十二關口糧以示優異前兩事爲兵備處之專責早經稟請籌擬興辦現復與職道紹楨隨事會商趕緊經理仍隨時詳請憲示遵照其後兩事應請憲臺核明分別

奏定施行是否有當伏候憲臺察核批示祇遵再此次開辦徵兵章程因有關繫通省區域故於蘇垣江北一併籌議及之究竟目前能否施行或姑懸一說以待將來應候憲臺咨商江蘇撫憲江北提督軍門分別定奪職道等不敢擅便合併聲明

南洋督練公所詳定徵募章程

一兵丁捍衛 國家保護四民責任極爲重大前程亦未可限量斷不可以游惰之人濫等充數此次徵募係照練兵處奏定章程並參仿各國徵兵章程及漢代調兵唐代府兵規制由徵兵官會同各該地方官商令各該紳董莊長等剴切勸導酌量公舉鄉民數十人必須確係土著均有家屬方准舉充惟須由該紳董莊長出具切結翰或濫保濫勇游民查出重究 一應募之兵須由各該紳董莊長或鄰族人等率領向徵兵分局報名由徵兵委員按格點驗收取註冊編伍并匯抄一冊移交地方官存案 一徵兵之時各守令先期出示曉諭附列募章定期報名必須嚴禁吏胥及莊長地保等藉端需索違者重懲 一應募之兵點驗合格後由徵兵委員會同地方官暫行擇地留往每名每日發給小扣糧一角募齊開差時發給一角五分 一兵丁到營頭目每月餉銀五兩徵兵四兩二錢並按十二兩發給閏月照加以示優異應募之後即各給其家屬執據一紙蓋用兵備處關防入伍三月後頭

自每月扣銀一兩五錢徵兵扣銀二兩由餉局按六箇月一次派員會同原籍地方官牌示定期飭各該家屬持據親身赴領該委員即當面發給並於該執據註明何年何次領訖字樣倘將此執據遺失必於發餉前一二日由莊長人等向地方官及發餉委員報明緣由如查明實係遺失再行補發餉銀並補給執據以免誤領如承發委員有尅短少情弊准由該家屬函致各兵在營呈訴定當盡法究治 一該兵丁宣力行間以身衛國必無內顧之憂方可專心習練其家屬人等原籍地方官自應妥爲愛護毋任土瘠瘠棍肆意欺凌倘該家屬遇有涉訟案件准其援照紳衿一律遣抱以示優異革退長假者仍以平民論 一自成營之日起核算已滿三年者發給憑照資送回籍退爲續備兵每月給與餉銀一兩由駐弁會同地方官按月發餉一次平時仍聽自謀生業每年十月由該軍統將派員督率操練先期由該駐弁調集各兵帶往聽候會操期以一月爲度調操之月各兵發給全餉如常備兵之數頭目照加如地方有緝捕彈壓要事准令會同該駐弁酌量調用予以津貼事竣即遣不得常留如遠遊或病故必須於八月內稟明該駐弁及該地方官確實查驗捏報者嚴懲如有征戰無論在籍在外均按冊徵調規避者立置軍法 一續備軍回籍三年改給憑照列爲後備軍月餉照續備減半發給其發給及聽自謀生計與續備同列後備之第

二年第四年均須會操其章程與續備同第一年第三年則免調操四年期滿退作平民停止月餉不與徵調仍改給執照嗣後遇有戰事其年在四十五歲以內願應募者准持照報營錄用其當兵始終勤奮結實可用者分別攷驗拔升千把外委官職備流駐紮各州縣員弁管轄續備後備之任次則酌賞獎札功牌一當常備兵三年果有才能出衆具有官長之資格者由統領擇尤留充排長司務長其始終勤奮從公毫無過犯者退伍時由統領發給善行證書並酌給五七品功牌仍知照該兵原籍地方官飭令該鄉地保紳士鼓吹迎賀如有土豪痞棍欺凌地方官妥爲愛護以示朝廷優待軍士之至意如以後該兵丁不自愛惜在地方藉端滋事隨將善行證書追還照法重懲一徵募之兵招徠非易訓練既次技術日嫻一旦中道脫逃則枉耗日力虛糜餉精至爲可惜遇征戰時尤足債事故不得不嚴緝捕之責凡逃兵除由該營認真查拏外應由兵備處行知該原籍地方官督飭各莊長地保暨家屬人等嚴密查拏如已逃回原籍該莊長地保等隱匿不報查明一體懲責如未逃回原籍由該莊長等出具切結俟回籍後再行交出倘該地方查緝不力即照軍政緝拿逃兵則例參處例以接到軍營咨文之日起勒限一年緝拏限滿不獲即按咨到之先後名數之多寡分案咨參其潛逃之兵應查明拐帶軍裝與否一經拏獲即分別臬首示衆或

終身罰作苦工軍律具在凡應募之兵慎勿以身嘗試也

南洋徵兵局章程

第一章 宗旨 一本局爲南洋徵兵之機關凡關於徵兵一切事宜歸其執掌 第二章
辦法(甲總局之辦法)一總局當每年徵兵之時稟請督憲開局一次俟徵兵完畢後即
隨時稟請裁撤二各標每年需徵新兵若干申報兵備處俟至每年徵兵日期由兵備處
將科彙送總局由總局按各標所需人員之數派員分赴各該標管區內徵選三徵得新兵
由各局派人送到總局當時總局即派員會同各標標統點驗完畢後即隨時入營交各該
標標統管理(乙分局之辦法)一由徵兵官會商地方官借該處合宜公所待院爲徵兵分
局以能容一隊以上人員爲合宜二每年以徵兵官抵該處之日爲分局開辦之日以徵兵
官辦理徵兵事畢回省之日爲分局裁撤之日三徵兵官既抵徵兵地方即定開徵日期屆
時自徵兵官以下人等依其遠近逐次赴各支局分行各考驗所徵選徵兵官二員以一員
駐分局隨帶徵兵員一員司書生一員以便與總局通聲氣與地方官商辦一切其一員巡
視各支局各考驗所稽察徵兵一切事宜四徵得人數至一隊以上即隨時派徵兵員一次
弁目若干人帶赴總局(丙支局之辦法)一與分局之辦法第一條同以能容一隊以上人

員爲合格二與分局之辦法第二條同三徵兵員既抵支局即隨時分赴各考驗所徵選支局祇留徵兵員一員司書生一員弁目一員以便與分局通聲氣與地方官商辦一切四徵得人數至一排以上即隨時由徵兵員弁目帶赴分局二考驗所之辦法一與分局支局之辦法同二與分局支局之辦法同三考驗所徵兵員一員軍醫長一員司書生二員弁目二員每日至報名時隨報隨驗立定去留四徵得人數至一棚以上即隨時派弁目帶赴支局

第三章 職員 一總辦二員以督練公所兵備參謀兩處總辦兼充二提調一員以督練公所兵備處提調兼充三執事官二員以第一二標執事官兼充四經理官二員由兵備處委員內酌派兼理附司書生四員挑各營司書生兼充五徵兵官以本籍陸軍學生現有差使者兼充每標管區派徵兵官二員如本籍陸軍學生不敷每標管區徵兵官二員中本籍外籍各一員六徵兵員以本籍陸軍學生現有差使者兼充每標管區派徵兵員六員七軍醫每標管區派二員八弁目每標管區派十員挑各營本籍正副目兼充九司書生每標管區派十員挑各營司書生兼充十護兵每徵兵官准自帶兩名

第四章 經費 一總辦提調不支薪水二執事經理四員不支薪水三徵兵官不支薪水川資旅費每日約銀一兩四錢四徵兵員不支薪水川資旅費每日約銀八錢五軍醫不支薪水川資旅費每日

約銀八錢六司書生不支薪水川資旅費每日約銀六錢七弁目不支薪水川資旅費每日約銀二錢八護兵不支薪水川資旅費每日約銀二錢九既徵之兵每日所需小口糧開差時所需川資口糧等斷難豫計俟派員分赴各標管區徵兵時由總辦酌量詳請開辦徵兵經費茲不列入

第一章 徵兵區 第一條以本省八府三州一廳為一軍管區 第二條江甯鎮江常州揚州為第一鎮管區 江甯鎮江常州揚州海州淮安通州海門為第二鎮管區 第三條每鎮以步兵標數分徵兵區約一府即為一標之徵兵區 第四條每鎮馬廠工輜各科兵卒由每鎮步兵四標管區內揀選 第二章 徵兵局 江甯鎮江常州揚州海州淮安通州海門各設一徵兵分局 第五條設徵兵總局於江甯省城內直隸於督練公所 第六條每一標之徵兵區設一徵兵分局第一鎮設分局四所除甯府附設總局內餘鎮常揚各設分局一所第二鎮徐淮海通各設分局一所 第七條府內之各州縣及直隸州廳等各設徵兵支局一所 第八條各州縣及直隸州廳等內區為四鄉鄉各設檢驗所 第三章 徵兵法 第九條徵兵之主義(甲)現當徵兵之初武風未開實寓徵於募不尙強迫(乙)此次徵法重在招集本地土著為將來實行徵兵之準備故不願當兵者均聽其便 第十條徵兵之辦法(甲)徵兵官及檢驗員皆由總局

定期派赴各區徵募^{另有}(乙)各地方官有輔助徵兵官之義務但不得預聞徵兵事宜以杜差役招搖詭詐等弊此事應由督憲通飭各屬照章遵辦如招集紳董莊長出示曉諭及照料一切等事各該地方官不得辭其責(丙)各鄉紳董莊長於未招之前有勸導本鄉人民當兵之責招募之時是否土著各該紳董莊長久居茲土知之最悉當盡情知照徵兵官毋得隱諱(丁)徵兵格式^{另有}第十一條徵兵之次序(甲)定期前三月請督憲通飭各屬各該地方官即當布置一切以免臨時迫促至于贖資(乙)總局於定期前半月派徵兵官分赴各區當會同該處地方官傳集各鄉紳董莊長詳詢各鄉風俗人情以定臨時徵兵之處置(丙)臨時徵兵一切處置定後除出示曉諭外並令各鄉紳董傳知該鄉人民知悉(丁)至報名之期徵兵官率同檢驗員同時檢驗合格者留即給火食(戊)現當創辦之初徵兵時限不能預定俟人數徵齊後即由徵兵官率赴該標駐紮地方再由總局派員協同該標標統點驗完畢後該徵兵官方得卸其責任 第四章 徵兵人員之賞罰 第十二條賞之區別(甲)地方官於徵兵時照料一切均臻妥洽遇有逃亡之兵捕拿得力分別記功記錄(乙)各紳董莊長於徵兵時能將粗通文字身家清白之良民勸諭多人當兵分別賞給頂戴匾額(丙)各徵兵官所徵之兵均能合格一切布置皆臻妥洽分別獎勵 第十

三條罰之區別(甲)各地方官於徵兵時縱任吏胥地保等藉端勒索攤派及緝逃期滿不獲分別參革罰俸(乙)各紳董莊長於徵兵時造謠惑眾阻止良民爲兵及濫保游民潰勇充數者分別懲辦(丙)各徵兵官所做之兵多不合格者及有騷擾地方等情弊一經查明卽予嚴懲不貸

新定北洋陸軍軍械軍餉章程 共計七條

正軍械官暨管理軍械人員職守章程計十二條 一正軍械官有考查籌備全鎮戰具軍火之責 一有督理全鎮司械人員之任務 一有兼理修械之責任 一步協軍裝簿由參軍官管理由執事官經理收發 一步隊各標軍裝簿由副軍需官管理由執事官經理收發 一步工輜各營軍裝簿由軍需長經理由督隊官管理收發 一礮標軍裝簿由副軍械官管理由執事官經理收發 一礮隊各營軍裝簿由軍械長管理由督隊官經理收發 一凡兼理軍械人員其職務權限與專管軍械人員同 一步馬礮工輜各營軍械均有專員管理收發帳簿而呈報軍械單件仍歸書記長繕寫 一礮標營既設有副軍械官及軍械長其帳目單件卽爲該員專責惟上呈文件歸書記官 一步馬礮工輜等營請領軍械均由管帶官出銜依次呈統制核領 各軍械官長辦事章程計十條 一步馬礮

王輜凡兼理軍械及專管軍械人員每月將銷耗彈藥造表依次呈報此表應按三箇月由統制咨吳備處一次、一凡赴局領運軍械件數較少及散碎者由正軍械官處派人領到轉發、一領運槍礮子彈領數積多責成較重者點收時一人難以週顧應由步協礮標王輜營酌派管軍械人員隨正軍械官同赴運所幫理點收、一同赴械局將應領之項點收清楚隨即分定數目交各協標營所派人員領運回防轉發各營以免多費週折、一協標分發各營後各協標營即迅速依次遞具印領查核雖極忙不得過三日外、一領發軍械均宜當面逐細查明有原舊殘損者准記清註冊過時即不得隨意爭換或領時有折損者照章定罰、一全鎮應用之軍械雜械如查有短缺之件隨即開單稟明統制核領、一礮標副軍械官步標副軍需官如查驗本標應用軍械雜械有短失之件應添與否當即報知本標統帶並分報正軍械官以備查核、一步馬王輜各營各查本營應用軍械雜械有短失之件應添與否應由軍需長報知本營管帶並分報副軍需官轉報正軍需官以備考核、一凡鎮協標營經理軍械軍裝之員無論何人但有確知利弊關乎公益者不拘何時皆可逕赴正官處條陳所見即由正官將副官及各長延齊公同商質妥定辦法如事屬可行仍由正官稟陳統制核奪設正官差出尙需多日事不及待者即由副官暫攝商稟之任務

經理修械章程計七條 一 步隊各營損壞槍件由營隨時呈報由標開單逕送修械司
修畢即由管修械之員將原單送交正軍械官註冊 一 礮隊損壞礮件由副軍械官開單
逕送修械司餘照步隊辦理 一 工輜由該營開單逕送修械司餘照步隊辦理 一 損壞
槍件由軍械官查明修畢清單按季呈報統制照章擬罰 一 各項軍械罰款交由正軍需
官存儲以備購料修械之用 一 驗槍礮時如有損壞應預告知往查之員 一 驗槍礮時
有漏報重傷及重修者每一件將隊官罰薪一日 經理檢查章程計三條 一 每星期除
各隊官長照章查驗軍裝外其軍械長軍需長亦應隨同抽查或一兩隊或一兩棚 附每
隊兵丁軍行站立左手托槍右手持槍機依次查驗由兵丁自報名與碼號 一 每兩月礮
隊由副軍械官步馬由副軍需官工輜兩營由軍需長照章將各營軍裝點驗二次依次轉
報備考 附早晨到軍械房即就各裝械原存放之處點查數目并抽查各背包皮件等類
有無損傷存儲是否合宜 一 正軍械官按正七兩箇月初旬帶同經理修械司人員照章
將槍礮各件詳細查驗一次稟明統制有無應修應添之件 附飭兵丁先將槍機搬開用
新布包放桌上每棚作一排按軍械冊查驗 一 正軍需官職守章程計十四條 一 正軍需
官管理全鎮軍需官長並考查各該員之賢否以及經理衣履糧餉等事 一 正軍需官有

經理領發銀錢之責各營如有應領銀錢款項須由該營具單呈報統制批准後始能領發

一 凡軍需各件如有與革應隨時傳集副軍需官長詳細議定稟請統制裁奪設遇行軍應需各物宜隨時會議擬定稟請分別辦理 一 糧秣爲軍中之要需如訂購時必須考查物價相宜運道捷便者採辦以濟軍食 一 裝服關係全鎮之軍容其服色樣式應遵定章仿造以歸一律 一 車驢馬匹應需麩料草宜按營分別驢馬多寡劃定界限派員分往購辦以免擡價如遇行軍時可與地方官協商購辦以期公平 一 全鎮各營如有開拔行軍之時除餉糧應由糧餉局籌運外其所需喂養麩料柴草等件宜由正副軍需官先期派員前往屯紮處所購辦以濟應用 一 鎮協標營領用衣履帳房等件宜由正軍需官按每年正七月兩次彙總造冊呈報兵備處存查 一 全鎮各營驢馬如有倒斃變價隨時軍報統制由正軍需官註冊按正七月造報兩次呈報統制批飭分別功過 一 每月望前將放餉人員開呈統制咨局請領批單 一 每月關餉後限於初十前由正副軍需官分別繕造詳細餉摺呈報兵備處存查 一 每月放餉畢除將填註批單繳還餉局外其各營放餉冊均交正軍需官彙存備查 一 平時每月領發糧餉正副軍需官長另訂專條分別辦理如遇行軍時再行隨時集議稟請統制酌辦 一 軍需官如遇因公出差應以副軍需官兼代副

軍需官出差以軍需長兼代以免貽誤 副軍需官職守章程計五條 一 副軍需官應聽正軍需官指揮差遣 一 副軍需官有專司本標糧餉軍械帳目之責 一 稽查各營軍需長每月包餉有無錯誤短少兼有稽查軍械裝服車輛馬匹之任務 一 幫同正軍需官採辦軍中應用各項餉需要知其何處出產何處價廉如何轉運便捷稟明長官候示前往採辦 一 各營領繳軍裝雜件應飭各軍需長隨時單報副軍需官以憑核轉 一 正副軍需官及各營軍需長領餉章程計十條 一 軍需官長不准與各官長兼理帳目 一 鎮協標營餉銀專歸正軍需官副軍需官與各營軍需長擔任經理 一 具領薪餉各款均歸各帶兵官查考後始行蓋印 一 鎮署薪餉及兩協薪餉均歸正軍需官向餉局請領由統制及兩協統領蓋印 一 各標薪餉歸各標副軍需官向餉局請領由各標統領蓋印 一 步馬礮工輜各營薪餉柴價均歸各該營軍需長向餉局請領由各營管帶蓋印 一 步馬礮驛馬乾銀歸各副軍需官向餉局請領工輜驛馬乾銀由該營軍需長向餉局請領 一 每營每月造餉冊兩分餉摺兩扣一送餉局領餉一備餉局開放放畢送正軍需官處備查 一 各項餉乾銀兩如有短少假色均惟各該經手軍需官長是問 一 保護運送糧餉均由帶兵官派兵由各該軍需官長押送輸在途因看守不嚴失事軍需官長與帶兵官分任其責

軍需長職守章程計十二條 一軍需長自立傳單簿一本凡有關於軍裝槍枝器械糧餉等件上發傳諭應由書記長抄過移知另行登記 一領全營軍裝器械衣履各項數目登記清楚按季造冊呈報副軍需官查核轉報 一全營每月應需軍米若干宜預先核定數目以便赴局具領 一軍米到營會同各司務長查驗包數碼號是否與原數相符然後酌量分發四隊妥為收存並宜時常查看所存之米受潮溼與否以重衛生 一料理全營應用四季衣履必須按期請領到隨發務要目兵需用得時 一每月領餉必須預先核算清楚以便按期請領不至有數目舛錯之誤 一軍需長平時戰時職務均宜熟練但恐驚博不精宜同副軍需官擇時會議集思廣益或親歷軍隊稔知情態道路夷險逐漸研求考校駐軍行軍戰鬪時輸運應用各法庶臨時方無錯失 一凡遇有領解軍裝餉項各事必須添派弁兵人等護衛以防不虞其護衛人等均歸軍需長約束如有不遵者指請罰辦 一每星期各隊官檢槍後所有損壞機件呈報在案者隨時按單查明並分別是否因公損壞照章轉報 一每月關餉後須向四隊查閱日兵所得之餉並米菜帳目如有不敷呈請管帶辦理 一全營軍裝子藥庫務須妥貼存儲其看守如有不妥之處呈請管帶更正軍需長不得自主 一全營應用各項器具隨時檢點有無損失更何項宜增宜減呈請管帶

核辦軍需長不得專主

各省軍事紀要

直隸 北洋秋後大操行軍已由練兵處議定以九月二十四日爲合操正期各鎮於九月十五日視地之遠近先後一律開拔前赴陣地復經練兵處議以操演行軍無異交戰而交戰勝負必視布置之優劣進退之得失至切實勝利則全視乎士卒之傷亡及軍械之損失以裁判之然操演行軍既不能毀滅村林橋壘又不能真放槍砲則勝負之數從何解決必仿照東西洋行軍之法預備三種特別之旗幟以爲優劣勝敗之標準 一須備有假設旗假設者假無以爲有假有以爲無也譬如某地應設砲臺幾座某地應埋地雷幾處即插假設旗於其地而敵軍即應視爲砲臺地雷不得復由他徑過 二須備有毀滅旗毀滅者毀去而滅其跡也譬如某處有廟宇一座或村莊樹林可以遮蔽甲軍則乙軍宜將是處之村莊樹林毀滅之倘甲軍不先派兵保護則乙軍即可先懸毀滅旗於該處甲軍即不得復恃以遮蔽砲火依爲形勢其他如某處有橋梁某處有溝壘便於甲軍而不便於乙軍則乙軍亦可設法毀滅即懸此旗於其上甲軍至時雖有橋梁溝壘與無橋梁溝壘等其餘可以類推 三須備有損傷旗如某軍布置未能合格按戰法必傷損若干由審判員公議判定即插損傷旗於該軍戰地又或孤軍前進未能如志而四面受敵或退無節度爲敵所乘而截斷歸路勢必全軍顛覆則亦懸損傷旗以裁決之以上三旗如假設毀滅兩旗則由兩軍元帥主持而損傷旗則編軍之於總監部總監部專爲評斷兩軍之優劣而設該部長官一員以練兵處大臣充之所屬有一二三等審判員再次則有審員某軍勝某軍負均由審判員按照戰事公同裁判再呈請總監部長核准然後發出損傷旗並判定數目懸於某軍之前作爲勝負之比例

山東 魯撫楊道帥前派武備學堂卒業生三十餘名赴青島考察操法並與總兵會操近已回省聞學生操法頗爲
人所稱許云

山西 六月中旬駐紮茅津渡隰縣防軍營官萬哨弁某因訪拿哥老會匪先自投身入會偵探匪情嗣即密捕多人
要殺死匪遂銜之即時刺棄將其支解其眷口亦遇害並掠奪軍火馳赴絳縣署切獄放犯縣令丁某身帶刀傷由署
後逸去始免於難匪乘途南渡黃河竄往陝州硤石一帶豫省爲之戒嚴

江蘇 通州如皋一帶鹽梟蠢動江督周玉帥聞報後特電調駐鎮步兵第四標第一營之先鋒隊二百餘人由隊官
長發等率往防剿

安徽 皖北卓勝親軍水師營爲防守洪澤湖口而設近爲皖撫陳果帥查得該營積弊甚深虛糜軍餉特飭全行裁撤
另撥淮河長字水師營戰船若干艘填駐五河等處以資防守

江西 常備軍缺額尙多經督練公所遵照練兵處奏定章程除由續備軍挑補外通飭各屬每一州縣招募土著兵五
十名送省補入常備額備兩軍照章操練並先委員分赴各屬會同地方官認真挑選必求合格 三點會匪目何仙姑
劉青山等自閩至贛勾結土匪到處行劫經駐紮定南廳營弁張某帶兵數十名查拿匪衆兵少被殺兵丁十二名張弁
亦爲所害迫職鎮聞信發兵往救匪已四散近會同閩粵二省合兵剿辦云 匪首顏友盛僞號九千歲者在景德鎮密
售富有票萬十八渡朱某家約已離年後因病劇移寓多蔭寺匪徒不時省視形跡頗露顏知不免於法於六月二十二
日反刺仰藥死匪徒擬殮以非分服飾爲補偵知稟報各署當夜緝拿無跡次晨復往見數人環屍羅拜盡拘到縣並搜
獲包裹黃蓋名摺經李大令驗訖即火其寺併拘寺僧訊究云

軍 事

三六六三

乙巳

浙江 嘉防水師營帶張參戎在烏程縣屬南潯鎮附近之立直湖樓等處與梟匪丁志鴻接仗陣亡槍長七名營勇受傷者十一名匪徒十餘人一無受傷惟被官兵擒獲一名

四川 巴塘之亂大臣被戕其起事之原或謂由於收回三藏或謂由於禁衛寺阻開金礦生因釀成或謂由於開辦邊務以致激變或謂由於英兵入藏激發親中國故欲叛而自立甚至疑有外人從中鼓動者今見巴塘番衆呈打備隨同知劉司馬公稟情詞哀迫雖多誣蔑風大臣之言然由此可知番衆起事之原實由頑固不化之故原其係屬番字所譯漢文亦頗詰屈整牙茲僅撮其要義如下稟首格式甚爲恭順與從前無異稟中先叙吳統領至巴塘貼土憲告示保奉 旨開辦邊務衆百姓不敢阻撓業已開辦數百款及至甲辰十一月十八日風大人帶兵到巴即諭令習洋操學

洋語行洋禮又私查漢夷百姓男女丁口名册欲將巴塘漢夷百姓僧俗盡歸洋人管轄按此皆不知練兵稟中又多仇敵

之言謂該處自上年設有法國教堂三處冒犯神靈汚辱天地以致災異迭降疾病叢生天時荒旱收成歉薄民不聊生

又謂民不聊生之時忽來兵勇多人吳統領又招聚外來土工甚多以致糧食騰貴官府抑勒收買百姓無糧可食又自

風大臣到巴數月百姓支應湯役牛羊鷄子柴草豆料等項業已費銀二千餘兩無從告苦又謂衆百姓在巴早聽教佛

遵奉黃教有丁林喇嘛寺一座內有喇嘛一千五百餘名均係隨經念佛皈依佛門該寺經本朝列聖以來無不恭祝

大皇上萬福萬壽以報食毛踐土 天恩毫不犯事乃風大人不重佛數信言每寺只許住喇嘛三百名其餘一千二百

名即當還俗如不遵從即行誅戮衆百姓恐地方不安公稟再三求免風大人反以惡言斥責又誣百姓爲盜寺僧爲賊

戶主謀私自申發文書調兵運械並有勇丁在街揚言大兵一到先打寺院後滅百姓等語各村百姓來巴公議意欲集

衆哀求並不作亂但稟議之時忽見吳統領親帶兵丁手執刀鎗欲行殘殺故經街坊百姓阻擋距於二月二十一日吳

統領帶兵攻打丁林喇嘛寺寶鼎庵館圍牆盡被鎗破打壞並打死進士喇嘛十餘名稟中又謂衆百姓生成夷性若犬羊無法可施祇得爲 清朝大皇帝除去國內之禍患地方之貪官故不揣有罪一時錯亂已將漢官兩員及洋人一併誅戮稟末則謂官府若差兵剿辦衆百姓業已發誓立盟定將東至裏塘西至南墩十餘站差事公文摺報一律停辦甘願聽候將地方人民盡行誅戮雞犬不留如蒙仁恩寬恕則衆百姓自甘認罪照例辦差自後仍當敬遵 大皇帝天恩不敢以下犯上爲此懇請轉稟各大憲云云 六月二十二日趙觀察爾豐錢觀察錫寶統率各軍與巴塘番力戰於二郎灘大勝之 打箭爐夷匪前因阻撓泰凝金礦經馬介堂軍門剿辦誅厥渠魁其餘僧衆近均設誓投誠取其永不滋事結了事 屏山縣屬商州地方毗連滇境其地有龍洞山勢甚陡峻現有拳匪數百人堅旗於上經宜賓縣耿大令率勇迎剿山險仰攻不利亡勇數人斃匪十餘人遂將山徑堵截設圍以困之云

廣西 投誠匪目覃老巴勾引外匪數十人行劫苦練村財物並斃斃四命後卽由署柳州府王太守瑞統率武匡柳防兩軍由大橋進紮方塘村派孔管帶填紮穿山一面飛飭周管帶許管帶兩營隊由四都堵截又加派姜管帶督勇並調集團練三百人搜山至古芒村背高山見山內茅棚有牛米等物知匪匿於此山卽燬其茅棚登山查緝匪忽於山頂放鎗彈如雨至因地勢險窄官軍仰攻不利前隊攀崖直上致傷什長章光廷兵練陣亡四名受傷五名暫退嗣由姜管帶添調隊伍分路夾擊匪已無跡追獲女匪一口訊得匪首係軍明照覃天生陸老轉覃七覃八等男匪女匪約共百四十人等語王太守卽移駐穿山嚴飭姜管帶仍由古芒追尋周管帶由布村孔管帶許管帶由弓村同時兜剿以期聚殲 榮軍統領陸榮廷查悉寶坪有匪一股竄據大小羅峒卽飭右營管帶凌雲志帶隊進剿越日攻大羅龍桑羅匪衆先扼險要什長郭懷忠陣亡勇丁傷二名會用開花炮連擊斃匪六十名搶登山頂燬賊巢跟追至小羅峒匪復拚命拒圍

軍 事

三百六十五

乙巳

又陣亡勇丁一名傷二名凌管帶督戰不懈陣斃悍目五人餘匪甚多匪始奔潰以上揚州

著匪首黃和順近率悍黨數百人由舊窠入思恩屬武緣境內與王周餘黨及王五肥之妻合股兇饒頗熾自鎗斃高井寨河巡檢程憲章後該處一帶蹂躪不堪現省憲已飛檄萬防綏遠軍蔡統領會同銜字照字各軍迅速兜剿務使殲除又通行電諭石江各屬如有將黃和順生擒解交者賞給花紅銀一萬金如有陣斃黃和順者驗明屍身亦賞花紅銀八千金云以上鳳凰

散匪梁竹溪陳汝定等竄匿石屋巖內為武宜縣彭大令偵知即派親兵會同提字營呂管帶乘夜往捕天明行抵該處匪即放槍拒捕且山峯陡立官兵不能直上相持一日被匪槍傷四人匪亦斃數人嗣各匪槍彈將盡兵勇始由山麓攀援而上生擒匪首梁竹溪陳汝定二名解至溇州訊明正法以上溇州

著匪黃老師等自攻劫那造村殺害團紳林姓後即經署左江道吳觀察奉桂撫電飭將譚管帶炳榮夏管帶文炳裴管帶廣德及宣化縣李令武緣縣馮令一併摘頂勒限務將匪犯全數捕獲嗣該管帶等及李令廣購線工親率兵勇於宣化各關圩窮搜趕緝復經夏管帶文炳探知黃等潛匿那安村督營往捕獲第一匪生擒一匪餘匪逃竄各勇隊晝夜窮追匪竟踞險拒捕致傷勇丁兩名登時陣亡將弁督戰奮擊將黃老師陸雄擊斃尚有兩匪受創跌落深潭溺死團總李守信帶練助剿奮不顧身中槍陣亡并傷練勇一人餘匪仍被逃脫又經譚管帶炳榮督營在關圩附近各山搜捕遇黃和順之先鋒陳明卓等彼此開槍交鋒傷以勇丁一名陣斃悍匪三名即將陳明卓拿獲宣化縣李令亦捕獲黃和順之心腹悍目周四督兵擊斃黃和順之先鋒隊長李亞士又擒獲黃和順之妻子兩名其餘在逃各匪仍勒限嚴緝務期全獲云以上兩營

龍州鎮邊等州縣漏網各匪多逃至越南邊界伏匿既掠越南夷村仍伺隙時回鎮邊龍州劫掠近匪首黃有祿經駐防平孟之榮字前營黃統帶生擒入尚未獲黃就擒後其弟黃有善仍擁衆踞越南境內恣爲邊患云 以上太平

雲南 巴夷羅進寨 郭宗 札保錄印等密約滇省維西土弁和文囑勾結僧蠻一同起事該弁事露擬逃赴巴塘經李別駕祖祐誘拿正法並將其弟喇道老三拘禁會審復經李太守盛卿獲蠻匪老和 別怒 國鈕 阿曼四名該處人心稍定

日俄戰事紀要

中立彙誌

中國 馬賊首領金壽山渠魁也日人恐其降俄爲患特招之來令其招募四方凶命及大股馬賊許爲降隊統帶追緝練成軍日人已攻陷營口無所用之薄給口糧聊爲敷衍若輩無食仍事搶劫日人即藉口追散之旋復令往鐵嶺一帶稽查俄謀許以有功錄用忽爲人告密稱其暗縱俄謀得路恐將不利於日軍等情日人即立行拘至殺之以絕後患云

俄病院船考司拖羅馬裝載傷病兵士及紅十字會人員已於五月下旬由上海起程回國 奉天康平縣知縣殷鴻壽巡警總巡穆克圖善均被日人拘至法庫門分禁關帝廟東西兩廂內時用毒刑拷訊至七月初旬即將穆總巡殺斃外務部特電咨奉天趙將軍將此事始末及穆總巡平日人品事蹟詳細查覆以憑核辦 開原縣遞送公文差役韓福日人以其洩漏軍情將其活埋斃命 日軍至遼南之始即將海城縣王令遼陽州陳牧監禁而筆楚之繼其任者咸備備不敢稍有所犯新任遼陽州沈刺史江蘇人由北洋學堂出身歷保至州牧奉天趙將軍特調來奉頗能據公法行其事權遼陽城中夙有日本軍政署管理一切地方事宜沈收到任先謁日本軍政官直以公法責之謂不應攘奪我國主

權即此城中亦非爾等武員宜居之地請作速移出勿戾邦交云云日官初甚難見其出駐華日使手札諭令請事照
公理施行勿爲沈君所笑等語蓋沈收在京時曾向使館申言公法國際之限制並得其手札允其自行爲政故能理直
氣壯也日官因立命移出郭外且不收華民詞訟並不侵中國一切主權云

谷國 五月初旬英輪伊和那載米四千噸途遇俄巡洋艦梯烈突被擊沈其船員在新嘉坡登岸旋駐俄英使哈丁美
君奉其政府訓條將此事向俄外部大臣藍姆斯道夫提議 丹馬國商輪迫令塞斯末屬由哥卑海給前往上海日本
行至西貢外爲俄巡洋艦梯烈擊沈旋梯烈在荷屬屬地巴特爾微亞被將軍械拆卸 英船法士而加於六月下旬在
紅海內爲俄巡洋艦哥朋扣留 德國輪船米提亞由香港起程欲赴北方尼古拉烏斯甘行至琉球島附近爲日本軍
艦捕獲 德國輪船卡西里前由上海開往配特羅巴夫羅夫斯克在薩哈連東南角之配生斯角附近擱淺爲日本軍
艦捕獲現已將其釋放其中德人四英人二屬威人一華人三十六皆由日人送往函館小樽地方其船主即由陸地前
往尼古來夫斯克云

商務印書館出版
問答圖書

- 中國歷史問答
- 世界歷史問答
- 普通博物問答
- 地文學問答
- 生理學問答
- 富國學問答
- 學校管理法問答

中國歷史問答 商務印書館出版 每本洋五角

世界歷史問答 商務印書館出版 每本洋五角

普通博物問答 商務印書館出版 每本洋三角

地文學問答 地文為天然科學研究地理者不可不知若空中之水分陸界之組成生物之分布皆格致學之要素者是編詞簡意賅允推初學善本每本洋三角

生理學問答 泰西各邦莫不以研究生理為學術之要為衛生之源是編詳論營養衛生入微尤便推而進之實家一編以為強固形體之助每本洋二角五分

富國學問答 富國之學為當今急務是書取一切理財術為問答無不達無不盡人德請教授初學尤宜每本洋五分

學校管理法問答 應舉一切管理學校之法備詳備今各省學堂多起爭端實由管理未盡其道取閱本編當知改良之策學者受益不少每本洋二角

商務印書館出版

理財學課本

每部一册
價洋五角

美國重克著上海翻譯館譯○我國財政固乏非人工物力使然實受財政者不知計學公理故也本書取計學精要之精華條指出最便初學編者願君留意美國多年精於彼國語言文字故能取深奧之理而譯以淺顯之詞誠為初學之階梯也

中國通覽

每部一册
價洋五角

本館譯○各級學校皆有本國法制一門誠以學為民者不可不自知其國也是編即據此意編輯成書凡我國地理官制政體時事風俗民情無不詳載門分類別井井有條讀之於本國之事可明大要

新說教授學

每部一册
價洋一角五分

日本橫山榮次著本館譯○今各省皆設學堂而師範未立猶之航海無備而致溺舟以航海其教育之不能適宜無待言矣師範學堂不易獨立而教授之法蓋人宜知是編首論二教授之目的三教授之材料四教授之作用為教育者果能會通而仿行之亦可收師範功倍之效矣

讀書法

每部一册
價洋一角

日本澤柳政太郎著本館譯○凡十章一讀書法之必要二讀書之歷史及其性質三讀書適宜之時四專心讀書五讀書要術六專精書選擇之標準七寫書法及暗記法八撮要分法及解法九讀書之分量十讀書法雜則名言雜論凡資借模閱之可知開卷之益

商務印書館新編
歷史教科書

中國歷史教科書

是為初等小學第四第
五兩年之用共兩冊每
兩卷每卷四十課每星
期授兩課以一年畢一
冊起自上古訖於今日
專取歷代大事及名人
事蹟之足資觀感者以
充材料簡要不繁文筆
亦雅潔可誦每冊大洋
三角○附歷代沿革圖
一冊即日出書

西洋歷史地圖

(壹冊全)

讀史不可無圖歐美諸國疆域
時有變遷故讀西洋史需圖尤
急本館搜集各種外國讀史地
圖擇其要者繪為是冊共計三
十八圖足敷中學之用鑲版明
晰著色鮮美○洋裝精緻定價
大洋八角

商務印書館出版
地理類教科書

學務大臣
審定
瀛寰全志
中學用

洋裝每部一冊附瀛寰全圖一冊
價洋一元八角

余英學館編輯○輿地之學向矣而足備學堂教科之需者尙未之見本館特聘名宿搜集東西輿地學大家所著地理佳本精心翻譯竭一年之力始成此書以備中等教科之用文筆條暢校對精詳末附中西合璧名表洵屬完全無憾並向日本定製銅版圖畫數百幅插印卷內精緻美麗光彩照人 總理學務大臣審定評語曰真精精審詳略得當可爲是書真評

萬國地理新編
高等小

每部二冊
價洋四角

○凡分六編首全球總論次亞洲次歐洲次非洲次澳洲次美洲凡疆域氣候政教風俗民情物產記載明晰網羅日異文詞雅潔淺顯易解選用地名皆沿舊稱絕無近日譯本新奇駭怪之弊以供小學教授最爲合宜

日本政治地理

每部一冊
價洋七角五分

日本矢津昌永著秀水陶鈺譯○凡分七編一國土二人民三邦制四經濟五交通六生業物產七外交別具組織新義編碼專限於日本然可以爲斯學之指南也

財政

圖法芻議

錄乙巳七月初二等日時報
劉世珩稿

竊謂國家立法以制弊。與人生因疾而求藥。事異而實同。天下無不可制之弊。而亦無不弊之法。天下無不藥之疾。而亦有致疾之藥。故治疾者必先審其所始。揆其所終。逆揣其所變。而後可以言藥。且又必究其藥之君臣輔佐。相其體之虛實寒暖。度其氣之強弱盛衰。而後能盡其藥之能力以治疾。其疾乃易瘳。天下立法制弊之事。亦何莫不然。否則始因疾而求藥。繼且因藥而致疾。求藥愈切。則致疾愈深。天下死於疾者。固不若死於因疾而藥者之多。天下斂於弊者。尤不若斂於立法制弊者之夥也。今中國以圖法未備之故。財政之絀。至於此極。明則耗於賠款洋債商務差負之三大宗。暗則蝕於金漲銀落鎊價虧折之一積弊。益以賠款用金之說起。江河之勢。更乏窮期。於時舉國上下。靡不焦思籌慮於轉旋之功。補救之策。然而築室之謀難乘。萬全之效難期。而美人精琦乃以越俎之代謀。運卮篋之祕計。乘瑕抵隙。貿貿然遽欲爲中國代籌圖法者。以隱攫財權。世珩前閱其中國圖法條議十七條。當將其中奧隱曲折之處。逐條簽揭。成銀價駁議一卷。於是祕譎之陰謀。昭然可睹。願精琦

財政

一百九十九

乙巳

之藥。雖不足以藥中國之疾。而中國國法之弊。則不能不別謀自治之法。蓋因藥而致疾。固屬危機。而諱疾以不藥。亦非良策。不揣樛昧。爰抒芻議五則如左。

一、制三等之幣。以金爲本位。以抵制各國之國法。中國古昔制幣。維金三等。黃金爲上。白金次之。赤金爲下。大小相屬。頗有合於今日東西各國之制也。暨秦而後。國法寔廢。國家制幣。僅銅質通寶一種。上及於金銀。乃用生質。辨色審衡。價值決於臨時。亦若百物之相市。以故國法之盈虛。惟視於銅產之豐歉。三等之用。不能相駁。閉關之世。籌措支持。亦極艱鉅。馴至今日。五洲競市。而其明耗隱蝕者。愈以不支。查西國用金本位之制。英爲首創。故各國商務胥從之。其幣三等。金曰鎊。銀曰先零。銅曰便士。每鎊易先零二十枚。每先零易便士十二枚。悉爲定律。萬物價值。皆以金計。與金論高下。金之漲落。而銀與銅並隨之。今中國以不備之國法。與之相市。彼以制成之幣。我以生質之銀。彼以制幣之枚數。而言我以銀質之重量。而言彼爲機質。我爲純質。是卽以彼金銀易我金銀。量無輕重。價無抑揚。而我之虧耗。數已不少。況彼之銀。先零。隨金價而愈貴。我之生銀。質因金量而價低。一參一差。彼之機質。價逾於我之純質者。不翅倍蓰。此一弊也。我之國法。通用至銀而止。上至於金。則第以爲豪貴藏蓄之資。暨器飾玩好之用。夫既虛金位。而不用。則外溢之勢。自成。外溢則金日少。金少則價

自騰於是金漲而彼之鎊價亦因之而漲鎊漲而一切洋貨之價無不隨之而漲彼以洋貨來而吸我之生金以去金日趨於貴銀日趨於賤抑揚之權皆彼操之此二弊也中國銅鑄通寶制錢一枚以一錢重爲準核以精銅時價每枚所值已覺實過其名今以彼之一金鎊計之其在本國僅易銅便士二百四十枚枚約重二錢七分餘綜計爲銅質約幾何若在中國則以金鎊時價核之每一金鎊足易我生銀七兩九錢有奇每銀一兩又足易通寶制錢千二百枚有奇綜計爲銅質復幾何約以言之每一金鎊竟可贏銅質八百七十餘兩之多傾側至此於是內地奸民別重私銷諸弊因之而劇而銅以是日荒而銀以此日賤此三弊也三弊之原原於圖法未備故無論爲金爲銀爲銅一交易間皆彼優而我絀彼贏而我縮此即不必有賠款洋債商務差負三大宗外溢之勢而涓涓者已有江河莫挽之憂而況此三者皆具奔湍傾瀉之勢也耶竊以爲今中國言理財之法必自整頓圖法始而整頓圖法尤必自制幣三等始願或者曰制幣之說固今所急然定厥幣制亦有所難將從英制乎則於內地民用未協也將仍舊制析爲兩錢分釐乎則恐於交涉商務未協也噫嘻斯說也固未深究乎圖法實際者也圖法之實際必先便於內而後能抵制於外東西各國商務結算莫不從乎英制而考其制幣則法曰佛郎德曰馬克俄曰盧布美與日本曰金元固未嘗強同

於英之金鎊先零便士也。今擬謹遵戶部之議。以庫平一兩一枚者爲銀幣之始。而析爲五錢一枚。以兩枚代一元。以便取攜。其金單數本位。則以價值庫平銀一兩之金質爲之。上而五倍十倍。以至二十倍止。銀幣自五錢以下。則二錢一錢止。銅幣以白銅五分爲始。次則二分一分。以至五釐二釐一釐止。凡是三等大小相維。盈虛相劑。兌易之際。各從其率。支配之數。各當其位。而凡以前生質之用。暨他國滙入之貨。概行停廢。以清源流。於是前者三弊。固可稍弭。而賠款洋債商務一切之虧耗。亦可少止矣。茲特將制幣要務四事。暨三等制幣重量價值成色。列表附次於後。

一一國制幣必歸一局。東西各國靡不皆然。中國各省製造銀元局。紛立歧出。此疆彼界。故所出銀元。不能全國通用。今宜於京師設立一局。專鑄三等制幣。通行各省。其各省向設局所。皆宜停止歸併。

一請先設分析局一所於京師造幣局之旁。聘用精於化學分析者主之。凡鑄出貨幣。由分析局分析。以審金銀銅調劑之成分。列表示衆。

一請先與通商各國議訂金銀匯兌酌中之價。三等之幣。以金單數本位爲主。而此金本位一元。須合價值庫平銀一兩之金質。故金銀之價。此爲最要關鍵。中國現今金銀兌換時價。

約合金二銀三十又五六之比例。而依精琦之議。則金價計值銀三十六換。此時宜藉其說。先與通商各國議定酌中之價。然後即依此價以定金單數本位。根柢既植。枝葉乃茂。自非然者。後弊滋甚。

一須練設全國巡警警察。以防私鑄。圖法既立。以後三等之幣。其地質所值。靡非名過其實者。而銅幣為尤甚。故私鑄之事。不可不慎以防之。密以察之。雖制幣仿效西法。鑄造需用機器。工作既繁。破覺較易。然非有熟練合法之巡警。全國密布。恐此患終不易除也。

附擬中國三等制幣輕重價值成色表

金質 金質 金質 金質 銀質 銀質 銀質 白銅 紫銅 紫銅 紫銅 尋常 尋常	重量	二倍十	金幣	可通貨 層銀貨
	重量	十倍	銀幣	
	重量	五倍	白銅幣	紫銅幣
	重量	金本位	尋常銅幣	
	重量	銀五		
	重量	銀二		
	重量	銀一		
	重量	五分		
	重量	二分		
	重量	一分		
重量	五釐			
重量	二釐			
重量	一釐			

財政

二百三

乙巳

期 十 第 誌 業 方 東

成色	兩二平合十幣重五枚二本值價	釐分錢平重	謝 城
成色	兩銀庫枚二銀錢兌十本值價	毫釐分錢平重	
成色	五平合十銀錢兌五本值價	絲毫釐分錢平重	
成色	兩銀庫枚一平合兩銀錢兌五本值價	絲毫釐分錢平重	
成色	用位金抵一平合兩庫枚	錢平重	
成色	用位金抵一平合五庫枚	錢平重	
成色	用位金抵一平合十庫枚	錢平重	
成色	之本一兩銀庫枚二合十五	強三分錢平重	
成色	之本一兩銀庫枚五合十	強九分錢平重	
成色	用位金抵一平合百庫枚	強二錢平重	
成色	之本一兩銀庫枚二百合	強一錢平重	一 百 四
成色	用位金抵一平合五百	錢平重	
成色	之本一兩銀庫枚一千合	錢平重	

金九分	零三分	和	分一	百	百	銅	分
同上	同上	同上	同上	同上	同上	同上	同上
同上	同上	同上	同上	同上	同上	同上	同上
增	比	落	有	算	價	換	十
減	例	可	漲	如	推	金	二
							和
							零
							分
							百
							分
							八
							同
							上
							上
							上
							白
							銅
							紫
							銅
							同
							上
							上
							上
							尋
							常
							用
							銅
							七
							分
							和
							百
							分
							錫
							分
							七
							分
							和
							鉛
							分
							三
							共
							十
							分

二限期收兌銅質制錢。改鑄一釐二釐銅幣。以便內地之民用。制幣三等。師各國之制以爲制。圖法之基礎。蓋已立矣。然而猶有慮焉。中國內地。民情之習慣。有非東西各國所可強同者。蓋各國工藝繁興。農礦大啓。物值與民力。素爲昂貴。日用所費。日進而上。故自改用金以後。較之先時用銀爲尤便。而中國則制作未盛。墾殖不盡。曠土游民。隨地而有。物產賤。備值廉。民生齋。纖細之用。多於大宗。一旦圖法既定。銅幣最小之數。苟亦效各國之制。以五釐爲止。則內地民用必有未便。且今各省以錢荒市窘之故。紛紛請造銅元。以二錢餘紫銅之工質。而當制錢十文之用。其利之厚爲何如。吾恐自是以後。銅元日興。則制錢之私銷日夥。

銅元愈出愈多。制錢愈銷愈少。而民之習常。不能由賤而驟貴。於是如築垣然。其址日虛。則上者將踏而下圯。今日當十之銅元。異日必有與制錢爭價值於市者。京師當十之大錢。昔爲十而今爲二。已其明證。而況圓法既立以後。仍是不改。將使三等之幣。全以斯勢而下移。則其紛變之情形。尤有不可測度者矣。愚謂中國今日之圓法。以爲抵制各國計。則不可不。改用金以金位立。則生銀之虧耗。可免。而以爲調劑內地民用計。則仍不可不用銅。必銅幣足。而後圓法之基礎。乃完。天下立本者。必齊其末。而疏流者。尤必清其源。今擬於制立圓法之時。先行限期。將舊鑄制錢。概以新幣收兌。凡制錢收兌。審其重量成色。照時銅價付值。而不以枚數論。至限期以後。則將制錢概行停廢。無論官私出入。奇零小數。皆以新幣使用。以清本源。今試以制錢所散布於民者計之。中國人口都四萬萬。人約五百錢。積之。當得制錢二萬萬千。若加以內地富戶之屯積。恐尙不止此數。且卽以二萬萬千論。已共二千萬兩之銅。以六成改鑄二釐之銅幣。以四成改鑄一釐之銅幣。其一釐者。質重一錢。二釐者。質重一錢有餘。就銅改鑄。當可共得一釐二釐銅幣一億萬餘枚。以之敷布全國都市鄉里。爲奇零小數支配之用。當不至錢荒市困。如今日之甚。蓋金銀銅三等之用。各有其位。而不能稍移。如彼此之間。一有所侵占。則盈朒之際。遂生其傾側。中國今日都市商民交易。往往以制錢

千萬而論價。以暨鄉里富戶困蓄。往往積困盈篋。貫朽而不可理。此皆以銅代銀之用。銅占銀位。是以至於銅荒錢貴。如今日之情形也。若收兌改鑄以後。三等之用皆彰。三等之位皆定。小數以銅。銅積之則以銀。銀積之則以金。纖鉅相維。盈虛相劑。故改鑄之銅幣。不必數多於制錢。而其用之足與不足。則迥乎有異也。然使制錢不概行停廢。而徒添鑄一釐二釐之銅幣。則兩者相妨。必有一失。後來之患。愈不可測。留其罅隙。徒以便奸僧之操縱。不足洗銅占銀位之舊習。而圖法全局。且將因是而紛歧矣。

三行使鈔票以代表金圓。三等之幣。各當其位。各効其用。金不外溢。銅不日荒。圖法之效。其可以見乎。雖然。猶有慮。聞之昔者日本之謀改圖法也。先事積現金。興礦業。振農工。其綢繆者。迨及十年。而甫改金位。數祺之間。所鑄金幣。幾盡外溢。竭蹶甚至。嗣乃急籌抵禦之策。始獲少安。甲午以還。漸臻完固。其中艱迴曲折。歷其事者。類能言之。今以金礦未開。物產虛耗。工藝不興。債逋藂多之中國。絕無先事之預備。忽焉改銀銅之舊習。上而用金。以區區勾水蹄涔。與各國江海之量爭呼吸。其有倖乎。是不待卜而後知者矣。夫以今日中國之圖法言之。不改用金。則不能制三等之幣。不制三等之幣。則不能抵制各國。以脫銀價之虧累。而用金則又懼始立之頃。一瀉而無餘。轉輾籌維。何施而可。於是乃知今日中國用金之名。固

萬。萬。不。可。以。不。居。而。用。金。之。實。尤。宜。急。急。謀。所。以。代。表。維。何。則。以。鈔。票。代。金。圓。日。本。行。而。獲。效。之。法。所。亟。宜。做。行。而。利。用。之。者。也。去。歲。薄。游。日。本。於。其。財。政。圖。法。一。切。略。有。調。查。乃。知。日。本。圖。法。自。改。從。金。本。位。後。雖。號。為。用。金。之。國。而。其。官。私。出。入。暨。市。肆。行。用。商。務。貿。易。等。尋。常。小。宗。款。項。仍。用。銀。銅。至。於。大。宗。及。金。一。元。以。上。者。乃。皆。用。國。家。銀。行。之。鈔。票。其。造。幣。局。所。鑄。金。圓。自。一。元。五。元。以。至。十。元。二。十。元。等。實。幣。第。以。之。儲。積。銀。行。國。庫。而。實。未。見。流。行。於。市。廛。蓋。其。鑄。造。金。幣。專。以。為。定。銀。銅。之。價。堅。商。民。之。信。而。設。而。即。以。鈔。票。為。金。圓。之。代。表。也。民。信。相。孚。流。通。極。便。徑。寸。之。薄。楮。實。無。異。燦。燦。之。黃。金。以。是。雖。居。用。金。之。名。而。可。免。金。費。外。溢。之。虞。仍。循。用。銀。與。銅。之。實。而。可。獲。三。等。制。幣。之。利。斯。策。一。舉。數。益。皆。備。而。一。切。之。障。礙。皆。除。矣。今。擬。中。國。於。幣。制。既。立。以。後。仿。日。本。成。法。由。國。家。銀。行。出。行。鈔。票。分。布。民。用。自。是。以。後。即。無。論。官。私。出。入。凡。自。金。一。元。以。上。須。用。金。幣。者。皆。以。鈔。票。代。表。行。用。今。以。中。國。歲。入。官。項。九。千。萬。計。之。如。遵。各。國。實。幣。紙。幣。一。與。三。之。比。例。當。可。出。給。鈔。票。二。萬。萬。餘。元。惟。以。中。國。民。信。未。孚。宜。格。外。謀。踐。實。示。信。之。法。則。以。實。幣。紙。幣。一。與。一。之。比。例。先。行。試。出。鈔。票。金。九。千。萬。餘。元。發。給。各。行。省。行。用。似。此。一。針。一。穴。毫。不。涉。於。虛。浮。施。之。於。民。亮。無。不。通。行。信。用。者。而。凡。鑄。造。各。質。幣。之。鑄。頭。出。息。則。以。之。鑄。為。金。幣。儲。之。國。庫。以。為。偶。一。兌。現。定。銀。銅。之。價。堅。商。民。

之信。用至尋常。兌換則持鈔票。金一元者。可易五錢。實銀幣兩枚。而不能上易金元。以示限制。似此一轉移間。向之歲八九千萬金者。今可增一倍之鉅。以爲轉輸。而三等之幣。依然各當其位。各効其用。無外溢之虞。無傾側之患。是毋論圖法整齊之利。已厚且博。卽一切公私所益。庸有既乎。顧或者曰。鈔票代金。斯計誠得。然吾思中國今日之制定圖法。原爲抵制外人而起。而就中國今日情形論之。吾恐責民行用。其權尙易。而欲謀外人之信。其事誠難。萬一鈔票發行。外人梗阻。則實金外溢之勢。終於難遏。將若何。不知貨幣者爲百物之易中。實幣鈔票。兩者無異。無論爲幣爲票。其用皆祇能流行於主國之內。中國祇須有貨物。可以對待。主權可以負擔。則實幣紙幣。外人亦豈有所擇。且以今日中國生銀之用言之。亦東西各國所絕無相同者。何以流通無阻如是也。斯固不必深慮者也。或又曰。鈔票流通。外人固不必慮。第鈔票之用。其大宗當在商埠都市之區。必商埠都市。先爲流通。而後內地地方無阻。關中國商埠。如上海天津各口岸。久爲各國銀行鈔票所充塞。都市如江甯京師各都會。復有民立錢莊票店。雜出票券。以播用其間。凡此者。其信久孚。其用素習。今一旦國家發行鈔票。竊恐踵彼之後者。未足與彼相角也。假使商埠都市。先有阻格。則內地行用。其足恃乎。將若何。噫嘻。斯說也。是尤未知鈔票之性質者也。夫鈔票者。以信實功用靈便三者爲要素。而

優劣通塞所由判也。今正金匯豐道勝諸行之鈔票。雖號爲日爲英爲俄。而其實皆僑寓中國之東西各商爲之。非真爲英俄日本國家所出者也。則以信實言之。已不若我中國國家之鈔票。有政府主權之負擔矣。且彼之行用。率限於一隅。如上海匯豐銀行鈔票。行諸香港匯豐銀行。便須加貼票水。蓋以各銀行既爲各商自設。則各行所出鈔票。祇能行用於該行所設之地。非其本國國家所出之鈔票。易地皆可通行。故此銀行與彼銀行交易。即有限制。若我國家鈔票。則統十八行省。以內隨處可以流通。綜官私出入之交。隨事皆可兌使。此其功用之廣大。取攜之靈便。又豈各銀行所能並駕齊驅者乎。至若內地民店雜出之票券。則更可勿論矣。故吾謂今者中國鈔票未行。彼淺淺者猶能縱橫翔集於一時一地之頃。若我國家鈔票一行。則無論爲商埠外商之鈔票。與內地民店之票券。細流尺壤。皆必爲我海岳之量所兼容而並包。以情勢論之。蓋斷斷乎然也。惟鈔票一行。廣鼎僞造。在在須防。且國家主權所在。必謀自行印造。萬萬不可託之他人。前上海中國通商銀行之鈔票。倩日本代造。遂有贗鼎。此其殷鑒也。

四設立國家銀行。分布各處。以流通國法。改定幣制。行使鈔票。斟盈劑虛。以彌傾側。國法之利用。已駸駸乎可邁矣。然而猶未也。蓋國家之有國法。亦如人身之有血氣。人身固有血

氣。非。不。足。而。終。於。致。疾。者。失。運。行。血。氣。之。機。國。家。亦。有。圖。法。非。不。備。而。未。見。實。益。者。失。流。通。圖。法。之。路。也。運。行。血。氣。是。在。脈。絡。流。通。圖。法。是。在。銀。行。伏。查。東。西。各。國。財。政。之。制。其。握。全。國。財。政。出。入。之。總。權。者。為。大。藏。省。而。司。全。國。財。政。轉。輸。之。命。脈。者。則。為。國。家。所。立。之。銀。行。其。總。銀。行。設。於。中。央。王。都。為。一。國。圖。法。灌。輸。之。喉。舌。其。外。至。各。行。省。都。邑。以。暨。有。名。商。埠。市。場。靡。不。有。支。行。分。布。即。下。迄。僻。遠。鄉。隅。銀。行。所。未。能。直。至。者。乃。擇。其。地。所。有。殷。實。商。店。受。總。行。之。督。率。命。令。以。代。支。行。之。責。任。而。為。之。淳。滂。焉。吐。納。焉。以。通。其。流。以。承。其。緒。故。凡。國。民。所。集。之。地。即。圖。法。所。通。之。地。而。圖。法。所。通。之。地。又。即。銀。行。所。貫。注。之。地。圖。法。之。於。國。民。也。如。水。之。於。魚。銀。行。之。於。圖。法。也。如。水。之。於。渠。浸。之。潤。之。無。偏。無。枯。沾。之。漑。之。無。墊。無。淤。於。是。圖。法。之。轉。輸。乃。以。不。窮。圖。法。之。源。流。乃。以。日。阜。且。銀。行。既。立。凡。一。國。之。內。無。論。官。私。之。出。入。上。下。之。輸。納。鉅。至。累。萬。徵。及。銖。黍。無。不。道。由。於。銀。行。者。其。定。率。所。示。歷。久。無。毫。髮。之。移。其。時。價。所。播。千。里。如。桴。鼓。之。應。於。國。於。民。交。盡。其。利。而。銀。行。於。中。操。縱。之。利。為。尤。厚。今。擬。中。國。於。制。定。圖。法。之。際。先。於。京。師。戶。部。之。下。設。立。國。家。總。銀。行。一。區。以。掌。中。國。全。國。財。政。出。入。之。總。樞。此。外。如。天。津。膠。州。烟。台。上。海。通。州。溫。州。甯。波。廈。門。香。港。廣。州。瓊。州。諸。海。口。商。埠。鎮。江。蕪。湖。漢。口。九。江。安。慶。襄。樊。宜。昌。沙。市。夔。州。各。長。江。商。埠。以。及。十。八。行。省。所。屬。都。邑。市。場。繁。盛。之。區。次。第。設。立。

國家支銀行。以開國法流通之路。自國家銀行既立。凡各地所有民立錢票莊店等。皆當承其統率。受其監察。無得自異。以干法紀。且自後凡國家每年關稅丁漕一切官項所入。賑賚廉俸。一切官項所出。無論上頒之於民。暨民輸之於上者。皆由隨地支行。與京師總行直接轉輸。而凡地方官吏以及戶部司庫等官。爲向之經手財政者。仍使司財政出入會計之帳冊。於是實幣出入。涓滴皆公。脈絡貫通。一無停滯。所有昔日上下格塞中飽侵漁諸弊端。以暨商民壟斷罔私諸積習。不必頒以文告申之禁令。皆可一廓而清之。此內地各處國家銀行所宜亟立者一也。又查互市之局。日闢日通。西伯利鐵路既成。太平洋航路又達。而近者巴拿馬運河復議開築。於是各國商力有競注重於中國之勢。此後中國與各國商務交易之事。既日盛而無涯。則中國與各國往來匯兌之事。亦日繁而日夥。僑寓中土之洋商。於中國上海天津各商埠。久已設立各國銀行。與本國銀行相通。以發行其鈔票之金。以匯兌其往來之款。而中國於各國緊要之都埠。素有商務往來者。竟絕無一匯兌轉輸之地。於是無論由我輸彼。由彼輸我。皆惟彼所設之銀行是賴。出入之利。爲彼所專。而操縱抑揚。尤不得不俯首以聽其命。所以中國近日付賠款。償洋債。與商務結算等。屢受銀價之虧折者。其原因亦大率由於此也。今擬中國於國家銀行既立以後。亟行分立支行於各國緊要都埠。如

英之倫敦。德之柏林。法之巴黎。美之舊金山紐約。日本之神戶橫濱。以及檀香山檳榔嶼南洋各島等處。以爲抵制。自後凡由中國付款於各國。暨由各國洋商並僑寓華商寄資至中國者。皆可由中國銀行匯兌。不必專倚諸彼。雖中國每歲外溢之款滋多。往來之間。收支必難相抵。而轉輸之柄。彼既不能獨操。則抑揚之間。我亦少可爲力。且我自圓法既定以後。全國之脈絡皆通。彼由各國匯兌至中國。如仍由各國銀行。則僅能及於中國商埠租界之一隅。而我則一紙之票。一入國中。無地不可流通。無事不可行用。是各國洋商之欲擴商力。競商利於中國者。尤必舍彼而趨此也。此中國銀行亟宜分立外國各地者又一也。顧或者曰。銀行之設。流通圖法。固中國至要至急之務矣。然以中國今日情形言之。財政之絀。已至此極。國帑所入。既無所餘。商民之股。又豈易致。前者戶部籌設銀行。迄今尙無成議。今者乃謀一旦之間。總行支店。分地齊立。以此度之。共需母本幾何。以民貧國瘠之中國。其能集事乎。噫嘻。斯說也。是蓋不知國家銀行所立之實義者也。夫銀行既爲國家之銀行。則國家每歲賦稅丁漕所入。爲政府戶庫所儲存者。卽京師總行常住之母財。各省司庫關局所儲存者。卽各地支行循環之母本。而全國一切官私出入。無一不由銀行。亦無一非銀行之交易。各國於全國歲入正雜各款。皆由國家銀行收存。歲出各款。皆由國家銀行支付。一出一入。

刻無滯機。一銖一黍。皆生贏息。以國家之財帑。設國家之銀行。其銀行之所入。卽國庫之所入。其曰銀行之母本若干者。示限制於國帑歲入以內。而非別謀籌集於國帑歲出以外也。其曰商民之附股若干者。均利益以通上下之情。而非求輔益以呼將伯之助也。不然。以國家出入之公財。爲國家營運之公益。而必舍政府戶庫與各省司庫關局所歲入儲存者。以別謀常住循環之母本。是何異百畝之農。舍其稼穡所得。倉囤所積之稻粱。而別謀糶他人之穀以求糶也。嘻亦異矣。

五請昭示大信於天下。以期圖法之通行無阻。並收回應有之利。制幣定鈔票行。銀行立。凡所以整齊利導。流通調劑之策。蓋亦備矣。雖然。竊猶不能無慮焉。夫以中國今日財政之絀。圖法之敝。至於此極。此有心斯世者。所爲蒿目時艱。積心焦慮。於利弊興革之端。而不能自己者。然而流俗所趨。人心寢異。良莠所判。嗜惡遂殊。卽今天下所羣指以爲當興之利。當祛之弊。彰彰然萬無可掩者。乃有窟穴棲息於其中之人。倚之爲衣食。恃之長子孫。視之若生命。人以爲弊。而彼獨以爲利。若一旦改而革之。釐而理之。摧而廓之。則羣以爲利者。又卽彼之所以爲弊。於是舞狐鼠之智。噓蛟蜃之雲。必千計百慮。以圖撓敗其局而後已。此中國歷來興利革弊之事之屢舉而屢無功也。今者圖法旣改。三等之幣。皆實不逮名。凡制幣其地金所值額之

實其免易之價謂之名如現今各會所辦銀元其地金實價僅重二錢餘而兌價則當制鈔票
之行。尤虛而易惑。餘如銀行分立。管全國財政之轉輸。則更易以把持而集怨。苟不先昭信
於吾民。獲吾民心悅誠服之信行。則上下相猜。集疑爲渙。有微風之偶扇。卽洶浪之所騰。利
尙未興。而弊卽隨之而起。是於若人撓沮之陰謀。更與以可乘之機會。其患將愈烈。其變爲
愈難知矣。且夫吾中國民俗素號敦龐。人心夙懷忠愛。旣旣陶唐神明之胄。其所異於各國
者。豈非以有是特質之可嘉。況以國家深仁厚澤。垂數百年。上下之間。久彌以德。緬斯戴
高履厚之倫。血氣尊親。豈宜易爲宵小簧言所奪。是則山澤之間。卽有一二悖逆亡義之小
人。其說亦當不足以動多數守法奉公之庶子。揆諸情理。實所宜然。顧何以邇者各省以籌
捐行政興學召墾之故。愚民之抗抵糾擾。屢見屢聞。雖其始也。莫非誤於顧私蔑公。見利忘
義之一二亂民。而究譴其何以致此之原因。則亂民之說。其所以能動愚民之聽者。其中當
亦別有他故。嗚呼。空穴乃來悲風。蟲生必先木蠹。竊爲平心計之。誠不敢諱前者昭信股票
之失矣。蓋昭信股票之始。民間輸將。甚形踴躍。數月以內。一省集款至數百萬兩。假使信不
終渝。則準此愛戴之羣情。竊以爲今日各國賠款雖鉅。誠不難尅期勸集。如當日法德之償
金。奈何自喪其信。遺疑畏之念於天下也。且股票所頒。各省一律。民間所輸。亦各省一律。而

迄於後利。財內地之民捐。舉無以見信者。惟上海廣東沿海商埠之處。又因稅司洋員經手之故。銖黍皆歸。二事相形。遂益使吾民信仰。國家之誠。轉不若信仰洋員之篤。其機一動。客感遂來。各國因此以得窺中國上下向背之情形。而愈熾其覬覦攫取之狡念。如今者美人精琦條議。竟公然議以洋員爲中國之總司泉。握中國財政之全柄。而不羞唐突。不畏疑忌者。其謀未嘗不肇於此也。是其所失。爲更何如也。然前事不忘。後事之師。中國今不欲興圖法之利則已耳。如欲興之。勢非先祛宵小之浮議。不可而欲祛宵小之浮議。又非先獲吾民之誠信。不可且欲獲吾民之誠信。尤非我國家先自溯前者之失。與堅後者之信。不可如築壙然。先固其基。如治絲然。先振其緒。非然者。竊又恐夫中國興利革弊之事。仍屢舉而屢無功也。請推論之。一請宣示各省庫儲現款。以鞏圖法銀行之本基。伏查 國家每年各省所入公帑。皆歷年滾存。各庫局絕無虛懸預用之時。按各省歲入之常數。即可知各省司庫關局所儲之現帑。如以江甯一省言之。歲入之項。司庫約有百數十萬兩。糧鹽道庫約七八十萬兩。釐捐局約六七十萬兩。籌防支應。以暨各鹽局約二百餘萬兩。共計約五百餘萬兩。新陳相壓。其所入之數。即皆屬現存之數。擬請由 國家明降 諭旨。先將各省每年收入現存實款數目。宣示商民。自後各省流通制幣行用鈔票之成數。與設立銀行之成本。即

按此各省歲入現存之數以爲準。則庶知無絲毫蹈虛之處。卽無銖黍不實之虞。其每省向來歲入現存實若干。今者制幣鈔票行用之數。與銀行成本。又各實若干。卽飭各省官報臚載。庶紳商士民。皆得週知。卽一黍一絲。皆徵確信。較之文告之頒。謄黃之示。影響更捷。此以堅後來之信者一也。一請立國用歲計表。以清圖法之眉目。國家歲費之款。本非在下者所得與聞。亦非在下者所得竊議。然迄今財政困難。度支之繁。徵取之數。其一切浮議。卽往往因是而起。況今者圖法新立。非一一昭示於衆。尤不足以息羣疑。杜浮議。擬請由財政處仿各國之制。將國家每歲費用公帑之數。列爲一表。凡廉俸約需若干。賑資約需若干。以及兵務漕務學務河務約各需若干。一一核算而列載之。並比其出入相懸之數。外而交涉之費。分償之款。亦附著焉。以此示信於下。則財政盈虛之象。旣見。而圖法之眉目亦清。此以堅後來之信者二也。一請將國家官私各款。統由銀行出納。仍以有庫之官。督責稽查帳目出入之數。有庫之官如海關道是凡屬有庫之處。皆設一銀行以代庫筭之責任。以爲圖法之利用。查中國歲征於民之賦稅等。其例輕於各國。而民仍以爲苦。歲頒於民之賑資等。其事時有所聞。而民仍未實沾其惠。大抵皆中飽之弊害之也。至於生金價值之異。衡量之歧。則尤便於官吏之中飽侵漁。奸民之把持抑勒。小民知之而無如何。遂亦安之而徒相訾議。

今宜於圖法制定後。由國家詔示全國。是後無論官私出入。一切皆用新幣。皆由銀行。凡下輸於上者。如賦稅丁漕等。上頒於下者。如廉俸餉需賑資等。在前爲銀一兩者。此後則合制幣若干。在前爲錢一千文者。此後又合制幣若干。皆有定程。絕無絲毫之外費。自是前者火耗平餘。兌費解費暨一切浮費等。所以便官吏中飽侵漁之計者。皆不禁而自絕矣。又凡鈔票金一圓兌銀幣若干。銀幣一枚兌銅幣若干。由金而銀。由銀而銅。兌換之數。皆有定率。隨處隨時。皆可由銀行兌現化用。又絕無市價之參差。自是前者申平耗色。增水加息。以暨出入盈縮價值漲落等。所以便商儉把持抑勒之計者。又不禁而自絕矣。如是以後。其新制圖法之利。有不必責民之行而自行者。其舊有圖法之弊。有不必責民之廢而自廢者。此以漸前者之失者三也。一請於鈔票發兌之始。先收半款。限期三年。然後清兌。以利歸民。并先定金價以收前失。而期圖法之通行。國家制定圖法。以各省現入之數爲準。則發行鈔票之數。尤當按其現入之數若干成以爲準。如以江南一省言。歲入約五百萬兩。則發行鈔票之數。當在三百萬兩左右。若發兌之始。統行兌現。凡票莊商號官局。概不准自行出票。往來出入。皆以國家新制之國幣鈔票爲準。各莊號倒帳自少。官局制票。浮數亦清。然民間鑒於前者昭信股票之失。必有疑畏卻顧之患。潛伏於人人之心。今擬於發行鈔票之始。先收

票款之半。餘待三年然後兌清。凡發票收款。由各處銀行。而領票兌款。由各地著名殷實之商富。而有連環互保可信者。譬如一百金圓之鈔票。商民領兌時。祇須先交五十元。餘五十元限三年後如數清繳。不加子息。商民自必樂從。且交五十元而得一百元。隨地通行之票。商力既裕。則貿易自興。出口之貨。亦自然而增。此收商之利。而仍還之商也。再金價即照精琦定三十二換之價。各國既允通行。即須迅請美國邀請各國簽定。以現時金價規銀四十換較之。已收回八兩之餘。益以洋債賠款商務差負。則其收回為更鉅。此以外人之言。定外人之價。而仍收回自己出款之利也。似此商民於發行鈔票之始。以江南一省言之。可以一百五十萬金之現款。而得三百萬金鈔票之利用。而國家於其始行之際。雖有一百五十萬金之虛懸。然三年以後。則又以三百萬金之紙幣。易三百萬金之實款。其利雖暫歸之於民。而通行以後。國家所獲之利。為尤無盡。且民信既堅。羣利皆集。又即以此所獲之利。轉而以興各省未興之實利。自築鐵路。自開礦業。自振農工。而其利之愈溥者。其圖法之根本愈固。此以前前者之失者四也。烏庫上下之際。惟信乃適。改革之始。非信不力。而信之失也。如水潰堤。一決焉即至千里。信之修也。如以堤防水。一畚一鍤。一擔一負之力。非所能幾。故前者祇昭信股票偶一之稍失也。今一舉步。必皆趨於至實至信之地。庶幾以挽回之湔祓之鎮

定之。期制幣之成立。而國法之通行焉。否則又竊恐夫興利革弊之事之屢舉而屢無功也。以上五者。皆中國今日國法所當興之利。即中國今日國法所當革之弊。非燭弊之根。不能知利之要。非制弊之幻。不能完利之郛。竊以爲中國國法治標之策。蓋盡於是矣。竊又敢以一言斷之曰。中國今日欲謀免銀價之虧折。固非改用金本位不可。而改用金本位後。欲其流通之無沮也。又非先謀鈔票之代表。先裕銅幣之本原不可。且欲其推行之盡利也。尤非以銀行爲轉輸。以民信爲基礎。不可。此其相關相劑之理。與勢固有缺一不可不可者也。夫以中國財政之敝。迄今已極。如使國法一定。則上下之困既蘇。其利亦將永賴而無窮。否則徒狃於目前銀元銅元之利。迨數稔以降。銅價則日騰而日高。錢價則日虛而日落。一傾側之間。不特今日一切新政所恃鑄幣之贏餘。不可復得。而且明虧暗蝕。上下交匱。其後患情形。尤有不可測度者矣。設如斯議行之。他利姑不具計。以行鈔幣一端而論。以中國國家歲入公帑九千萬計。即以三成之二爲發行額。當可出給鈔票六千萬金。而始行一年。即可獲三千萬之現銀。三年即可獲六千萬之現銀。兩者綜合計之。已共可獲一萬萬二千萬之鉅款。以之籌措一切要政。何施不可。若更酌提存款。斥爲振興實業之母財。則其輾轉孳息之利。爲更無涯際者。此其得失爲何如也。然而就其究竟言之。實際論之。則是種種者。

仍爲中國國法治標之急策。而尙非中國財政治本之良圖。蓋中國今日財政之敝。與人身之病癆瘵者相同。凡此血肉寒熱之偏。脈絡通塞之異。與夫支體健弱之殊。爲藥力所能攻劑而奏效者。第此血膚筋絡末耳。儻必欲其本質無虧。精神康健。充血氣以卻後來之諸疾。而引其天年。則斷非藥力所能集事者。故今日中國國法欲籌治本之圖。是尤非致力於路礦農工等一切之實業無俾也。

外務部奏議定付還賠款辦法與各國使臣互換照會摺

竊查辛丑和約所載賠款關平銀四百五十兆兩。各國不允還銀。臣部業將先後磋商情形。並另擬辦法三端。於光緒三十年十月二十一日奏明請旨裁奪奉 硃批著照所請。戶部知道。欽此。欽遵在案。臣等迭與各使函商面議。迄今又逾半年。始克就緒。緣與議和約者。十一國勢如連雞。諸多牽掣。辦法或稍未平允。羣謀卽不易僉同。故此乃反覆最多。磋商最久。前所擬三端。一金價按月折中。一鎊虧免再計息。一每月付款扣還息銀。各使俱謂前三年已付之款。早經各本國兌收。撥用礙難照新擬辦法更改冊籍。祇允嗣後可設法通融。而前欠仍須索還。此在彼爲有詞難與爭辯。惟查各國銀行每屆還款之期。不免浮開鎊價。此三年內付過本利六期。據其銀行公會結算虧欠已至一百四十餘萬鎊。經臣等詳加查核。

指摘各銀行所定鎊價之不公奉各使始允以一百二十萬鎊合和約關平銀八百萬兩作為前三年虧欠之數於議定後一律清還此議結從前鎊虧之情形也至以後還款爲日甚長欲免鉅虧必籌善後原擬每月勻付之款未屆還期按月扣回息銀各國已允照行金價折中之議各使亦以爲公允惟謂上海市面匯價常不能劃一欲逐日開價折中核算恐無從定準仍滋爭論因議或照倫敦市面銀價用銀付還或以金錢期票或電匯票聽各國於此三端擇定其一其期票電匯票由中國不拘在何處及何銀行任便自購以後每屆還期照各國分票所載應付之數付清自無所謂鎊虧不必更議及鎊虧免利一節此議定嗣後還款之辦法也以上所議已定各國皆願擇用電匯票惟俄國與日斯巴尼亞願照倫敦市價付銀而俄款最鉅辦法尤宜詳訂所有俄之盧布與倫敦之金鎊其幣制比較若何倫敦之溫司與中國之關平其權法比較若何迭經臣部電飭江海關道與該國銀行董事詳細議定又日本因該國在倫敦需用款項請將嗣後應付該國之款電匯倫敦亦按日本幣制較準合成英鎊臣等詢探各國於俄日本所議均無異言始行照允此則各國各有分別之辦法也美國之款前允照銀數付還此次各國將有成議即聞美亦須援照辦理當經臣部照會駐京美使聲明原議據覆稱美政府常願按照約載海關銀價接收然亦有訓條聲明

若各國均照別項價值辦理則美政府又須援利益均霑之通例照行等語臣部復電駐美使臣請於美外部所覆亦同因念中美交誼素敦各國之款已一律還金而美款獨令還銀未免有所軒輊於一體優待之例不合自未便因其曾經允許而強與爭論此又美款亦照各國辦理之緣由也臣等竊維還金還銀辯論數年迄無定局處不得不轉圖之勢藉此整頓還款辦法亦可稍資補苴現所議定者或由中國自購金錢匯票則取捨之權操之在我或照倫敦市價付銀則價值劃一銀行無可居奇至按月扣回年息四釐其數積少成多計算至三十九年終所節省約在一千萬兩以上於各國毫無所損於中國實甚有益處又查賠款所欠首六箇月之息九百萬兩照約應展在三年內帶還其次以八百萬兩償清前三年欠款所有展息九百萬兩亦計在內故從本年每起每年應付之數較前三年已減三百萬兩即可以此款爲彌補鎊價之用至第十年以後賠款應付之數漸增而舊日之洋債漸減其款仍可移挪倫鎊價不致異常騰貴自無庸再加攤派各省之額臣等籌議已妥卽於五月三十日會同各國使臣在部簽字互換照會俾各遵守謹將照會內所載議定辦法四條繕具清單恭呈 御覽謹 奏

謹將與各國使臣議定付還賠款辦法四條繕具清單恭呈 御覽 一西歷一千九百零

五年正月初一日以前中國因用銀款付還以致虧欠現擬以和約關平銀八百萬兩之總款一律清還此總款即照一千九百零五年正月初一日所欠各國之數分別劃撥至所撥之數應將每屆六箇月期限以和約關平銀定數易金核算所欠之款若干茲請各國大臣各將應得之數從速開示以便此節允行後十五日內用電匯票徑向各國付清未經付清以前此八百萬兩應按年行息四釐其利由一千九百零五年正月初一日算起至付清之日止 二本部所擬之各節各國允准後即將各國分票畫押 三每年應付之本利將來每逢月之末日按月均分照附於各國分票後付還本息表內載明春付還惟請各國允中國每屆六箇月期限滿日於所付款內扣回按年四釐息銀此息銀由付還之日起至六箇月期限滿日為止所有應還各款按照以上所載辦法將和約關平銀依照各國金錢之價核定中國或按倫敦市面銀價用銀付還或以金錢期票或以電匯票均聽各國所願此項期票電匯票中國不拘在何處及何銀行均可任便照最賤之價或照投標辦法購買惟所付之金款務須於全應付還之日徑向各國付清中國應擔保其電匯票及期票均能如數兌交無誤本部現在所擬各節如各國允行時應即各擇定以上辦法三端之一自擇定後照行至賠款付清之日為止 四由一千九百零五年正月初一日起至改善付還賠款辦

法開辦之日爲止上海各國銀行董事已收之銀款現擬仍繳還上海道由該道將應付還各國之款按照以上所指之辦法付清惟此款自照新定辦法付還之日起至該期六箇月限滿之日止須扣回四釐息銀

戶部議覆整頓兩淮鹽務事宜摺

軍機處交出署兵部尙書侍郎鐵良奏查明兩淮鹽務情形一摺光緒三十一年二月二十五日奉 旨戶部議奏單十三件併發欽此欽遵到部臣等查淮南課釐向分上下半年奏報不言綱分亦不言引數現報至光緒三十八年止其收數銀錢併計歲收銀三百四十餘萬兩至二百六十餘萬兩不等淮北課釐以十箇月爲奏銷之期言綱分亦兼言引數現報至光緒二十四年丁酉綱止其收數則課以銀計每綱收銀三十七萬一千五百二十四兩零釐以錢計每綱收錢八十餘萬串至九十餘萬串不等又兩淮鹽斤加價現報至光緒二十六年止其收數皆以銀計多則收銀四十六萬四千餘兩少則四十三萬二千餘兩綜計兩淮歲入之報部有案者共祇五百餘萬兩此外若新課新釐償款加價皆已收而尙未報又若局費緝費外銷各款尙未奏咨立案皆收而不報此兩淮相沿辦法之大略也此次該大臣奉 命往查不避勞怨於兩淮正雜各款舉尙所未經報部者亦悉令開出復爲詳列

科則計二十九年共報收銀一千二百餘萬以視兩淮歷年之自行奏報僅得銀五百餘萬者已爲倍之固由是年收數較旺於往年亦實由外銷各款爲數過多且其間又有內銷正款如餘斤加價亦攬作外銷者繩以部章多不能合臣等督飭司員就原奏單開逐細鈎稽除整頓場務四條如保全草蕩清釐埠餉查禁虛報講求煎煉皆當務之急應令兩淮鹽政遵照原奏切實辦理外其運務銷務以及收支款目臣等謹就原奏所及參考部章約擬辦法數端一兩淮奏報應更定程式也查此次該大臣清查兩淮鹽務首重綱分引數其餘淮南則舉各商請運引數各岸實銷引數與夫儀棧存鹽發鹽下關掣驗各數皆條分縷晰復爲詳註綱分按綱計引按引核課原委畢貫而歷年淮南課釐奏報均不敘綱分引數又課釐與加價分案造報而所報新舊加價又未悉備款目參差殊不足以備稽考且卽以鄂湘西皖四綱岸而論兩淮原報截至光緒二十八年底止僅存鄂岸鹽釐銀十二萬五千餘兩其餘均實存無項今該大臣查出是年年底此四綱岸實存正雜各款銀一百六十八萬餘兩內辦外辦並不一律應令將各岸局卡卽以此次查辦報存銀數爲主並令自三十年起卽按照此次查辦單式將運鹽銷鹽引數及正款雜款銀數分岸開單奏報以昭核實其二十九課釐加價應仍由該鹽政核明總數具奏免其造報細數又淮北自丁酉綱以後奏

銷已歷六綱迭經臣部嚴催迄未造報今據該大臣查明戊己庚辛六綱起訖日期並查其中款目之不盡核實如海分司所報舊管銀數前後互異五河正陽兩局所報並無舊管銀兩應由該鹽政澈底詳查亦按照此次查辦單式分綱彙案奏報以清積贖並令接辦甲辰綱奏銷均即照此辦理一金陵解款應明定限制也淮南鄂湘西皖四岸引額共應歲銷五十四萬六千七百六十引自前升任運司程儀洛稟經前鹽政劉坤一定以四十萬引爲比較於是光緒二十九年銷及五十三萬五千餘引即奏請獎敘且以四十萬引外皆爲溢銷名曰盈收課釐全數解交金陵支應局至有濫支濫應莫能究詰者又西岸淹消補運鹽斤應繳課釐亦徑解支應局核收殊與定章不符除二十九年已解之款無庸置議外應令自三十年起凡一切鹽釐等項均按四十萬引之數解交金陵支應局兌收其餘所銷鹽引既名爲盈收課釐即同西岸淹消補運引鹽課釐一併改解運庫存儲以昭慎重一各岸局員應嚴定交代也各省運司鹽道以及四川之滇黔官運局皆造報交代獨兩淮各岸督銷副驗各員交代尙不報部其公款之有無虧欠臣部無憑稽考今該大臣查明五河總辦莫繩孫欠解公款銀錢共合五萬餘兩鄂岸分銷局員合欠本銀七萬八千餘兩湘岸分銷局員合欠課款兩本銀十二萬五千餘兩並聲稱其餘各局有無虧欠情弊已由現署兩

江督臣周馥派員分投查辦等語除莫羅孫一員已經該督奏參勒繳外其五河總辦劉思訓之虧欠公款已否清繳以及鄂湘兩岸各分銷虧欠課款商本內已繳若干未繳若干應由該督分別查明嚴行參追其餘各局員既由該督派員分投查辦如查有前項虧挪情弊亦即一併奏參毋稍瞻徇然原各員虧挪之由因鹽政以督銷爲調劑優差定以一年瓜代而分銷各員又皆隨督銷爲更換是以督銷分銷各員多以收存鹽價鹽釐先交錢莊生息肥己一有倒閉卽無法彌補况其甚者所委分銷多係雜職自視一官不甚愛惜往往有因差期將滿而恣意侵挪者該大臣原奏謂各局員視同傳舍幾以虧挪爲成例實非過當應令明定章程無論總棧局卡各員祇須運數銷數暢旺准予留辦否則隨時更撤遇有交代由該督核明依限奏報一面造具冊結送部備查其分銷各員仍由督銷自行遴委倘有虧欠卽著落該督銷全數賠繳以專責任而重考成一各官公費應分別撙節也外銷各款之名實不符者不勝枚舉今就其最著者論之一運庫經費每引三錢八分原備解繳京餉加平飯食鹽捕等營常年兵餉以及挑河築壩巡緝公費等項之用今儀河壩工緝費勇糧又另征之於商而原征經費除供支京餉加平飯食揚州泰州等營巡費之用外餘者卽按每引三錢八分內以八分撥作鹽政賞號以七分二釐撥作運司賞號實與原奏不符一各岸

局用本自有餘然惟鄂岸報有局用節省銀五千餘兩西岸裁局用等項銀一萬餘兩其餘各岸第循岸照支並不言餘而湘岸則本款不足又由商捐籌補至共支銀十一萬餘兩之多尤未核實一各岸緝費原備雇勇巡緝之需今該大臣查明各岸緝私有名無實並聲稱局委以此款爲應得之利半入私囊是緝費之多浮支可知而皖岸則支至十五萬餘兩之多尤爲漫無限制一存款生息亦各局卡之所同然惟運司報有餘息銀六千餘兩鄂岸報有拆息銀一二萬兩而他岸無聞試證以五河鹽卡虧欠公款亦由於錢莊倒閉則各局卡之有無生息已可概見一總辦盈餘淮南之鄂西皖三岸及儀徵一棧皆已開報惟詳略稍有不同而湘岸獨無之一局卡雜支歲需數百萬果使力求核實亦可稍補餉需今乃統核外銷各單內惟運司擬就雜款之有餘並應裁者計之歲共提解三萬兩又儀棧擬裁各幫船董津貼等款尙未定議其餘各局卡則均未議及總之外銷各款其徵之於商者多未奏咨立案而司總務者以其非報部正項動多寬縱現當籌餉孔亟原未敢以已徵之款輕議裁減要未便以有著之項稍涉虛糜該鹽政既派員分投查辦必確知各岸所支之虛實應令參以該大臣及臣部所指各節悉心核議不以其既報者而悉予提取亦不以其未報者而概置不議總期無缺無溢不使辦公之竭蹶其應裁未裁各款亦即分別核刪並將雜支

財 政

二百二十九

乙巳

謝 啟

二 運 卅

五 引

款項一律核扣六分減平以符定章一功鹽應照數正項也揚州儀徵下關助鹽之運往鄂皖兩岸搭銷者歲計四萬餘包不繳課釐所收羨餘概歸外銷且有作為本局津貼者其餘如淮南之鄂湘西皖四岸淮北之五正兩局卡以本岸之所獲即歸本岸銷售以多報少漫無稽考且變價銀兩大半充員司丁役犒賞之需是其明佔商銷暗損國課實有如該大臣原奏所云者應令嗣後各岸局銷售本岸功鹽及搭銷他處功鹽務與運鹽一律繳納課釐加價仍以正價分別充公充賞庶不致有畸重畸輕之弊至所稱限制掣驗不得有例提功鹽名目尤為整頓淮綱要著應令申明定章如遇有委員舞弊即行從嚴參辦一票本應仍歸部款也兩淮歲捐票本十萬兩本為臣部籌餉而設嗣該省以撥補鹽釐各款不敷及墊解甘奉邊防等餉為辭徑行挪用果使墊支要款臣部未便強以所難今查二十九年運庫出入各款其各岸課釐之應解運庫者猶未全數解足而運庫正款之所入除抵支外已餘銀十七萬二千餘兩而雜款所餘之數尙不在內且甘奉邊防等餉由各岸攤解自有專款應令自光緒三十年起仍將所收票本銀兩按年悉數解部充餉以符原案一食岸應復額也甯揚十四食岸原定額銷十二萬九千餘引今改為額認三萬六千八百四十八引所認本屬太少而其額外溢銷歲約一萬五六千引又祇繳鹽釐而不繳加價且天長一岸溢銷

之引往往移報於高郵寶應兩岸以圖納課之較輕未免過於取巧查甯揚各屬銷路多與皖境相接皖岸引鹽均繳新釐票本等項而甯揚食岸既免徵此二者猶於加價一項且未一律加收成本過輕致食私侵灌鄰境大爲皖綱之累應令將甯揚各屬食岸酌復引額其溢銷之鹽亦一律征收加價並察度情形分別飭商認岸繳價以保運務而裕課餉一川界應拓銷也鄂岸自川淮劃界分銷以武漢黃德四府專銷淮鹽其安襄鄖荆宜五府及荆門一州借銷川鹽仍兼銷淮鹽於光緒十年在樊沙等處先後分設局店減價敵川今考其銷路鄖陽宜昌府屬皆淮鹽所不到祇此襄陽荆門所屬各境試銷淮鹽遞年短絀而商人則又以賠累之故議欲撤樊沙四局問其故則稱近年川界淮鹽加價除江防一項免征外餘均照徵售價迭漲不如川價因時增減取便民情遂致川暢而淮絀然川界銷淮卽以保全淮引腹地今乃銷數日絀不加整頓舉歷任鹽政所爭之而惟恐不獲者竟棄之而不知惜非盡加價之咎也或因鹽商終歲住揚足不履鄂一切岸務從未躬親講求或因督銷年滿卸差一切轉輸之利拓銷之法鮮能講究恐將來銷路漸隘勢必倒灌淮界卽欲自保淮引之藩籬而不可得惟商人既藉口於賠累要先當寬籌津貼查商捐各款內曾祠歲修揚儀粥廠沿江義渡三項按引捐錢四十一文擬請移緩就急儘鄂商之所捐全數撥作津貼運

赴川界之鹽並原有敵川經費津貼川界各商經費同扣存鄂局之川界試銷准釐應均由運司會同鄂岸督銷通籌妥議明定津貼及運銷章程庶淮南不至視爲畏途則岸銷必較有起色矣以上八條皆參擬部章推求切實辦法如果整頓得宜於庫款必多裨益此外若皖銷之應試辦專岸儀棧之應釐定庫秤各局委之應速發商本各地方官之應會辦巡緝尤皆補苴罅漏以期相輔而行至兩淮走私要隘不外南北中三路南路爲沿江一帶輪船帆船布密梭巡販私者已稍稍斂迹其北路爲徐海一帶中路爲運河一帶防堵稍鬆不免爲逋逃之藪應令查明扼要處所通力兜緝私淨則官自暢原定歲銷引數當無不足額之慮矣再查淮南以二十九年銷數爲最旺其三十年分綱食各岸據報共銷五十二萬八千三百五十一引零以視二十九年銷至五十八萬七千餘引即扣去閏月不計猶見其少又淮北以癸卯綱告竣之期爲最速其甲辰一綱據報於本年三月二十五日銷竣比限期提前半月以視癸卯綱竣之提前一月猶見其緩此中盈虛消息全賴司鹽政者爲轉移茲謹將原單十三件分別核議彙繕清單並附開近年淮南北銷鹽引數比較單二件恭呈 御覽其應整頓各事宜應請 旨飭下該鹽政按照該侍郎單開及臣部單開各款認真整理並嗣後外銷雜項毋再巧立名目私行徵取庶裕課兼以恤商於鹽務所裨匪淺謹 奏

督辦土膏統捐大臣柯奏試辦八省土膏統捐並開辦日期摺

竊臣於光緒三十一年四月二十日曾將暫行駐鄂開用關防及製造印花聯票等情電呈軍機處代陳計蒙 慈鑒臣維土藥一項產自四川雲貴行銷東南各省者大半取道楚粵今議設宜昌洪江梧州三局自屬扼要之區惟道途遼闊事體繁重必須得人始能就理查宜昌原委湖北補用道孫廷林梧州原委廣西補用道丁乃揚辦理以來均著成效應由臣加委接辦以資熟手洪江原委知府一員歸宜昌節制應由孫廷林稟請酌委原設緝私查驗分撥各卡由各局酌量增併臣仍不時派員密查贛皖蘇閩四省各派一員分駐查緝宜昌收數最多俟開辦時臣當親往察看宜洪兩局章程照舊辦理梧州原定數目較少未便遽增致使商情疑阻惟不准土商趨避取巧浸灌湘贛邊境違者土膏一併充公其土稅膏捐兩項遵章全完運赴各省自應准予落地銷售概不重征由各新關僅完子口稅者照章應補收落地膏捐方准銷售以符如非落地概不重征之案惟查子口土稅較局章多寡懸殊勢難劃一擬將已完子口稅土藥補收膏捐數目酌量核減務得其平仍以三十年報運子口擔數爲額既不失土局應有之捐亦可保新關舊征之稅庶免畸輕畸重致涉偏枯至聯票印花本應更換因印花一項歲需數百萬紙製造稽時楚粵印花擬暫仍其舊但祇能

在楚粵境內行銷其出境銷售土藥及各關加收膏捐者由總局先行製發印花并造四聯印票給商領運無論行銷何省一概查驗放行倘無總局印花聯票或數目不符即係私土私膏查獲充公又原奏此項收款均照二十九年收數作為各省定額由局合收分解溢收之數遵照 諭旨另儲候解專作練兵經費等因查鄂贛開辦土膏稅捐始於光緒二十八年兩湖合辦始於二十九年十二月鄂湘贛皖四省合辦始於三十年五月廣西始於三十年正月廣東則十一月蘇閩兩省尙未定章若以二十九年為額則已辦者皆係少數未辦者無額可稽當茲時勢艱難練兵尤為要政各疆臣公忠體 國自當竭力通籌惟驟提鉅款實難支柱大局所關不得不統籌兼顧臣到鄂後與湖廣督臣張之洞切實妥議并與各督撫臣往覆電商擬懇 天恩將江西照適中之數歲撥銀七十萬兩安徽照額撥五萬兩湖北係有專款待支兩廣近來需餉尤急原奏已示區別均請各歸本省支報兩廣前經奏請辦理兩年後再由戶部提撥奉 旨允准又四省合辦稅捐湖北歲收贛皖溢數不下三十萬兩以後應由湖北全數撥出湖南本省所得溢款擬亦歲提銀三十萬兩蘇閩行銷土藥有限暫緩議撥開辦以後應解兩湖兩廣之款由三局徑解其提撥溢收及預征他省稅捐并子口加收膏捐按月併解總局由臣分別批解練兵處濟餉大約豐年可得銀二百萬

兩款減成擬俟試辦一年後綜計款目如可多收自當儘解萬一溢收無幾屆時酌量變通各省收支數目按月由各局報明各省併報總局按季由各省冊報戶部仍咨總局備案應解總局之款由各局專報總局由臣連同總局支用實數按季冊報戶部併咨明各省互相查考以上各節與原奏間有未符揆度情形祇期允洽擬於六月初一日一律開辦未盡事宜隨時與各督撫臣酌商辦理臣知識短淺精力漸衰膺茲重任殊深惴惴所恃孫廷林丁乃揚兩員共事有年均能實心任事勞怨不辭必於軍糈有濟謹 奏

前署盛京將軍廷等會奏清查東邊海龍等屬餘荒收價以濟要需摺

竊查奉省常年用款全恃各項稅捐自兩強宣戰以來商賈不前收數驟減而籌辦善後舉行新政在在均需鉅款曾經奏准開辦加捐實官而捐務久成弩末數月以來尙無成數目下需款孔亟左支右絀備極爲難不得不廣事搜羅冀應眉急查東邊道所屬之通化懷仁寬甸安東輯安臨江六縣海龍城總管及海龍府屬之柳河縣均有私墾餘荒隱匿不報者蓋光緒初年草萊乍闢地廣人稀往往將山深林密之區留作牧養其山坡窪下各地多係墾多報少四至隨意填寫幾於經界難分迄今三十餘年生齒日繁逐漸展墾不特留作牧養之地盡已變爲膏腴即農民從前報墾之田亦多私自展拓利在衆趨時聞爭鬪頗有因

此釀成巨案者是上無利於國而有害於民曷若及時清查補收荒價俾界址分明小民皆得各安生業而鉅款立集新政亦可次第舉行伏查光緒二十九年政務處議覆升任護理山西撫臣趙爾巽通籌本計一摺內稱東三省等處閒地甚多論者競陳開墾之利請飭詳細查勘是年戶部奏籌款十條案內亦有請飭勘丈之議均奉諭旨准行足見體國經野爲目前切要之圖奉省帑藏奇絀荒地既多更不容稍爲延緩現已分飭地方各官認真查辦一面頒發告示曉諭以前報墾之地凡原報有沙磧驗斥數畝折成一畝者准仍照舊以昭大信倘所報畝數並無沙磧驗斥有一畝而私開數畝者或未報墾而全係私墾者均責成各鄉保勸令各佃戶從實開報仍由原佃每畝補交庫平銀一兩丈清給予執照以後按年升科儻仍隱匿不報致被查出或經告發即將該地入官另行招佃如此澈底清查庶可永息訟端籌集的款一舉兩得莫便於茲謹奏奉 硃批戶部知道欽此

署兩江總督周奏查辦徽山湖灘地繳價升科並籌備徐防兵餉情形摺

竊查徐州府屬徽山湖淤灘地畝長一百餘里寬十里上下分隸銅山沛縣兩縣管轄向爲山東曹州府屬客民繳價領種分爲南趙團南趙分團睢團于團北趙團北王團唐團等七團又在唐團邊外佔種沛縣民地名爲新團共地二千餘頃由徐州道歲徵租錢一萬五六

千串除撥補衍聖公迷失祭田租錢一千四百二十千外其餘撥充徐防兵餉併歸江蘇留防軍需案內報銷歷經辦理在案光緒二十八年經言官陳奏欽奉 諭旨敕令一律升科即經前督臣派委道員設局查辦議分上中下三則飭令補繳地價四成發給藩司印照就征租地畝改征賦課以免清丈紛擾之繁計南趙等七團共地一千六百二十八頃四十四畝四分二毫八絲九忽五微又續經查出餘地二十七頃七畝二分九釐二毫一絲四忽五微兩共地一千六百五十五頃五十一畝六分九釐五毫四忽收起四成地價錢十萬六千七百六十四文應自光緒三十二年起的由銅山沛縣兩縣查明銀米科則入額升科其新闢地畝四百八十餘頃係同治年間土客涉訟多年屢釀巨案疊經派隊剿平撥還沛縣土民領種之地現在尙有老契可憑前項地畝淹涸靡常難以升科應仍由徐州道收租每年約收租錢三千八百餘千內除撥補衍聖公祀田租錢一千四百餘千外尙餘錢二千四百餘千惟南趙等七團之地一經升科即應免收租價除防兵餉未便無著除所收新闢地租撥抵外尙不敷錢一萬二千餘千即將所收南趙等七團地價錢十六萬六千七百餘千以七釐發商生息每年可得息錢七千四百六十餘千又銅山沛縣湖田升科平餘如不遇災荒可提銀二千餘兩又另行借撥公款銀五萬一千兩由司發典生息統共約可得錢一萬三

千餘串以之湊濟防餉庶免缺乏此外尙有王刁兩團客民昔年因通匪驅逐回籍退出地七百十頃經前督臣曾國藩奏明撥充銅沛兩縣學校公田又各署及善舉公田四百數十頃沛縣建修城垣公田一百頃均係淹涸廢常不能定額礙難升科且關係地方善舉公用應仍照舊徵租免其升科將來湖水如再涸退或查有隱匿仍當責令銅沛兩縣補請升科以廣賦課謹 奏奉 硃批戶部知道欽此

陝西巡撫曹奏遵查陝西各屬經徵錢糧情形開列簡明表冊摺

竊光緒三十年七月初九日准戶部咨六月初二日奉 上諭方今時勢日艱民生重困而官吏壅蔽下情不通甚至地方錢糧浮收中飽以完作欠百弊叢生大負朝廷恤民之意著各省督撫將各屬經徵錢糧限三箇月內開列簡明表冊該州縣錢糧正額若干現在實徵若干向係收銀者註明每賦一兩正耗各收銀若干或係收錢折銀或係收銀圓作銀均註明每銀一兩折收若干每漕糧一石收本色者正耗各收米若干收折色者每石收銀錢若干此外有無陋規雜費逐一聲明據實聲敘各令和盤托出不准含混遺漏俟該省奏報到後著戶部核對由政務處刊入官報俾衆共知藉以肅官方而通民隱各該督撫務卽認真辦理毋得徇飾宕延倘敢敷衍搪塞定將該省藩司糧道從重懲處欽此恭錄咨行到陝嗣

於十月內承准政務處咨此案業經 奏准展期惟不得逾次年三月之限等因俱經前據臣欽遵行司轉飭查造去後茲據西安延安鳳翔漢中榆林同州興安七府並商州邠州鄜州乾州綏德五直隸州所屬各廳州縣各將經徵錢糧及徵收情形造具簡明清冊由布政司逐款核明據實列表請 奏前來臣覆加查核陝省有丁無漕民間以銀投櫃不用銀元其南北山苦缺間或以錢折銀而原額不過千金折錢係從民便計平餘一項收銀者每兩至多無過三錢折錢者每兩至多折合二千除攤捐公用外所謂最優之六七缺歲餘不及五六千金中缺二三千金表冊所列委係和盤托出此外並無陋規雜費臣與該司道均不敢見好屬員扶同徇飾以期仰副朝廷察吏恤民之至意謹 奏奉 硃批戶部知道欽此

雲貴總督丁奏查明滇省各屬徵收錢糧情形摺

竊臣准部咨欽奉 上諭方今時事多艱民生重困地方錢糧浮收中飽以完作欠百弊叢生著各省督撫將各屬經徵錢糧限三箇月內開列簡明表冊據實聲敘務令和盤托出不准含混遺漏等因欽此欽遵咨行到滇當經轉飭遵辦去後茲據署雲南布政使陳燦署糧儲道關以鏞詳稱查雲南通省錢糧向分糧條兩款糧款分本色折色隨徵款費坐平運腳等項本色供支兵米折色統解糧儲道條款分條編攤丁隨徵奏平公耗暨帶徵官莊等項

統解司庫經徵之額各屬不同或條糧並列或有糧無條有條無糧徵收之法或分徵分解或統徵分解間有折收錢文大抵畸零小數聽從民便其搭收銀元均照庫平七錢二分上兌此外各耗米雜費各屬均有參差不一藉以彌補傾銷運解之需餘則津貼官吏辦公伏思滇處邊隅著名瘠苦府廳州縣全恃錢糧餘款以補廉俸之不足而不敷辦公者居多前經遵奉諭旨籌給津貼嗣以派解賠款無力籌措復經奏明將前項津貼全數裁提現在綜計各屬徵收錢糧或長餘數十兩數百兩至一二千兩不等其間係有一二屬或長餘銀四五千兩滇中卽目爲最優之缺其實用費而外所餘無幾向作爲調劑鼓勵之用尙無弊端而徵收額數較少各屬均實征實解明查暗訪亦無以完作欠情事並據聲明因事屬創辦各處距省寫遠錯誤駁查以致遲延等情造具簡明表冊具詳前來臣覆加查核均屬實在情形仍當督飭司道隨時考察嚴杜中飽以仰副朝廷軫念民依力除積弊之至意再鎮邊富州二廳暨猛丁經歷自改流後頗遭匪亂田多荒蕪應徵錢糧一時未經入表合併陳明謹奏奉 硃批戶部知道欽此

練兵處新定派款清單

江蘇每年原派銀八十五萬兩 甯藩屬每年應解銀九十一萬兩每月應解銀九萬一千

兩 蘇藩屬每年認解銀七十萬兩每月應解銀七萬兩

湖北每年原派銀五十萬兩 第一次每年認解銀五十三萬兩 第二次每年認解銀五

十萬兩 共認解銀一百零三萬兩每月應解銀十萬零三千兩

浙江每年原派銀五十萬兩 每年認解銀九十一萬四千四百兩每月應解銀九萬一千

四百四十兩

以上三省皆溢額認解比較原派銀兩共溢一百七十萬四千四百兩江蘇溢七十六萬

兩湖北溢五十三萬兩浙江溢四十一萬四千四百兩

直隸每年原派銀一百一十萬兩 照認足數每月應解銀十一萬兩

湖南每年原派銀四十萬兩 照認足數每月應解四萬兩

甘肅每年原派銀十萬兩 照認足數每月應解銀一萬兩

四川每年原派銀八十萬兩 未奏定常年認解的數應令遵照 欽定原額八十萬兩轉

解每月應解八萬兩

廣東每年原派銀八十五萬兩 每年祇認銀十五萬兩應令遵照 欽定原額八十五萬

兩籌解每月應解銀八萬五千兩

以上兩省皆屬大省與江蘇湖北浙江無異自應照原派銀數籌解

河南每年原派銀四十萬兩 每年祇認解銀二十萬兩應令遵照 欽定原額四十萬兩
籌解每月應解銀四萬兩

山東每年原派銀五十五萬兩 每年祇認解銀十九萬二千兩應令遵照 欽定原額五
十五萬兩籌解每月應解銀五萬五千兩

山西每年原派銀五十萬兩 每年祇認解銀十萬零六百兩應令遵照 欽定原額五十
萬兩籌解每月應解銀五萬兩

安徽每年原派銀三十五萬兩 每年祇認解銀十萬兩應令遵照 欽定原額三十五萬兩
籌解每月應解銀三萬五千兩

江西每年原派銀五十萬兩 每年祇認解銀二十萬兩應令遵照 欽定原額五十萬兩
籌解每月應解銀五萬兩

陝西每年原派銀三十萬兩 每年祇認解銀十五萬兩應令遵照 欽定原額三十萬兩
籌解每月應解銀三萬兩

福建每年原派銀四十萬兩 每年除閩關認解銀二萬兩各該省併無常年認款應令遵

照 欽定原額四十萬兩籌解每月應解銀四萬兩

以上七省俱認未足數或全無認解的款應比照直隸湖南甘肅照原派額籌解

雲南每年原派銀二十萬兩 每年認解銀十二萬兩每月應解銀一萬二千兩

貴州每年原派銀六萬兩 每年認解銀一萬兩每月應解銀一千兩

以上兩省原係邊瘠應暫准如認解數籌解

共計十七省常年應解銀九百九十三萬四千四百兩每年自二月起至十一月止分十箇

月每月共應解銀九十九萬三千四百四十兩

奉天吉林廣西三省奏定緩解黑龍江原未派及新疆准其免派共五省不入單內

各省財政彙誌

京師 戶部以前在天津開設銀銅元局頗獲厚利上海為商務總匯之區亟應仿照辦理擬就舊有機器局廠屋酌量改建以期合式並奏派陳京卿宗煥赴滬查勘如果廠地合宜即將購備開辦各事一律歸其經理以資妥速當經奉旨依議

直隸 直省公債章程本分四期按期募集一百二十萬兩共四百八十萬兩以二月開辦日起兩月為一期其末次實在八月開辦發行第三期票時四百八十萬之公債業經全數募齊前三期三百六十萬曾由直省各州縣所攤派其第四期之一百二十萬則全由江督周玉帥督撫協運師竭力襄辦不分畛域從外省募集云

財政

二百四十四

十月

山東 候補分府馬君近稱東橋札委在周村南下河觀音堂設局辦理周村兼博山土藥釐金稅務緣兩處近年產土日多商販走私在所不絕茲在周村設局并派有巡役嚴查兩處土藥俱照原按每百斤納稅銀十六兩云

江蘇 江南地太物博用款繁鉅近日新政疊興凡練兵興學查礦振興無不規模宏大而庫帑久虛度支告匱江督廉玉帥特委楊俊卿廉訪為籌款局總辦調查勸捐悉歸設法籌措以為挹注之資云 蘇撫陸春帥近因民間行使銅元雖稱便利惟蘇省舊廠所鑄無多新廠尙未落成市面釐索難資周轉特飭寶蘇局趕即加工鼓鑄銅錢一面查照北洋章程諭令舊廠改鑄二等銅元每枚當錢二十文與舊十銅元相輔而行已奏准試鑄矣

湖南 長沙開設商埠因沿河地勢不便停泊輪船暫准洋商在城外沿河一帶南自永州碼頭起北連租界盡處止許其開設行棧以便通商前撫端方帥以向例抽收洋貨落地釐捐應准免收以與商務惟城內地坊本不在口岸之內所有運入洋貨應即抽收城捐以示區別其洋貨捐款亦應格外減輕援照子口稅章程以值百抽二五為率不得逾此限制中外交通必使貨物暢銷商情樂從方足以昭利便已札由釐局督飭省河局員查照稅則妥定章程會同洋務局長抄關移行知照

商務印書館教科書出版
新編國文教科書

初等小學國文教科書教授法

陸續發行

此書與教科書相輔而行教科書為學生所用此書為教師所用專教授學之階段按課分列豫備教授運用之法附以參考及習問以便教師有所依據內地塾師苟應用此書兼參考教育學管理法則於小學師範思過半矣

第一冊

價洋四角

第二冊

價洋三角

第三冊

價洋

第四冊

價洋

初等小學習字帖

陸續發行

此帖與本館所編國文教科書相輔而行書中所有者無一不備書中所無者亦不闕入以便隨讀隨寫可助記憶帖凡十冊亦備初等小學堂五年之用

第一冊

價洋一角

第二冊

價洋

第三冊

價洋

第四冊

價洋

商務印書館教科書出版

初等小學國文教科書

全部十册
陸續發行

童蒙入學茫無知識而我國文字多半艱深往往有讀書數年不能寫一信記一帳者欲教育普及不可不於國文加之意矣近歲廣設學堂稍稍有編蒙學讀本者然施諸實用都未盡合或程度過高難於領會或零舉字彙不能貫串或貌襲西法不合華文性質或演為俗語不能彼此通用有志教育者時以為憾本館特聘通人精心編纂兼聘日本文部省圖書審查官兼視學官小谷重君高等師範學校教授長尾慎太郎君及曾從事中國學堂之福建高君鳳謙浙江張君元濟詳加校訂一字不苟經營數月始成數册陸續出版每册附圖數十幅至百餘幅另加五彩精圖以動學生之興趣書中筆畫生字均有限制按照時令選事徵詞淺而不俗雅而不與自發行以來頗蒙海內教育家稱許銷流至數萬以上再板數次全書計十册備初等小學堂五年間教科之用倘有高等小學堂應用國文教科書亦次第編印本館尤當精益求精以不負海內士大夫之屬望焉

- | | | | |
|----------|---------|-----|-----|
| 第一册 (六板) | 定價洋一角五分 | 第六册 | 定價洋 |
| 第二册 (四板) | 定價洋二角 | 第七册 | 定價洋 |
| 第三册 | 定價洋二角 | 第八册 | 定價洋 |
| 第四册 | 定價洋二角 | 第九册 | 定價洋 |
| 第五册 | 定價洋 | 第十册 | 定價洋 |

商務印書館出版
日俄戰紀

令長官(馬克羅甫)○俄旅順艦隊司令官(斯他司爾)○俄國哥薩克騎兵

第三册 ●鴨綠江戰地圖○日本旅順海戰司令官(梨羽時起細谷資民東鄉正

路)○日本艦隊在佐世保軍港敗行圖○日本魚雷艇隊第二次攻擊旅順圖

○日兵放魚雷攻擊俄艦圖○俄太平洋海軍司令長官(司廓理羅甫)○俄陸

軍大臣(塞喀羅甫)

第四册 ●日本三艦長(中尾雄加藤友三郎山田彥八)○日本步兵戰圖○日本

砲兵戰圖○俄將斯他率兵渡貝加爾湖圖○俄國貝加爾之哥薩克兵隊渡冰

圖○俄兵旅順砲臺禦敵圖○

第五册 ●日本三親王(依仁親王菊麿王博恭王)○日本砲兵鴨綠江激戰圖○

日本堵塞旅順沈船情形○俄將苦魯巴金巡視旅順砲臺圖○俄將苦魯巴金

巡視海參崴砲臺圖○俄戰艦彼得羅帕阿司克艦長(察科威烈夫)○旅順第

七戰被毀之俄戰艦彼得羅帕阿司克○俄戰艦彼得羅帕阿司克中雷沈沒圖

第六册 ●日本第十一師團長(井上光)○第二十二旅團長(木越少將)○第十

二旅團長(佐佐木少將)○日本接應陸軍艦隊司令官(細谷少將)○裝礮汽

艇司令官(關少將)○摩耶艦及艦長中川中佐○日本堵塞旅順口船員移乘

小艇圖○日本堵塞旅順隊歸陣圖○俄國海軍大臣(阿韋蘭)○俄國道路大

臣(喜勒廓甫)

第七册 ●日本皇太子○日本威仁親王○日本載仁親王○日本騎兵斥候乘

商務印書館出版
日俄戰紀

夜偵察敵狀圖○俄國苦魯巴金語吉林將軍圖○俄國關東軍團司令本部○
俄國旅順守備兵第十一聯隊兵營並海兵團○俄屬西伯利亞布拉郭什臣斯
克曉景

第八册●日本上村中將曉望海參崴俄艦圖○俄將司廓理羅甫出海探敵圖
○俄司廓理羅甫艦隊攻擊日本商船圖○俄艦長與日本大尉在烟臺互毆落
水圖○海參崴港俄艦停泊情形○停泊海參崴俄艦一播憂禿艦格朗保艦露
西亞艦路利克艦

第九册●日俄兩軍金州大戰圖○其二○其三○俄軍自九連城退入鳳凰城
圖○俄內務大臣(柏來維)小像○柏來維被殺時所乘車圖○五稍旅邸前柏
來維被殺情形

第十册●日本看護婦會長錫島侯爵夫人小像○日本歸團隊歡迎麥基夫人
圖○日本紅十字看護婦會員練習帶帶圖○俄苦魯巴金率眾臨陣圖○俄逃
艦阿斯科哥及格羅蘇堡○俄逃艦阿斯科哥左右舷損傷圖

第十一册●老鐵山圖○黃金角圖○日本東鄉司令官督兵備攻旅順圖○旅
順新舊市街中間之孫家溝○日本前駐俄國公使(栗野慎一郎)○俄國前駐
日本公使(羅善)○俄太弟(密喀爾)

第十二册●奉天鐵嶺附近詳圖○日軍登山進攻遼陽圖○日本橫須賀船塢
○旅順全景○貝加爾湖○松花江岸○齊齊哈爾○俄國旅順船塢

交通

論鐵路與國家之關係 乙巳五月三十日時報

鐵路之有益於國家。人所能知也。鐵路多者。國家諸事必發達。而其國必因而富強。鐵路少者。國家諸事必阻塞。而其國必因而貧弱。國家進步之程度。與國中所有之鐵路其多少。有比例。故鐵路之於我中國。今日誠如飢之於食。渴之於飲。而不可須臾緩者。各省民氣之渙散。內地民智之固陋。皆因此未通鐵路之故。故如有大創。不宜築造鐵路之說者。是乃鐵路之賊。即國家之賊。

雖然。尚有一義。鐵路之所以有益於國家者。以國家能自有其鐵路也。若鐵路而為外人所。有。則所謂有益者。亦必在於外人。而於我無與也。且天下無兩利人。既受其益者。我必反受其損。小言之。則漏民財。大言之。則喪國權。東清鐵道之往事。其明證也。粵漢鐵路之汲汲。三省之民。而不惜奔走呼號。以爭回之者。以往事為不可法也。故如有大創。輸入外資。以築造中國鐵路之說者。是亦鐵路之賊。即國家之賊。

雖然。尙有一餘義。鐵路之權。不可授於外人。稍知事理者。必能知之。即有貪小之徒。亦必

翻。於。清。議。而。不。敢。顯。然。以。出。此。然。所。謂。不。授。外。人。以。權。者。微。特。其。名。也。而。尤。在。其。實。名。則。一。時。耳。而。實。則。能。決。最。後。之。勝。敗。故。我。聞。某。外。僑。之。於。經。營。某。礦。產。之。說。曰。如。其。不。能。明。運。動。之。於。官。吏。則。可。暗。以。商。人。出。名。而。購。股。票。迨。票。既。入。手。而。後。宣。言。外。股。彼。官。吏。雖。不。許。其。奈。我。何。苟。用。斯。術。以。行。之。鐵。路。如。粵。漢。鐵。路。之。美。名。比。股。其。害。實。與。鐵。路。爲。外。人。所。有。者。無。異。故。如。有。人。陽。用。華。名。陰。收。外。股。以。行。自。造。鐵。路。之。說。者。是。又。鐵。路。之。賊。卽。國。家。之。賊。是。故。不。築。造。鐵。路。非。也。爲。無。益。於。國。家。也。欲。築。造。鐵。路。不。能。自。爲。而。讓。其。權。於。外。人。更。非。也。爲。不。但。無。益。且。有。害。也。不。能。讓。於。外。人。而。陽。奉。自。辦。之。名。陰。收。外。股。之。實。更。非。也。不。但。有。害。且。其。害。入。於。隱。微。而。爲。人。所。不。及。覺。也。然。則。方。今。之。世。欲。築。造。鐵。路。而。先。祛。其。害。奈。何。曰。鐵。路。者。土。地。之。經。絡。也。其。地。之。鐵。路。當。由。其。地。之。民。自。築。造。之。當。由。其。地。之。民。之。有。識。見。資。清。望。者。共。圖。之。授。之。外。人。不。可。也。授。之。於。一。二。人。之。手。而。逞。其。所。爲。不。顧。利。害。亦。不。可。也。此。則。今。日。築。造。鐵。路。者。所。宜。知。也。

嗚呼。東。清。鐵。路。一。鐵。路。耳。言。其。效。果。至。墟。三。省。之。地。死。百。萬。之。人。動。日。俄。兩。國。之。干。戈。啓。世。界。各。國。之。視。聽。費。無。數。財。害。無。數。人。而。其。事。至。今。未。已。

粵。漢。鐵。路。一。鐵。路。耳。言。其。困。難。至。費。千。百。人。之。口。舌。粵。楚。鄂。三。省。官。紳。之。奔。走。改。約。廢。約。無。

數之周折。接比。接美。無數之磋商。賠無數本。喫無數虧。而其事乃得稍稍就緒。我願自後之築造鐵路者。勿再蹈彼二者覆轍也。我又聞今者浙贛鐵路之事。又將勃起。願始事者之善以爲謀。故言其利害如此。

敬告各省自辦鐵路者 錄乙巳第十八號外交報

鐵路之利。十年之前。中國尙未知之。其後國事日亟。外人各自乘便。圖其利益。爭以貸款中國。合股造路。請於政府。其時吾人雖知鐵路之不能不造。而尙不知藉洋股以造路之利害也。每值外人之有所干求。假使甘其言。優其利。善其條約。則皆以爲無患而許之。此蔽無論政府。即紳商諸倫。爲人所誘。而誤陷於漢奸之地者。亦多有之。其間亦有明知其故而故稱不通教人而已逮後外人所索造之路。漸次開辦。而其於公司底股也。則不許華人收買。於公司事權也。則不許華人與聞。工師之造路也。於華工則時加極楚。汽車之開行也。於華客則多所留難。甚至戍之以兵。名爲保路。而人乃不能安其生矣。至此之時。條約視爲弁髦。切膚甚於割地。於是朝野上下。乃知鐵路雖有大利。然已爲之則大利。人爲之則大害。利害之間。視乎實權之所在。實權如不在己。則事前雖申明約束。亦無所用之。而拒絕外人自辦鐵路之議。以起自辦之說。起之者爲川漢鐵路。其後爲粵漢鐵路。次後爲九南鐵路。再後爲浙贛鐵路。

此數路者其初皆出於外人之請。而其後則全省之人。知其有弊。而請自辦。其委曲多相類。其間惟粵漢鐵路之實性。論者以爲中國當此之時。方憂困乏。內地富人。又不知鐵路之利。爭匿其資。是各鐵路者。雖有自辦之名。恐無自辦之實。觀成之日。悠遠無期。未必能果達其目的。此言誠是。然要不得謂非中國人心之進步也。若夫本報所慮。則不在中國財力之不足。造路而在中國人心之不皆。欲造路何以言之。每外人之欲謀得我路權也。此非可得政府一諾而即成者。其間聯絡運動。佈置浹洽。決非語言不通。風俗不同之人。所能承人其阻計。非得中國人爲之効力。不可。而此類中國人。則必備有數種之資格。而後能承其乏。必有見利忘義之天性。一也。必有運動社會之奸智。二也。二德相合。而百怪乃出焉。方其乘人之昧。飾邪說。以文奸言。則方自以爲通達外情。言之會不少。諱及其後。則真理漸明。其事之非不復能以一手掩天下之目。則以悍然不顧。冥然罔覺之氣。出之。而仍不能勝。則結外人以爲援。以自賊。其同類外人。見其已見屏於本國。非效忠於己。而即窮無所之也。亦樂從而飼養之。以收鷹犬之用。從此潰決橫出。不知其所稅駕矣。然其有一必至之勢。爲吾人所可預決者。則通中國之內。備此等之人格者。亦無慮數十人者。同其利害。勢將彼此相合成一社會。厚結外人。以與主自辦者爲敵。此等現象。今已有其萌矣。夫自理而觀之。

則主自辦者其理至是反對自辦者其理至非主自辦者其人至多反對自辦者其人至寡非不可以敵是寡不可以勝衆勝負之數皎然而自勢而觀之則主自辦者因謀公利而氣渙反對自辦者以謀私利而志專主自辦者本國資本家未必能爲之後盾反對自辦者外國政府必樂爲之強援渙不可以敵專貧亦不可以爭富勝負之數又在此而不在彼也本報竊有見於此以爲與自辦反對者今已有厚集其力專行破壞自辦之勢則通國之主自辦者亦宜彼此合縱互相聯絡以謀滅其公敵不然則以中國之往事證之凡君子小人相爭其君子未有不爲小人所敗者而況乎今日自辦鐵路之說起於臨時一則財政困難二則信用久失三則內地人不知鐵路之利四則本國無通工程學之人五則政府之志不堅六則外人之壓力極重合斯六者即無大敵自辦亦未易言乎此本報所以望各省之欲自辦鐵路者當自聯合以達其目的也

鐵路大臣盛奏澤道鐵路與福公司磋商就緒摺

竊查光緒二十四年六月英寶使向總理衙門堅索英商承辦鐵路五條以證和好其末澤道山西河南至長江經王大臣照復應俟福公司督豫開辦礦工再與妥商該使稱原訂礦務合同本准修築鐵路由礦山運送礦產至河口此河口即在襄陽可以通達長江是爲澤

襄鐵路之初議之緣起二十五年英使又以勸查襄陽至海口水道不能通達商請改道
澤州鐵路欲在河南懷慶府蘆漢銜結渡河後折入安徽正陽關以達江蘇江浦縣之浦口
改名懷浦鐵路時有御史張荀鶴條奏鐵路改道辦法亦以由淮至浦爲便總理衙門復奏
謂遠跨豫皖名爲緯路實已斜亘南北隱然增一幹路殊屬窒礙難行請 旨飭臣妥籌辦
理二十八年拳匪事定英使在外務部重申前議福公司代理人哲美森來滬述駐使之意
請 飭下以蘆漢應還本息擔任甚重設穿裂幹路斜行至浦則長江下遊客貨勢必攪爭
淨盡蘆漢無以自養爭折數十次哲美森知不可奪願在懷慶銜結後多走幹路從許州鄆
城縣另造一路向南仍至浦口告以英使所爭五路中已有信陽至浦口一路爲英商怡和
匯豐銀公司承辦既願至鄆相接不如仍循幹路而東由信陽直至浦口福公司與銀公司
同是英商當可合辦詎英使仍堅執商辦懷浦鐵路或使中國任借洋款數百萬鎊或由彼
自造奪我權利將來轉運兩省礦產彼可自便實係專顧英商之利益不顧華債之艱鉅外
務部與臣往返電商總以有礙蘆漢力持不允逮二十九年五月英使重向外務部聲請已
定之澤道鐵路由福公司代爲借款做照正太鐵路章程辦理即在衛輝府與蘆漢幹路接
聯臣初猶堅執原合同福公司應自備款項造路不應請中國借款收路山西撫臣張曾敭

悉心籌計有不可許者八端派道員志森赴湘協商冀同駁阻河南撫臣陳夔龍乘道口至清化將次告成派道員韓國鈞與訂行車章程禁止攬載礦產以外之貨物悉未就範在英使總以澤州至襄陽鐵路先經允准今既不允其另闢一路以直至長江已屬萬分爲難向部饒舌並以耽延過久迭次函部電滬催訂合同臣思山西商務局既誤給礦利於前鐵路總公司復代擔路債於後卒之路成礦成皆屬英商之利福公司且以晉礦合同標題載明開礦製鐵以及轉運各色礦產字樣執定欲在鐵路合同載明准其運鐵意在就礦設爐製鐵連礦此意尤惡夫環球各國類以煤鐵之豐歉卜國勢之強弱中國官商協力現以機爐煉鐵者祇漢陽一廠然大冶鐵砂不及山西之富厚一與接通幹路即照條約禁止內地設廠而就礦開爐製鐵轉運生鐵以及分運鐵石煤焦運往江海商埠煅煉爭銷皆足損礙中國鐵政較正太之僅許修路者情形不同且澤道經行之處俱係瘠區貨客稀少工築艱鉅必致修養之外不敷本息乃將以上利病與哲美森痛切指駁彼既因礦而及路我即就路以制礦羈輓之法議就原訂之孟平澤潞四屬內所有鐵礦暨煉鐵合用之煤並煉焦爐統由中國合股開辦仍由 國家自設鑄化廠凡各礦所出鐵砂均須官廠冶煉成鐵方准由火車裝運並聲明所指各處煤鐵如亦願意合辦由山西商務局與福公司再行商議挽晉

省已失之利防鐵路溢運之權內外協辦後爭持已及三載實已無可再爭此澤道鐵路合同未議條目以前先與修改礦章之曲折情形也查福公司道口至清化鎮九十里奇為已成之路借款收回給價多少應派員核實估正以為斷清化至澤州三十八英里為未造之路應俟礦務開辦實有把握另再續訂合同不應於此時預售借票多擔本息故名謂澤道鐵路合同實則現議借款祇敷收回道口至清化為止半年以來派華工程師候選知府詹天佑赴豫查帳勘工一一確實飭令齎回赴京由外務部加派左參議臣雷補同邀同哲美森按照滬議節略逐款磋商就緒咨行臣奏明辦理伏查現議借款合同二十一款又行車合同十款議借英金七十萬鎊五釐行息九扣交付實得英金六十三萬鎊約合華銀五百萬兩左右國家作保鐵路作抵除福公司已用工費並息銀鎊虧查照帳冊應於售票項下撥還六十一萬四千六百鎊將道口至清化鐵路收回歸併外餘剩之款儘數留備行車之經費此項借票簽字後第十年起分二十年贖還代辦行車期內餘利提給之款合同期滿歸總公司自行管理用人行政督辦大臣有准駁稽核之權機件材料先儘中國工廠承辦福公司無論明暗不得讓售別國人民亦不得假手別國之人辦理該路事務設有違犯總公司有權另招他公司接辦福公司亦不得索償此外條款悉係參酌正太鐵路合

同辦法另訂擬設山西鑄化廠並合辦礦務合同與此約同時議訂一併簽押礦務兼顧之中實屬權利併收之意合將現議合同分別繕具清單恭呈 御覽俟奉 旨批准由部咨行到臣再行會同簽押謹 奏奉 旨依議欽此

辦關內外鐵路大臣會奏提款開修京張鐵路摺

竊照自北京至張家口一路為南北互市通衢每年運輸貨物如蒙古一帶所產之皮毛駝絨販運出洋與南省運銷蒙古各處之茶葉紙張糖線煤油等雜貨均為大宗計其價值頗稱鉅數第以運道艱阻致商務未能暢旺前議設京張鐵路輒因工鉅款繁未易興辦臣等查京張一路為北方商務攸關經派候選道詹天佑前往查勘估修並公同籌商以關內外鐵路進款目前頗有盈餘擬就此項餘款酌量提撥開辦京張鐵路當飭關內外鐵路局道員梁如浩等與中英公司商辦該公司代理英人顧樸以按照合同各路進款應存天津匯豐銀行作為借款之保所有經理養路各費開支餘贖備還借款本息原約均已載明須彼此商議妥善方可提用經梁如浩等酌擬辦法函致倫敦中英公司由該路進款餘利項下除劃存備付六箇月借款本息外其餘應聽該路任便提撥作為開辦京張路工之需復由臣等函准英國使臣薩道義稱此事已准本國外部電稱中英公司現以鐵路進款餘利中

交通

九十二

十月

國鐵路局可任便使用該公司已函致鐵路宜俟該函裏到等語該局旋據顧樸函稱接倫敦來電應備存一年本息續經梁如浩等駁令仍照原議商辦現據顧樸函稱倫敦公司已允除將餘款劃存六箇月借款本息餘可動用請照辦等情伏查京張一路約長三百七十餘里其第一車站應設豐台沿途地多平坦中有數十里山路崎嶇尙須開鑿綜核全路工程通盤約估如買地填道購料設軌鑿山建橋共約需銀五百萬兩左右若從速動工四年可成擬即就關內外路進款餘利項下每年酌提銀一百萬兩四年以內可得銀四百萬兩又查庚子年後關內鐵路因亂被毀曾於進款項下墊撥修路之款暨收路後墊還各項帳款應在大賠款內撥還者約有八十餘萬兩可提統計約可敷京張全路工程之用據關內外鐵路局道員梁如浩陳昭常詳請前來臣等查京張鐵路關係緊要亟宜即時開辦正慮籌款維艱現在關內外鐵路餘利既多且經商允中英公司但須備付六箇月借款本息餘可任便提用自應將此項餘款分撥修造京張鐵路以濟要工此路即作爲中國籌款自造之路亦不用洋工程師經理自與他國不相干涉仍飭將全路工程測勘完竣繪具圖說另行核辦謹 奏奉 硃批外務部知道欽此

雲貴總督丁奏請興築滇蜀鐵路摺

竊查滇省南通閩越北達黔蜀崇山峻嶺舟楫不通而自來五金礦產蘊藏甚富近以民間生計極難公家度支竭絀外省富商大賈畏道途險遠轉運艱難商務日形疲滯居今日而講求財政固非鐵路不爲功況滇處極邊尤非興辦鐵路不足以自保利權而固封守查滇越鐵路由法訂約修築現正逐段趕辦尅限程功商務之暢興計日可待前據滇紳在籍翰林院編修陳榮昌等請在雲南省城自開商埠經臣奏明在案竊念由滇至越路遠外洋由滇至蜀縣屬腹地滇越既通鐵軌川漢亦已籌修中間相隔僅一千餘里揆情審勢斷難任其間隔不通亦斷無出境之鐵路已通而內地轉終於隔閡之路且及此不辦又將坐失先幾臣與司道等再四商酌意見相同正欲陳請籌辦適據雲南在籍紳士翰林院編修陳榮昌庶吉士羅瑞圖李坤主事倪惟誠張忠胡壽榮道員徐秉和李光翰王鴻圖馬啓祥湯曜知府何紹堂等稟稱鐵路之利中外所爭然自辦則利歸諸己人辦則利屬諸人滇越路其往事矣一旦告成自滇通蜀之路勢將接踵而來若不及早籌維自行開辦必貽後悔卽湖南廣東等省亦屬前車伏思川漢鐵路曾經四川總督奏准開辦滇省事同一律該紳等查得雲南省城達四川之瀘州敘州等處計程皆千餘里修築之費約需一千數百餘萬兩且路達川黔三省官民合力集股衆擎易舉當不甚難擬請興築滇蜀鐵路設立公司籌款勉

期開辦仍照川漢鐵路章程專集華商股東期與川漢滇越兩路首尾銜接脈絡貫通商務必日臻起色利權亦不至外溢等情請予核奪前來臣查該紳等所擬與辦滇蜀鐵路實於商務交涉兩有裨益明知款銀工艱而衆議僉同勢不可緩惟當竭蹶籌維官商通力合作以保利權而興商務如蒙俞允再由臣分咨川黔督撫臣督飭官紳設立公司妥定章程合詞奏明辦理謹奏

署兩江總督周札行江甯藩司申明內港行輪約義禁止洋商違章行輪通飭各屬一體遵照文

前據海州知州王曜電稟接青島膠海新關哈稅務司函以德商擬成洋行擬由青島用小輪裝洋貨至海州並擬由海州購買土貨來青島售賣均照中國向章完納進出口稅自應准其貿易抄章函請照辦等語由該州具稟請示前來當以海州非通商口岸電請山東撫部院並哈稅務司查復旋准復電謂去年三月外務部續訂青島關章第三條適符此案是以遵辦哈稅司並云沿海不通商口岸即同內地等語卷查三十年二月准外務部咨青島設關應照他口發給就近入內港執照擬定專章六條由德國大臣與總稅務司畫押施行咨行查照其章程第三條內開此項輪船准在青島水面隨意行駛或照章由青島赴內地

各處並由該內地駛回青島或由青島駛赴內地轉過通商他口至內地駛回青島並准報明內地關卡違關納稅遇卡抽釐即可在沿途此次所經貿易各埠止運客貨等語當以此項章程專為內港行輪而設聲明按二十四年二十八章章程辦理查二十四年章程載明非出海式樣之各項華洋貿易輪船或在口岸內駛行或往來內港或在各口駛赴內港等字樣是均祇准由口岸行駛內港並非准由通商口岸出海再到不通商口岸則此章由青島赴內地各處一語係指由青島入膠州本口赴膠州內港之各處而言所指內地即係內港海州係不通商海口並非青島之內港由青島至海州須行大海與發給就近入內港執照不符與非出海式樣輪船之語亦不符而哈稅務司謂沿海不通商口岸即同內地恐係誤解惟原章語意渾含解釋易誤咨請外務部明晰剖示以便遵行旋准電復查舊約原有洋船如到沿海不通商地方擅作買賣即將船貨一併入官之條嗣因議有內港行輪章程其第一條即云內港二字與煙臺條約第三端所論內地二字相同煙臺約云沿海各處不通商口岸皆屬內地此即哈稅務司之說所本也膠關章程本部前咨就近二字係述總稅司來函之語查該章程實無就近字樣前議日本商約時查出各關准小輪行駛沿海之威案既有多起載在該約附件第三令欲禁阻德商行輪至海州恐亦徒費唇舌難期補救至

來 照

本 主 與

乙 巳

慮此端一開沿海皆變成通商口岸則尙有限制照章准由口岸駛赴內地由內地駛回口岸據此要義不得由外洋逕駛至內地亦不得由該內地逕駛赴外洋自與通商口岸有別總之如該船未領有內港牌照仍可照約拿獲充公近有英商麥邊洋行運貨出吳淞至紹興一案情形略同甫經飭總稅司查復咨行在案無庸再飭查明惟英日商約各附行輪章程有商船未經到之內港設輪行駛須由該省督撫體察情形等語如有窒礙情形亦可據令稅司婉阻不必執內地二字爲辯希酌核等因前來本大臣查內港行輪章程內港二字已指明與煙臺條約之內地二字相同實已包括不通商口岸在內無可與爭但向未通商之地商民如果疑阻自應照章由各省督撫隨時隨處體察情形如實有窒礙之處仍可飭令稅關婉阻再查內港行輪必須先領稅關牌照擬請以後凡不通商之口岸如關道稅務司等查明係違章程准其貿易之地而商民向未與洋人通商恐因此疑阻致生枝節必須先由稅務司會商關道詳請督撫查明該處能否通商無礙再行核奪不得一面逕發牌照一面稟報督撫以致派員勸諭不及除海州一案已經派員會同海州查辦並咨行外查各處小輪盛行不免時有似此情形之事原稟語意渾含誠恐解說歧異致生辯論既准外務部明晰電示札行甯司通飭所屬一體遵照

中英續訂滇緬通電條款

第一款 大清國大英國彼此願將電報便於傳遞擬將前訂中國在雲南邊界英國在緬甸邊界兩線相接各條款重為酌改以期暢達 第二款 中國電局騰越英國電局周岡原為兩接線之局暨尤為中間之局均仍照舊 第三款 中英兩電局彼此應將相接之線時時認真修理保護即用第一款內所指之兩局或以後另定之兩局傳遞各報兩國在本境內所需此項各費應各自出資其兩國之邊界尤須慎守以清界限 第四款 所有電報在第二款內所指接線之兩局傳遞者均照萬國電報公會所定章程辦理寄報之人如不注明由何路傳遞而此條線路與別條線路遲速無異彼此議定如果價目較別路便宜此等電報須全歸第二款內相接線上傳遞若價目一律應分半歸相接線上傳遞 第五款 兩國至本國邊界為止各自定價收取報費 第六款 第二款內所指接線上傳遞各報費開列於後 甲印度電局應收本線費 一緬甸各局至中國邊界各報每字十生丁 二印度各國至中國邊界各報每字三十五生丁 三錫蘭各島至中國邊界各報每字四十五生丁 乙印度電局應收過線費 一中國邊界及其餘各邊界各報每字三十五生丁 甲中國電局應收本線費 一中國與歐洲並歐洲過去諸國在內來往

交通

九十七

乙巳

各報每字三法郎克三十六生丁 二中國與美國來往各報每字四法郎克八十六生丁 三長江或長江以南各局與其餘各國來往各報每字二法郎克 四長江以北各局與其餘各國來往各報每字一法郎克五十生丁 五 一緬甸印度錫蘭與雲南來往各報每字五十生丁 二緬甸印度錫蘭雲南與來往中英兩國官報每字二十五生丁 乙中國電局應收過線費 一歐洲並歐洲過去諸國 在英不與中國過去諸國來往各報每字三法郎克三十六生丁 二美國與中國過去諸國來往各報每字四法郎克八十六生丁 三 一中國邊界與上海或長江以南各邊界之局來往各報每字一法郎克二十五生丁 二其餘各邊界之局來往各報每字一法郎克五十生丁 此等報費專指中國與緬甸印度錫蘭兩鄰國來往電報其中中國與歐洲美國來往電報不得由中國分局或經手人照此價目私為接轉以杜取巧此約款期內倘中國電局或他電線公司在中國設有電局將中國 在青港 與歐洲並歐洲過去諸國來往各報報費減去若干其經過緬漢接線處各報之本線並過線費中國亦允同時一律減去一半 第七款 第二款內指明之接線兩局每日須將來往各報字數以電核對所有帳目須於每月月底結算清楚帳目找款應歸印度者即匯恰爾克得之印度電局歸中國者即匯上海之中國電局不得過每月結帳一箇月

之外一律找清月分照西歷算帳各報均作二等不收報費 第八款 中國電報各局照此約款第六款內所定之法合法郎克收取報費其報費及兩局結帳找款須用英洋每英洋合法郎克若干應照實在市價核算此價應由兩國之兩電局每年分四季每季須在一箇月之前照上季酌中之價彼此知照定奪至付代收中印過去諸電局報費中印兩局可將數目互相知照收費並結算時彼此可以隨時作價免致吃虧 第九款 此約款應於光緒三十一年四月二十九日即西歷一千九百零五年六月一號起以十年為限期滿後如欲將此約款停止以及更改此約於十二箇月前知照否則仍照前辦理 此約繕就中英兩國文字各三分校對相符於光緒三十一年四月二十日即西歷一千九百零五年五月二十三號在北京畫押 大清國外務部尚書會辦大臣那 大英國欽差駐紮中國便宜行事全權大臣薩

各省航路彙誌

京師 外務部准江督咨照會各國駐使聲明小輪行駛內港辦法凡華商買用洋商小輪務須稟明並將一切契據交由稅司轉送監督查核一面由被國領事照會監督存案其華輪賣與洋商亦須具稟由稅司轉送監督查核無異即行照會被國領事挂號給照各領事於此等華輪賣與洋商之案務須接有監督明文方准掛號作為其國船隻若洋商租

用華輪不能作為洋商船隻云

直隸 天津工程局以運河淤淺往來船隻多阻滯特由大沽船塢造成新式挖泥機器船一艘駕駛來津即由金華橋西上節節疏濬以通航路 北通州紳民近擬聯合日商疏濬運河以達天津而至山東並行駛小輪

江蘇 江陰常州無錫諸處向祇信船往來並無小輪近招商局稟准滬甯道移文江陰擇開橋南首永定壩旁設立埠頭而以小輪駱地馬往來載貨搭客經已開局 近有某商在滬設一大盛輪船公司置備頭等快輪往來蘇州無錫上海一帶 南通州大達小輪公司近續置輪船兩艘一名達揚一名達泰專走通揚一帶並購有淺水挖泥機船先在通行

航路逐漸淘深復於海安鎮舊城河各處開濬寬闊以暢行駛經張季直殿撰移請商務局分行沿途關卡並經過地方一體妥為保護以重航業

江西 贛省章江門外拖帶民船小輪創自福康公司見該公司官輪局繼之陸續添設碼頭大興航業近聞英商太古洋行又添淺水大輪船一隻名曰沙市往來潯省

浙江 甬北華勝洋行前糾集股本稟准當道購置小輪一艘往來甯波甯海等處

湖南 湘省內河小輪通行向只駛赴上游湘潭而止近經湘潭唐紳購置翔鷗小火輪一艘往來株州生涯頗盛將來探明河道更可推廣上駛

廣東 新甯余李兩君以本鄉出洋人衆凡獲海新昌各墟販貨外出者向皆附帆船而至港澳今擬合股擴張航業擬詳查關稅及開擬章程自造輪船由鄉往港如有成效則推廣至南洋各埠云

廣西 內河各處自奉 諭准商人集股行輪挽救利權後柳河甯河龍州百色均一律有商爭辦惟桂林河道河石崎

輪船礙難通行近有利商公司厚集資本定做新式淺水車船六艘專帶郵文順搭客旅議不載貨務從輕快已與郵政立約歲繳郵資若干以圖兩益

各省路政彙誌

京師 五城察院以宣武門外道路崎嶇急應妥速修理以便行旅而壯觀瞻經議由五城地面酌提款項派西北兩捐揮督飭夫役修理先將石路兩旁鋪墊平坦城內外廢溝廢渠溝瀆灰漿俾得正直坦平一新耳目以利行人 京張鐵路決計自辦已有成議茲聞該路辦法已由直督奏定約舉如左 一本鐵路由北京發軔直達張家口名曰京張鐵路

一本鐵路造成藉以輸出蒙古一帶產物如皮毛呢絨之類輸入茶紙砂糖煤油等貨以圖運輸之便而謀國益 一

本鐵路已派詹道天佑確實查勘 一本鐵路估須資本五百萬兩暫向關內外鐵路借撥已與在英國之中英公司購

妥 一本鐵路歸中國人自辦一切工程轉運皆不准外人干涉 一本鐵路期於四年完成每年由關內外鐵路公司

餘利項下支撥一百萬兩餘一百萬兩則由該公司庚子事變之際所收債款項下借用 一本鐵路計長三百七十餘

里第一車站設於豐台營即興工趕速建築 商部以關內外鐵路總局既決議自辦京張鐵路擬請并將門頭溝至蘆

溝橋之鐵路與修以免外人覬覦計該路共長四十華里約需費四十萬金左右

山東 近聞山東全省鐵路有多築支路之議除膠濟鐵路外一濟甯鐵路由濟南府達濟甯州二德州鐵路由青島達

德州三省南鐵路由青島南達江蘇宿遷等處此外如西北鐵路接至直隸境內西南鐵路接至河南境內先事布置願

為完密

江蘇 滬甯鐵路購地工程自第一段起至第五段止漸次告竣復將由鎮至甯分作四段前後共計九段惟查第八段

屬句容縣界內有青龍山煤礦頗著成效江督周玉帥特咨商鐵路督辦盛宮保轉飭勘地委員務須繞道青龍山多造枝路一條以備將來運送礦煤較為便捷聞盛宮保已咨復照辦矣

福建 考卷閱廣商務大臣張侍郎振勳近擬開辦福州至廈門鐵路經電請商部代奏當蒙允准 閩省紳商因外人頗有覬覦鐵路之意願合力籌集資本興築境內各處鐵路一接江西一接浙江一接廣東擬按照江西成案公舉陳紳寶璋總辦其事經同鄉京官郭侍郎會折等六十九員聯名具呈商部請為奏明辦理

湖南 粵漢鐵路工程以湖南為中段近已決計贖回自辦

廣東 廣州至九龍鐵路本由中英合辦近來英人之意僅允離廣州二十五里內作為合辦其餘須任由英商獨辦已由駐華英使向外務部催詢 粵漢鐵路廢約一事爭執經年近始稍有頭緒聞張盛兩宮保於甲辰冬間屢電駐美梁星使囑向美外部聲明贖回自辦並宣言前交合與之四百萬小票因未核准不得發售且刊登彼都各大報告白聲明此等小票中國不能承認梁星使當即遵照分別辦理後美外部接到梁星使照會於合與所為並不袒護惟聞贖回之時合與所開帳目須我國付美銀三百六十萬元九折內除造路五十三英里之費用及存儲材料並利息念萬外尚有紐約費用上海費用廣東費用等名目兩宮保擬以工程可估單為底本核其有憑單者方能付款大約不過美銀二百二十餘萬而已六九 廣州城外芳村一帶地方極便交通實為商界中最優勝之形勢新甯黃君詔平曾購地於此開闢商場建築貨倉碼頭等項聞由京來粵之巡工師西人泰君擬在該處建一大馬路由車尾礮臺以達花地約占地五百畝所有建築棧橋及馬路各費先由業主籌資集合一大公司每年每畝先墊款十元以成此路若業主無力墊款則該地由公可兼領擬定每畝價銀一百二十兩至公司他日如何取價權利於馬路其詳細辦法尙未宣布

各國航路彙誌

俄國 俄國欲使黑海濱之扣順埠與波羅的海濱之爾尼加埠互受交通之益故倡議設法將拉伯河及其旁支勃爾西那河與圖那河鑿通計長一千英里現正委員估計工程以便籌款開辦

德國 北德意志郵船公司近開一新航路由德國伯雷門大埠直達澳洲並往來鴨華各埠各路客商皆喜其便捷此後德澳商務必有蒸蒸日上之勢

法國 法國海軍省以巡洋艦蘇爾尼號觸礁沈沒始知舊繪海圖實不可靠欲重行考繪以期精確出示曉諭無論何項人等苟能覓得一暗礁為舊圖所未載者賞法銀一千佛郎克並諭令土人業漁者如見海中有阻攔之處當迅速報知海軍省官員查看云

丹國 丹京哥奔海根近有人設一輪船公司專來往日本丹國

美國 太平洋為將來商務中心點故美國近造最大郵船聯格東西洋第一船名密納沙得長六百三十尺闊七十三尺半從天橋至龍骨深八十八尺四寸重二萬三千墩容貨二萬八千立方尺機器三具每具有五千匹馬力一小時行十六海里載客二千人水手及管理者二百五十人船內各物完全皆用電氣其電機有一千五百六十六匹馬力

物 志 第 二 卷

卷 二



二 四

十 五

商務印書館出版
格致類教科書

最新中學生理學教科書

洋裝布面每册
售價大洋一元

奏定中學堂章程第三年第四年課程均有生理學一門本館覓得美國史德爾新著原本淺顯易明切於實用條目清晰圖畫精良特倩名手譯為漢文全書二百七十餘頁共附圖八十五幅內有着色圖三幅尤為精妙

最新中學物理學教科書

洋裝布面每部一册
售價大洋二元


英儒巴克爾謂進化之功蓋學居十之九而政教之力不與曾哉是言今欲開吾國民智非人人稍通格致之理斷無實益是書為美國最新教科之本本館特聘素精格致之謝洪實先生譯為漢文理明辭達得未曾有全書共五百餘葉為圖四百八十有八誠格致書中之大觀也各省書莊均有發兌

中學物理學

力學一册 價洋一元
熱學一册 七角

我國所譯物理學以製造局所譯之物理學上中下三編為最詳然專門科學之書非教科之本是書為新會伍昭辰先生編輯先生留學美國大學有年精通理化蒐羅西國名家著作纂譯成編陸續付印圖畫精美為學堂教科善本而搜羅宏富疏解詳明尤為專門家參考所必備○磁學現已付印不日出書

商務印書館新編
算學類教科書



洋裝布面
共兩大冊

每部定價
二圓四角

代數一術為格致底理
中學要科舊有譯本非
缺而不全即繁而寡要
且閱時已久其法未免
陳舊本館特請山陰謝
君洪賚取美國最新中
學教科之本纂譯是書
綜其專長凡有三事簡
要不煩完備無缺一也
起手合法引人入勝二
也設題新穎習之多趣
三也刷印鮮明洋裝精
緻猶其餘事各處學堂
及有志獨修者試取用
之

高等學堂用
微積學

微分積分術為算學上乘吾國習算之
士久已講肄嘗苦書籍之寡不足以資
研究美國績學士潘慎文先生前著八
線備旨代形合參二書久受學界歡迎
今復纂譯此編付本館印行以備高等
學堂教科之用其書價值無待贅述卷
首論微積學源流可補疇人傳之遺末
卷以微積推科學要題為最新最捷之
法各學堂及自修之士均當奉為寶笈
也精印西裝布面金標全部一冊定價
一圓六角

編 新 館 書 印 務 商

書 科 教 堂 學 中

國文教科書	國文 典	算學教科書	代數教科書	幾何教科書	三角教科書	中國歷史教科書	外國歷史教科書	中國地理教科書	外國地理教科書	物理教科書	英語教科書	地文教科書	動物教科書
				已出全		已出未全	近刊	已出全	已出全	已出全	近刊	近刊	近刊
植物教科書	礦物教科書	生理教科書	法制教科書	理法教科書	習字帖	習畫帖	用器習畫帖	歌譜	體操教授法	化學教科書	日語教科書		
		已出全								已出全			

商務印書館新編
初等小學教科書

最新

修身教科書

第一册
大洋一角

我國經傳多言修身祇以理境精深非幼童所能領會雖曰蒙養而實未嘗有所養也是書爲初等小學堂第一年前半年之用多取古人嘉言懿行之易於奉行者繪爲圖畫不著一字務令兒童見之不生厭倦教員就圖解釋涵養德性自能收效無形

最新

修身教科書教授法

第一册
大洋一角

依教科書編纂每課均註明出處詳列教法教員得此圖便指示即家庭教育亦可採用較彼廿四孝陰騭文有益多矣

宗教

書江督阻日僧傳教函後 錄乙巳七月十三日新聞報

吾讀江督覆外務部阻止日僧傳教一函。危詞正論。極力爭執。而知中國近日辦理交涉。一變從前服從之宗旨。中國向遇外人要挾。僅顧目前之無事。而不計及後日之如何困難。如何危險。但求得過且過而已。卽有明知後日至如何困難之地位。處如何危險之境。而迫於國力不振。國勢不敵。國權不張之故。往往略一爭執。而外人不允。政府諸公。卽一律允諾。雖萬不可許者。亦一律允諾。夫辦理交涉。千端百緒。而扼要之處。不過可允者。允之。不可允者。百折不回。二語盡之。蓋無挾而求者。彼此交換利益。遇事皆可通融。有挾而求者。允諾必有虧損。絲毫不容假借。故辦理交涉。於國體無傷。國權無礙之事。未始不可允許。然此猶不免起失權受損。釀禍構患種種之交涉。至萬不可允者。而昧焉允之。則失權受損。釀禍構患之交涉。吾知異日必有應接不暇之苦。而中國必處於萬無幸免之界。自去年日僧有要求在江浙傳教之信。本報獲此消息。深懼政府諸公。泥於同文之說。不知立國大計。一味遷就。而遺中國將來以不測之禍亂。又傷兩國素日輯睦之感情。本報一再論說。其所以不憚煩

續者。一則迫於救中國之心。一則迫於愛日本之心。夫使日僧傳教與中國有利無損。本報亦樂贊成。借此以聯兩國人民情誼。然中國今日處此困苦。其原因日人想亦知之。若再以日本釋教流入中國。是直為中國添無數之糾葛。為中國增無窮之隱害也。記者忠告政府。於日僧傳教一事。萬不可允許。此記者救中國之苦心。迫於不得已而發之。日人當曲為體諒矣。中日兩國同處一洲。關切之處。比他國尤為重大。若使日僧傳教中國。是直使中日兩國因此而起齟齬。使中日兩國因此而生嫌隙也。於亞東大局更有非常之關係。記者婉勸日本政府。在中國流傳釋教一事。尤萬不可實行。此亦記者愛日本之苦心。迫於不得已而發之。日人更當曲為體諒矣。夫中日交情。近者頗篤。在政府已盡捐甲午之嫌。在人民又漸忘庚子之事。故於日俄開戰之初。華人頗表同情於日本。然自日本開戰勝利以後。在遼東半島一切舉動。證以中西報章。采諸近來輿論。未有不為中國政府危者。未有不為中國人民懼者。若再以釋教推行內地。斤斤爭執。求達目的。更不能測日本政府存心之所在。更不能解日本人民用意之何屬。日本如真為維持中國也。則不妨以他項教育輸入中國。日本如偽為維持中國也。則必堅執以釋教輸入中國。日本釋教不輸入中國。則已不幸。而輸入中國。也不出十年始則華民與日僧不相安。繼則日僧與他教不相安。小則釀成膠州之覆。

戰。大則激成拳教之相鬩。東西交責。中國尙能支乎。

署兩江總督周因日僧傳教復外務部函

敬復者接奉鈞函日僧傳教一事飭令體察地方情形商酌辦法從速妥議見復等因查江南等處寺僧向來安分守法有僧綱司爲之箝束有方丈爲之主持其收徒給牒則呈報於有司其創修廟宇則取決於紳士其徒衆宗派相傳類皆恪守清規不與外事偶犯戒律小者懲責戒尺大者革出山門故能奉法維謹其田地廟產皆由官紳商民布施爲之護法間有詞訟由地方官一體傳訊聽候判斷毋敢抗違其平日誦經功課則祝釐祈禱惟願民安國泰萬壽無疆其建設齋醮則藉念經功德自食其力完糧交租迎神賽會與平民無異江淮南北大概略同今日僧傳教能悉如上所言乎若不能是歧佛教而二之也歧而二之則經典不同師法互異各有門戶顯分畛域將來必有中佛教有日佛教如天主耶穌之分兩派兩教相爭相軋樂禍好事之徒再搆煽其間禍且無已此必然之勢非好爲危言也原佛教始入中國本由天竺而來其地即今之印度然二千年歷久相安教從外國來從無仗外國保護之事今若准日僧設堂傳教僧侶及皈依之人一體歸其保護其愚昧者恃保護而輕犯法其凶狡者藉保護而思抗官此譬如無疾之人呻吟求醫妄服藥劑非特無益必致

生疾僧徒異服異教本與平民迥然不同其能永久相安者平民信僧徒無倚勢作威之心僧徒亦知平民無彼此異同之見故論宗教則各行其是論情誼則各安其常也今日人傳佛教願引耶穌爲比查耶教在中國何嘗不傳布宏誓何嘗不勸人行善何嘗不分財施衆何嘗不贈醫給藥然民人言及教民無不痛心疾首者何也教民之良善者誠不乏人其黠桀者率皆恃教爲護符魚肉鄉里不服傳喚偶有細故教士袒護挺身插訟地方官不能盡明立約傳教之本意深懼別啟釁端每有抑勒平民隱忍公事教民訟勝則氣燄愈張百姓蓄憤愈深則禍機驟發愈烈拳匪之亂推原禍始未必非教民所釀成雖以八國聯軍之勢萬民荼戮之慘 朝廷屢下哀痛之 詔旨百官有司宣布三令五申之文告然民皆面從其私心隱微仍有積不能平之處如電光石火一觸卽發此皆日本官商所共見共聞者也泰西以新舊教相爭之故用兵百年殺人至百萬後始翻然覺悟不復強民從教禍根方絕於西方釁端又萌於東亞立約傳教以來五十餘年矣始則教與民仇民與教仇繼則教與教仇紛紜繳繞不可究詰此又環球人士所共見共聞者也民教成仇致乖睦誼各國之通人志士方且引爲殷鑒亟思變計著書立說謂傳教不無弊端日國通儒亦多持此論今不引以爲戒反從而效之曰耶佛未可歧視吾欲仿西人傳教母乃時勢大相背謬乎商約二

十五款利益均霑之說爲通商行船言之今欲強引爲傳教之比例夫傳教有何利益歷稽成案祇有德教士被殺遂據膠灣爲利益之最大然此豈文明之通例萬國之公法乎中國教門向來不一佛教之外復有道教回教道教寢衰回教之民在西北者且千數百萬若譎罕默德之教授日僧爲例又將何以拒之各國基督教最盛此外之婆羅門教波斯教摩門教宗教不同者尙以十數若皆援日僧例則徧地皆教民教禍更無底止矣比年以來學堂諸生願師日本游學諸生願留日本兵操則思改日本語言則樂效日本皆因日本同文同洲相親相睦暱而就之若一設堂傳教勢必良莠不一流品混淆宵小潛蹤支離蔓衍恐今日仇耶教者將來且轉而仇佛教不特仇佛教且轉而仇開堂傳教之人也佛教入震旦以不爭競爲宗旨士大夫信從綿延不絕印度之教日就衰滅而宗派轉盛於東方耶教倚仗外勢動挾兵威然各教會竭盡能力合中國天主耶穌兩教徒衆計之曾不及佛教十之一二論者爲中國人有特別之性質與各國之民殊而不知傳教本論理非論勢挾勢傳教人已知其理之不勝矣馥體察情形知江南斷不可開堂傳教傳教斷無利益非特無益且有損不必論將來虧損如何即以佛教比耶教中國人謂日國有教士有教民殆與各國之教士教民無異則日國名譽已大損矣馥服官北洋三十餘年辦理教案以千百計庚子之

亂辛丑之和亦與教案相終始知之最深者言之尤切近日江西棠浦地方因真姓不願村中傳教殺死教民六人開胸破腹備極慘忍教士噫噫至今不已教民無辜良可哀憫殺人者死又須抵償嗟彼愚民遭此殘害此又目前近事言之而痛心者也務乞鈞署主持至計將開堂設教有損無益之處切言於日使言之而信此兩國之福也若其不信諺有曰欲知來者視往昔試觀從前各國傳教是何情狀則可知後來日本傳教作何結果矣中國聽民從教與各國同然無治外法權與各國異如日人固爭不已必欲傳教則請與日人約一如日人與泰西訂約故事以若干年爲期中國將律例參仿東西各國修改妥善收回治外法權彼時日僧如來當聽其徧游內地傳教斷不稍加裁制若無治外之權則皈依多一教民卽地方多一教案游歷多一教士卽政府多一交涉三十年之賠款九萬萬之膏腴取之於民至爲慘酷實不忍一誤再誤復貽患於將來此誠椎心泣血之言非第取益防損之說也區區愚見是否有當伏乞訓示祗遵

各省教務彙誌

山東 德國禮賢教會牧師及華教士一人近往增城傳教途中遇劫衣物被掠一空並將該牧師槍傷報由德領事照請魯省大吏追賊究辦省吏以該管文武平日捕務廢弛至此等重案實屬玩誤已極卽勒限務將賊賊悉獲以憑究

勢

安徽 舒城縣屬百神廟於乙巳五月間分設天主教堂一區後因不戒於火焚去一角教民饒某等遂借此經陷鄉鄰張皇其詞稟訴陸司鐸謂為大香會匪開教該司鐸不察遂信其言函告舒城縣王大令飭差分頭拘捕繼知其事不實追回拘捕之令而被誣之家已騷擾不甯旋經該縣選就議結飭令舒邑紳董出具民教相安切結修整草屋及賠償什物銀五十兩蕪湖翁司鐸亦允將不安分教民查明斥革懲辦彼此各安本分此案遂和平了結云

江西 贛撫胡鼎帥以各屬收令每多不諳交涉條例遇有教案不能持平辦理甚有任意草率斷結以致結後又生萬難殊非慎重之道特通飭所屬凡民教案件議結之時必須各該州縣先行擬議辦法稟請核准後方可斷結以昭詳慎各屬均已遵照辦理 萬載縣天主耶穌兩教尋仇焚燒房屋傷斃人命一案現兩教神甫牧師均不干預其事將兩造滋事教民盡行革出經該縣張大令拿獲兇犯收押彙公詳訊定擬究辦

浙江 餘杭縣東北鄉子午里美國傳教公所被劫拒捕一案前經方大令會營購線人賊並獲按律擬罪嗣復將未獲各犯按名緝獲除鮑蔣洽格範周福興李果司就地正法外其陳友勝李福春彭萬年王彩起朱阿六等均擬分別議結保釋並李仔鄉顧亞登酌予監禁三年朱瑞壽酌予監禁五年朱烏皮樓金壽各予監禁一年仍飭役捕拿大老李到案究辦 安吉縣屬遞浦鎮多留紹台等處客民屢聚耕種七月中旬因天時早曠愛循俗例舉迎龍神祈雨踏經天主教堂門首因該處設有祭壇暫將神與歇息堂中教民堅不允許彼此口角教民等遂將龍神推仆並毀其輿於是鄉民意聚愈衆率向各教民為難盡將堂中門首等物搗毀該縣聞信立往查勘見鄉民勢猶洶洶一面勸其散去一面將緝教士護送入城並令轉致各教民勿再出頭多事其為首滋事之人仍密行訪查務獲訊辦云 甯海縣教民為世遺為

綜 數

五十七

乙巳

本族同教人葛達潭等因仇殺斃屍子葛金斗呈報該縣張大令後即派幹役懸賞購緝會營緝拿旋台防右旗防勇馬某及楊什長等隨同屍子葛金斗探聞該兇匪等匿跡沙堤村附近即於六月十七日夜巡至該處迨五更時暫憩路廊詎有匪徒五六十人葛達潭爲首各持槍械蜂擁入廳楊什長等齊起格捕衆寡不敵葛金斗及防勇谷某均被殺斃餘俱受傷李某尤重葛金斗首級並被兇匪割去攜之而逸十八十九二十等日由沙堤而至小廳而東奧而沙裏以及海游西洞等莊到處張貼偽示散放稟布倡言滅教誘脅村民張大令及花管帶會督姜陳葉三哨弁嚴緊尾追而該匪等於二十二日自大洲落海逃至花嶼塘登岸將該處天主堂所建開墾塗田之所房屋焚燬並搶掠銀物擄人勒贖花管帶即駕船從水路追捕並得台州緝捕營戴管帶甯波練軍中營劉管帶副中營陳哨弁等皆奉飭調於二十二暨二十四等日先後率隊到甯嚴密防捕張大令及花管帶及姜陳葉三哨弁等亦於二十二日先後在海游東屏等處追及匪蹤匪等開槍拒捕當場格殺悍匪張逢才一名格傷匪黨葛朝育毛從吉陳厄金楊榮慶胡法水等五名並即擒獲匪勢不支始各獸散官軍奪獲令旗稟布簿摺等件一併帶縣所獲之匪因傷危重旋各身死姜哨弁亦於二十四日在小浦地方緝獲逸匪章風富一名解縣訊辦惟首犯葛達潭有逃入海洋之說已由吳吉人統領遣派兵輪前往兜緝云 東陽縣屬寶山村鄉民與教民因細故起釁糾衆爲難即將教堂及教民房屋紛紛搗毀并聲言專與天主教爲讐近經該縣楊大令將鬧教情形飛稟道府云 處州府屬慶元縣僻處萬山俗尚悍陋每與西教不洽近因細故時有民教涉訟諸多糾葛礙難訊結匪徒遂乘機煽煽聲稱縣主湯大令袒護教民將執平民嚴加懲辦因之民皆憤恨於月之某日糾衆與教民爲難湯大令立派兵役前往彈壓民復悞爲拘捕擁至縣署將公座及門窗等悉數搗毀湯大令乘機隱避免被害辱旋經紳耆等竭力排解方始散去現由湯大令飛稟道府並通詳大憲迅即調兵鎮攝而教士亦起而責問大令

云

廣東 惠州府屬博羅縣民教交涉頗多近有法教士馮輝生至縣干涉同縣縣主不為理竟敢在堂大肆咆哮該縣令稟訴粵督岑雲帥旋即據情照會法領事請將該教士撤回另派教士前往飭令不可干涉同縣其餘未結各案仍責成該縣隨時持平辦理云

廣西 陽朔縣舉人趙元杰等以匪犯挾救肆逆事具稟督院旋奉岑雲帥批云教民為匪犯法應由地方官一律拿辦祇問是匪非匪不問曾否入教節經通飭遵照在案據稟已獲之楊麻子即楊七妹結會拜誓種種不法既經匪黨李老寬等指供確鑿何以桂林府吳守並不訊明從速稟辦所稱該匪恃教狡供復有教士為之解說教未即辦等情是否屬實仰廣西按察司即飭桂林府立提該匪楊麻子嚴行訊明如果確係著匪即由該府迅速按擬懲辦教士如敢出頭干預並即按約嚴行駁斥勿稍遷就云云

雲南 順甯府屬羊八景寺喇嘛近忽作亂結黨七百餘人分擾瀾滄江沿岸圍攻法國教堂焚燒教士房屋有數教士逃避無蹤省憲聞報立即派兵往剿駐華法使已向外務部交涉

蒙古 俄希臘教近在蒙古及西北邊一帶傳教者甚多據俄使署最近之調查中國人入該教已造冊註明者共計三萬七千二百餘名其中商民居多旗人次之聞俄人多以資本貸與商民經營商務故皆樂入其教云

宗 教



六 十

十 月

商務印書館新編
高等小學教科書

最新
理科教科書

四册全
每部大洋八角

是書為山陰謝洪資先生所著並由日本前高等師範學校教授新保磐次君山陰杜亞泉先生參訂材料精當部次分明最便初學附印五彩圖及精圖三百餘幅書共四册每册四十課每星期教授一課以一年畢一册誦習既竣不患無普通之知識矣○教授法稍緩出書

最新
地理教科書

四册全
每部大洋五角

是為高等小學堂第一第二兩年之用共四册每册四十課每一星期教授兩課以半年畢一册前一卷論中國後二卷論外國皆按最近情勢立論敘次明晰詞旨簡雅可為初學精本摺印銅版精圖一百餘幅幼童讀之尤有興味○另附五彩萬國輿圖一册零售價洋三角五分

商務印書館出版
國文類教科書

文學初階

卷五卷六每册一角五分

紹興杜亞泉著○書分六卷自淺入深循序漸進如一二字相聯紐導其先路繼以三四字成詞句按其進步依次遞進如升階然篇中詞句淺近意取明瞭務期童蒙易悟附圖數百幅凡飛潛動植無不備用等類靡不惟妙惟肖首卷並列教授諸法尤便詳解學生約半年讀一册足敷三年教課之用

馬氏文通

洋裝每部二册
價洋一元五角

丹徒馬建忠著○馬眉叔觀察精選丁法蘭西文字會惠敏文集紀其在法國學校卒業考試情形可為我國言西學者之先進矣是書專論中國文法疏解詳明歷數千年未宣之秘觀察洵序翻積十餘年之勤求探討方成此編可想見其下筆不苟今承書主以是書歸本館專印專售

漢文教授法

每部二册
價洋六角

偉羅生人譯輯○作文之學中國向少法程初學恆以為苦是書獨採古大家名文辨別體裁區分門類由句法而段法而篇法逐一講明條理清晰教授之法此為提款

伊索寓言

每部一册
價洋三角

國蘇林好侯官嚴培南嚴謙著○伊索寓言自希臘至今二千五百餘年是書藉草木鳥獸問答之言描寫人情世態使人知所趨避蓋西各國學堂無不譯成本國文字為課本是書據英文原書出詞筆雅雅足辨其善惡原林目並逐條附加案語發明其意旨深詞隸附圖數十最資啓發誠少年絕妙之教科書也

二人策馬至曠野。佯爲射獵。要跡追蹤。離郭愈遠。薄暮。投驛亭宿。夜半。墨沙文潛呼太子起。二從者未之覺。墨沙文請太子易新衣。索其常著者。於是各超乘。牽從者之馬一以行。且抵深林。路四出。墨沙文請太子勒馬待於叢林中。殺從者馬。裂太子常服。染以馬血。至路口。以血衣委地。太子怪詢其故。墨沙文曰。加利勿見太子未歸。必偵騎四出以覓。倘來此。見血衣狼籍。必以太子飽虎口。而臣懼罪遁。以此歸報。加利勿必信之。則予等可從容就道。不虞追逐。計雖酷。然他年知此事子虛。其欣慰必甚於今日之悲痛也。太子喜曰。墨沙文。子真慧心人。策至周密。遂與進發。質所齎供資斧。比抵華京。墨沙文導太子至旅館。而已爲太子製方士衣。三日後。偕太子浴。易服。引至宮。而已報其母。先是。墨沙文爲太子談方略。僞爲方士。攜法器。并授以言。至是太子逕詣宮門。立而自白曰。余方士也。應召治主疾。效尙主不效。斷頭。闔者相詫。自諸術士大殲後。皆破膽。無敢踵至。茲見其俊雅而英蹕。深爲之危。謂之曰。城圍懸首。且纍纍矣。君休萌妄念。歐刀未可嘗試也。太子不顧。闔者相與歎曰。彼決意投陷阱。天其憫之。時相已奉命來迎。遂導太子入。太子見開阿。伏而拜。開阿初以爲尋常方士耳。及見爲美少年。恐其罹殺身禍。頓生惻隱。語之曰。卿齒稚。恐不能已主疾。雖然。朕亦未能阻。第有法在。治而不效者殺。卿其勉旃。朕不能以卿英秀。獨違成例。示不公。太子曰。臣來從異國。辱

垂睞甚感。惟臣跋涉至此。若中道畏難止。何以副初志。治而不效。受死奚辭。開阿見其意。決不得已。命守者導入別院。瀕行。復謂之曰。卿其三思。此時行止。尚可自由。否將悔無及矣。太子不聽。比入宮。道經平臺。距主室咫尺。太子以良覲在。向之禁迴方寸。不敢疑爲神女生涯者。至此將實證其非夢。不禁喜極狂奔。守者曳其臂曰。子將何往。予不爲導。子烏能入。狂奔若是。豈欲速就死地耶。余見方士數矣。未見若汝之汲汲者。太子目睨守者。行稍緩。曰。彼趨趨不前者。坐術淺。心虛耳。余此行若操左券。又何猶豫。抵院門。守者導登殿。旁卽主室。太子佇立。徐謂守者曰。予治主疾。法有二。一而主。一否。任擇之。守者曰。此事須君自決之。曰。若爾。僕不必見主。俾知予術之奇。於是陳方士具盈案。旋作書致主曰。

自某夕獲見顏色。愛慕之深。積思成痼。此中結轡。當有同情。追維邂逅。擬通悰。值卿酣寐。破夢無從。自恨緣慳。蘭言莫接。然拳拳之抱。懼無以申。謹易指環。以誌奇遇。今者幸距咫尺。幾似夢中。約指一雙。還期互易。甯云璧返。所望珠圓。倘辱不遺。具徵愛我。於立引領。敬俟玉音。

書竟。以約指實其內。函封之。以授守者。曰。此函往呈公主。若覩此病不已。身名之棄。予固不恤。守者持書入白曰。今有道術幽深之方士來。以書物上。謂覩書病當霍然。主取書發緘。約

指見驚喜不暇視書。即起立。楷盡解。拔關而出。與太子見。有無限欲訴者。而轉若涸其詞。憶夕會時。含意未申。則又亟欲一抒積臆。時乳媪來請太子入室。主仍以約指授太子曰。君之指環。當終身佩之。君倘不棄余。亮亦有同鄙願。太子承而御諸指。侍者已往報開阿曰。謹爲陛下賀。主病立愈。方士誠神技。曰。彼持何術而效若是之速。侍者曰。不假勅勒術。所施治。僅寸函耳。開阿喜且驚。即臨別院。握主及太子手於一掌中。謂太子曰。當謹踐前約。惟卿溫雅。不類挾術以游者。望以實告。太子曰。睿鑒不爽。臣特僞爲方士入宮耳。臣名客馬力兒。瑟孟父爲斯客瑟孟。主客利登島國者。即以與主夜見。及易約指事。歷歷言之。開阿曰。此奇事可傳。朕將命載筆者錄之。即日爲公主太子行合卺禮。以墨沙文有不次功。褒以重爵云。

太子既與主婚。愛日篤。開阿深喜。甥館之得人。時置酒高會。如是者數月。一夕。太子夢斯客瑟孟病臥。甚悽愴。容蹙然。指己而言曰。是兒。朕得之。非易。遽棄朕去。思之至死。太子寤而悲歎。主詢其故。曰。予恐與卿語時。余父已棄養矣。於是告以夢。主知太子久疏溫清。思親切。故得噩夢。偷念不釋。將夫婦之愛。且爲淡漠。欲順太子意。相與歸客利登島。然默不以語。詰朝。乘閒與開阿言。即吻其手曰。兒有求。乞勿拒。兒欲與客馬力兒歸覲舅姑。此特兒一人私見。能邀垂許否。開阿曰。遠別令人不憚。雖然。朕不能阻汝孝思。輪蹄勞頓。當強持之。省視期以

一年。即過返。嗣後如期遞相往返。似亦至允。想汝舅必不至有異議也。主唯唯。以告太子。太子大喜。不數日。開阿命爲治裝。別時各依依泣不忍捨。開阿復誦囑主及太子。始策馬歸。行者首途矣。

一日抵一大陸。樹陰濃布。時酷熱。太子欲卸裝。主亦倦。與並轡入密林。倚樹止裝。命從者設幕。主憩。太子指揮行衆。時主疲甚。解帶臥。婢以置臥榻側。俄頃太子入。見主假寐。未使寤。傍榻坐。見衣帶華耀奪目。取觀之。飾明珠金剛石甚精麗。帶繫一小鞞囊。女紅巧絕。度中必珍物。啓之。則瑪瑙一。鑄人物極奇詭。蓋皇后以主弱多病。勒驅邪符於瑪瑙上。命佩之。謂可祓不吉。而太子未之知。至是自忖曰。是物珍貴。值必昂。否則必不爲常佩。時幕中陰暗。不能辨。就帳外諦觀。忽有鳥自空際側翅疾下。啣瑪瑙飛去。太子大驚。且怒。覩此鳥旋集樹杪。近之。鳥鼓翼去。俄又集。復往逼。鳥徐徐上颺。太子奔以逐。思掇石斃鳥。飛漸遠。遂愈急。踰山跨谷。誓必獲。日暮。遙見鳥就高枝宿。太子踟躕荒野間。歸計不能決。自語曰。歸乎。則路崎嶇。昏夜失途。慮飽虎狼腹。且委頓不能疾行。況主所佩物未追獲。何顏復返。思至此。益憤恨。又飢渴甚。無如何。宿樹下。詰朝。仰窺鳥。足抱枝如故。見太子視。復聳然逝。則又疾奔。隨鳥之左右。於路俯拾果實以餐。皇皇然。鳥止亦止。鳥宿亦宿。若是者旬日。抵一所。隱隱見城郭。比近。鳥翔

益高。旋徑郭而過。頓失蹤跡。太子大懊喪。喑焉舉步。入城。城故濱海。達其極。至海口。沿岸行。久之。木蔥然。一圃列道左。忽啟扉。甫徘徊。圃叟舉首視。見太子。招以手。且作掩扉狀。意甚皇遽。異之。入詢故。叟曰。觀子自異鄉來。乃奉回教者。此地則爲異端人盤踞。若曹夙仇視教民。恣意屠戮。凡回教民之居是土者。鮮不蒙其害。若曹恆於旅客中伺踪跡。得則設阱以阬之。子初至。不識利害。故具語之。太子謝叟厚意。脫已於厄。正欲有所言。叟止之曰。子憊矣。當飲食。乃導入舍。以羹飯進。食畢。詢太子何自來。悉以告。轉詰之曰。予欲返里。當何從。又曰。遭此意外事。與主不謀而別。兩地不復知生死。奈何。言間泣下。叟慰之曰。終有會期。毋過悲戚。自此水陸皆可達客利登島。陸必匝歲至。水程較捷。子可乘舟至意白里島。由意白里返客利登。道至便。第往意白里島者。再歲一發。子數日前至。則及附。今須俟來年。子能久待否。倘不嫌野處。敢請留。太子踟於進退。且異地無相識。慮罹危。遂從其言。以時花種蔬爲遺。第一念及白達力。則腸若滄湯。欷歔服臆而不能已。

公主之寤也。不見太子。急詢侍者。皆以見太子入而未出對。主偶取衣帶。見絲囊解。中已虛。度太子必取觀。行卽返。默待之。薄暮未歸。入夜跡仍杳。驚憂莫釋。憊無所洩。則痛詛驅邪符。致累及太子。語幾侵后。久之。以太子私出。恐僕從知之。欺已弱。將不利。欲僞爲太子裝。掩飾

耳目以意諭羣婢。嚴飭祕不宣。於是著太子衣冠。象其舉止。宛然無少異。蓋主與太子貌美相若。其殊異處。人不能辨也。次晨。主易裝指揮。僕從皆不之疑。蓋太子之出。從者皆休臥。故無從覺。將發。主命一婢潛著己衣。與並轡行。向客利登島進。長途跋涉。數月來。固無人能識之也。

一日舟抵意白里島京都。主欲求數日休。從者入郭覓旅館。言客利登島國之儲君。自遠方來。將歸國。暫駐於此。此事旋聞於意白里島主阿民羅斯。阿民羅斯與斯克瑟孟有舊。敦睦誼。爲兄弟國。聞太子至。大喜。帥羣官往逆之。值主詣旅館。遇諸途。阿民羅斯不知主爲僞也。者。鵠立道左。堅請辱臨。主力辭不獲。不得已移裝入宮。阿民羅斯盛具待。禮至優渥。三日。主欲行。阿民羅斯止之。以主貌絕世。富於才。欲壻之。謂主曰。予衰朽。止一弱女。貌尙不惡。堪與太子匹。竊願託援繫。乞緩歸以成禮。予髦不能治。當以國讓。太子聰明英武。必能有爲。予自此可無憾矣。主驚默自計。苟以實告。則徒自作僞。媿孰甚。卻其請。則或易愛爲仇。禍起不測。且太子已否歸國。無從知。躊躇莫能決。久之自維曰。余苟順從。結婚後。能臨機應變。不稍露形迹。則他年得與太子會。可釋肩於彼。而太子將富有意白里島矣。覺可從者十之七八。乃賴頰而言曰。辱恩感難言喻。惟自慰疎陋。良慚茲選。然垂意殷殷。又烏敢違逆。幼無知識。一

切維明訓之遵否則。臣萬死不敢承命。阿民羅斯喜其諾。定翌日行嘉禮。白達力辭歸。以王意諭從者。且僞謂已邀公主允許云。又嚴飭羣婢謹自將。毋少疎失。時阿民羅斯以得快婿。大悅。詰朝。攜白達力臨朝。命旁坐。指語羣臣曰。此客利登國太子。已尙主。得君社稷。諸臣當勉輔之。衆伏遵詔。阿民羅斯乃下座。肅白達力上。受百官朝。旋以新登極詔。布告國中。賜民大酺。入夜。宮中盛飾。白達力衰冕以待。觀者羨其美。嘖嘖稱歎。頃之。侍者擁意白里島公主赫泰勒非斯出。於是二人成婚禮焉。

次晨。白達力視朝。羣臣集賀。阿民羅斯與后往視赫泰勒非斯。謂太子誠矯矯。亮當汝意。則默俯其首。面無歡容。阿民羅斯慰之曰。汝勿憂。太子汲汲欲歸省。朕以汝姻事堅留之。彼不能遂。溫清願。故忽忽不樂。久之。思親念疏。則瑟琴好合。爲日方長也。言畢。往見白達力。命主軍政者部署操練。備新君大閱。夜。白達力返宮。赫泰勒非斯意似不懌。知其故。婉慰之。赫泰勒非斯意稍解。先就寢。白達力坐觀書。俟赫泰勒非斯酣寐。始釋卷臥其側。曙色動。卽起往視朝。阿民羅斯復臨探視。見公主兀坐無言。淚漬於頰。阿民羅斯不明其故。疑白達力必肆無禮。頓憤怒曰。太子受朕禪。尊且富。不知報德。乃蔑視吾兒。藐汝。卽藐朕。將伺其過而廢之。可察彼動靜以告。是夜。白達力復以甘言餌赫泰勒非斯。俟其寢。又誦書如故。赫泰勒非斯

止之。使坐近己。語之曰。君又故態復萌耶。忝奉巾櫛。正私心歡慰。而君無故與妾若冰炭然。誠所不解。自問尙無拂君意者。而君乃落落難合。豈妾遭際竟若是其不幸耶。父知君薄視予。怒甚。欲加君罪。知之否。與君有結髮情。誠不忍君遭白眼。敢以告。望好爲之。古來多薄命婦。君甯忍妾踵其後塵乎。君苟不作薄倖人。妾幸亦君幸。白達力聞言。噤不語。心惴惴然。繼思赫泰勒非斯以肝膽相示。深感其情摯。擬告以實。固哀之。冀可保全。又慮其不能祕。以此事白阿民羅斯。則必受欺人罪。奈何。久之復自忖曰。太子若仍飄泊。道返故鄉。必經意白里島。予即受厄。亦當強忍以待。不可自誤。於是甘冒不測。決計實陳。時赫泰勒非斯見白達力猶豫。躁急將復言。白達力已自明曰。予不幸陷欺誑之罪。乞有以恕我。蓋予誠有不得已者。敢以告。願祕之。俾免鼎鑊。卽袒其胸。示赫泰勒非斯曰。公主試觀之。固同類也。于是備述己與太子結婚端末。乞勿洩。並爲緩頰於阿民羅斯。赫泰勒非斯曰。主與太子甫結婚。忽遭不測。良用歎息。彼者終平。必能再合也。隱情所在。敢不竭力彌縫。且主不棄予。使得聞心腹事。予又安忍寒盟哉。自今以往。外爲夫婦。而內實姊妹行。望勿以鄙陋見拒。言已。與白達力相持。以明信愛。次日。白達力仍早朝。阿民羅斯見赫泰勒非斯忿然無戚容。遂不復過問。白達力勤於政。知賢否。治稱盛焉。

商務印書館出版
歷史類教科書

中學堂用

中國歷史教科書

錢塘夏穗卿先生撰

中國二十四史卷帙浩繁非史學家不能盡讀即通鑑續通鑑紀事本末九通之類其浩繁亦不下於正史欲撮其綱要成一簡本者代有其人然化極繁為極簡其事大不易易是以成書甚多而善本甚少本館特聘錢塘夏穗卿先生編為此書敘述古今以十三經二十四史為主而緯以羣籍其體裁則兼用編年紀事二體其宗旨則在發明今日社會之本原故於宗教政治學術風俗古今嬗變之所以然誌之獨詳此為從前編中國歷史教科書所未有而本篇之特色也至於篇中博採異說悉註原書於下學者可以按書翻檢隨時觸發其益無方尤便於學堂講習之用焉

全書凡五册陸續出版

- 第一册 通上古 每册定價洋七角
- 第二册 通三國始 每册定價洋
- 第三册 通晉代 每册定價洋
- 第四册 通宋明 每册定價洋
- 第五册 通朝 每册定價洋

商務印書館出版
 歷史類教科書

學務大臣審定
中國歷史教科書
 中學用

每部二册
 價洋一元

本館編輯○學務大臣審定於本國歷史此類分爲七卷歷朝大事無不備載繁簡適當斷制可爲現時中學教科書本

最新中國史教科書
 高等小學用

每部二册
 價洋四角

餘杭姚祖義編輯○上起五帝下迄兩宮回鑾下詔變法之日凡分兩册共二百四十課約十萬言文辭雅馴體例精當至敘述國朝事實立言得體無一毫時下囂張之習並附歷代圖表尤便檢查

國史初級教科書
 高等小學用

每部一册
 價洋三角

本館編輯○凡分三卷一上古史自太古至戰國一中古史自漢至隋一近古史自唐至今極要拉綱有條不紊展讀一過可以瞭然於四千年來之大勢文詞亦簡潔名貴足稱史筆

學務大臣審定
西洋歷史教科書

每部一册
 價洋五角

日本本多淺治郎著出洋學生編輯所譯○書凡六編首古代史二近代史三四五皆近代史六最近史條理井然首尾貫串每事皆擷舉綱要列爲款目尤便記憶地名人名均附注原文亦便查檢

雜俎

光緒三十一年七月中國事紀補遺

△為記者知此事之見於是日也
△為記者以見報之在是日也

七月二十七日。▲外務部電咨駐美使臣梁誠通告美政府。聲言業已示諭商民停止禁購美貨之事。請速妥訂工約。二十八日。△派員赴墨西哥萬國醫會。二十九日。△署江督周馥奏請自辦江西江蘇安徽三省礦務。並請派員督辦。△安徽泗洲境有匪徒作亂。△四川官軍克復巴塘。番匪自焚丁林寺。△吏部奏定停選復設教職。△奉天將軍議加奉天鹽價。△奉天酌裁旗官。

光緒三十一年八月中國事紀

初一日。▲福建廈門商人因稅司苛虐。聚眾滋事。防禦者槍斃華人七名。△署江督周馥至下關。行開埠禮。△五大臣出洋考察政治。廷議定派載澤徐世昌紹英赴日英法比。端方戴鴻慈赴美德俄意奧。△戶部鑄錢幣

雜俎

成。分二文五文十文二十文四等。△商部咨行各省。令查明境內所有路礦。從速聲覆。△英德駐使在京會議津鎮鐵路事宜。△川督錫良照覆外務部。川漢鐵路無須洋款接濟。△翰林院設立學會。△山東漁業公司定章試辦。△國子監南學附立測繪學堂。△署閩督崇善開辦閩銅幣局。△裁江甯善後局。△商部咨行皖撫。通飭各屬人民。不准將礦地私與外人交易。△粵漢鐵路由美國合興公司售還中國。計價美金六兆七十五萬圓。初二日。▲諭飭各省督撫曉諭商民。勿因抵制美約事。持論過激。以免無知之徒。從中煽惑。△吏部奏准整頓疆省官缺。△吏部戶部會議推廣捐例。△外務部代表開平訟案情形。論准張翼回京陛見。△廣東議定。自九月起不濟廣西軍餉。△政府咨行各直省。切實興辦警察。△京師設立勸工院。由商部催取各省陳列品。初三日。▲諭飭各省督撫。多派學生遊學歐美。△端方奏陳立憲大綱。△派陳適聲充政務處

六十九

乙巳

總辦。△伊犁將軍電請照會俄使，禁止俄人在塔城及賽里木湖等處收買戰馬。△江蘇沿海大風潮。川沙寶山南匯崇明等處淹斃人命，以萬計。上海馬路水深盈尺。貨物損失，值千餘萬。△電命駐美使臣梁誠向美總統致賀，謂停日俄和議告成，並表謝忱。△江甯特設商埠總局，以興下關商埠。初四日。▲上諭立停科舉。各省學政專司考察學堂。△江甯督練公所派員在江甯鎮江兩府開辦徵兵。△翰林院議裁筆帖式，添設主事。△國子監南學添法律學。△京城新設習藝所。初五日。▲浙江京官學生等在京師集議，廢杭甬鐵路草約。招股自辦。初六日。▲裁奉天府府尹，以盛京將軍兼理。▲裁奉天府府丞，改為東三省學政。▲以李家駒為東三省學政。調裁缺奉天府丞裴維俊為湖北學政。△練兵處議令各省分給一統輿圖。▲駐法使臣孫寶琦駐義使臣許珏駐比使臣楊兆鋆均屆期滿。續派劉式訓為法使。周榮驥為比使。黃浩為義使。初七

日。▲浙江湖州有巢湖幫匪滋擾，官軍與戰，失利。△商部奏准嗣後各國賽會，由商部派員經理。▲日本駐使見慶親王，告以日俄和成，又傳述日本對於滿洲善後問題之意。△湖北特設陸軍經理學堂。△湖北武普通學生撥入陸軍小學。△署閩督崇善為閩關滋事案，自請議處。△修律大臣伍廷芳奏請專設法律學堂，奉旨依議。△河南陝州亂平。△飭籌刑部罪犯習藝所經費。△山東濰縣盜賊竄起，殺害營官。署東撫楊士驥派臬司赴渾查辦。初八日。△太僕寺奏准裁遣書吏差役。△政府令各省督撫籌議整頓滿洲事宜。△俄人謀造蒙古鐵路，直督袁世凱拒之。△營口日軍議改軍政署為民政署。△外務部照會駐華各使，內地電話，外人不得擅設。▲收回粵漢鐵路事。在美京簽押。△電諭粵漢鐵路，責成張之洞梁誠岑春煊妥籌辦理。盛宣懷著毋庸干預。△電調會議藏約大臣唐紹儀回京。△外務部尚書那桐與駐華美使密商東三省事宜。△駐

俄使臣胡維德電告外務部。謂向日本提議東清鐵路事。△學務大臣奏改進士館爲法政館。△安徽靈璧泗州匪目蔡二狗子等二名就擒。初九日。△直督袁世凱奏請向各國聲明張家口至庫倫鐵路。由中國自辦。以杜俄人覬覦。△滇督丁振鐸奏勘定滇越鐵路界線地段。撥給餉價。△吏部奏停選復設教職各缺。並令學習師範。派充教員。△庫倫大臣奏請添練軍隊。防守要隘。△山西猗氏絳縣平陸等縣因嚴拿會匪。致官兵作亂。會匪劫搶獄庫。初十日。△戶部奏准裁撤倉御史。△萍鄉製造局新款。由江海關稅項下截留。解歸北洋。十一日。△皇太后諭頒帑銀三萬兩。賑濟川沙寶山兩匯崇明等處被水災民。△政府令奉天各官調查東三省居民因日俄戰事受害實情。▲美總統女公子至上海。△盛京將軍趙爾巽奏請併盛京五部衙門。▲江蘇上海縣士紳第一次集議。選舉董事。創辦地方自治。△盛京將軍趙爾巽奏劾吉林將軍富順

雜 選

十二日。△財政處奏定整頓國法章程。▲鎮江徵兵局被風吹倒。壓斃正兵二名。火夫一名。傷十餘人。△德使照會外務部。不允放棄津鎮鐵路敷設權。△御史陳會祐奏考試出洋學生。分別予以出身。不必一律授官。△外務部尙書那桐奏准裁撤五城正副指揮使目。△電政大臣定議。將甯滬電線移設鐵路之旁。△鄂督張之洞承認鐵路速成科學費二萬金。十三日。▲伊犁將軍長庚。賞加兵部尙書銜。▲甯藩黃建榮蘇藩效會均開缺。▲上諭各省學政歸學務大臣考核。毋庸再隸禮部。△政府與英使薩道義商借款項。以充東三省善後經費。△端方奏准常德府及湘潭縣自開商埠。△湖南湖北廣東三省息借英金三百萬兩。爲贖回粵漢鐵路之費。△日俄駐使奉其本國政府電訓。照會外務部。日俄和議簽押。兩國准將東三省境內兵隊。定期撤退。交還土地於我。△電旨簡派汪大燮爲出使英國大臣。△山西京官議自辦大同蒲州間鐵路。擬舉前甘

七十一

乙巳

肅布政使何福莖為總辦。△奉旨允准變通州縣地丁二參處分。△德和輪船撞沈於大沽。△比商璞爾生請辦蒙古銀礦。△安徽銅陵縣礦擬廢前約。原辦英商不服。▲美總統女公子至京。十四日。▲以院泉漢子補江蘇布政使。陳啟泰補安徽按察使。以恩銘補江甯布政使。蘇松太道袁樹勛補江蘇按察使。以趙演彥補授兩淮鹽運使。△議改贛對為行省。△前駐藏大臣鳳全照副都統例優卹。△署江督周馥電索日本工廠定造之快船。十五日。△署江督周馥奏准安徽山東兩省邊界州縣捕務歸江北提督派員辦理。△商約大臣呂海寰准德國要求。電由政府奏請。特派盛宣懷赴滬。幫訂中德商約。十六日。△商部不允蒙古人借用俄款。開辦鐵路。△政務處議設文部。△盛宣懷奏請添派鐵路總工。司駐京會辦。△練兵處頒發陸軍衣制。△浙江京官會議鐵路辦法。十七日。▲上諭開放東三省。△巴塘各兇犯就擒。△江甯各官勘定浦信鐵路

車站。△江蘇同鄉京官會議甯滬鐵路事宜。十八日。▲革職撫潘效蘇職。並發往軍臺効力。以其侵挪巨款也。鎮迪道李滋森等同科是罪。▲以聯魁補新疆巡撫。馮煦補安徽布政使。和爾廣額補四川按察使。吳匡補山西按察使。△戶部銀行分設北京天津上海三處。▲命歸化城副都統樸壽來京當差。遺缺以文哲輝補授。△政府電飭駐日俄美使臣。向三國申明中國贊成開放滿洲之議。並願由中國自行開放。△盛京將軍趙爾巽奏請招募馬賊。編入軍籍。△外務部以新議中德商約中多應駁之處。飭商約大臣等竭力磋商。十九日。▲出洋遊歷五大臣陛辭請訓。△命陳璧署理戶部右侍郎。唐文治署理商部左侍郎。△直督袁世凱奏派臬陳啓泰赴日本。△東三省人民電賀日本和議之成。二十日。△命壽勳暫署兵部左侍郎。△外務部電商江督提議滿洲事宜。二十一日。▲電命駐俄使臣胡惟德向俄政府交涉。應由中國自行開放

海參崴。▲伊犁將軍長庚由京起程。△政府派留學生吳振麟赴日本調查官制。△譯學館遣派學生赴西洋各國遊學。△江督電請外務部速行改訂上海租界會審章程。二十二日。△駐德使臣蔭昌期滿。以駐奧使臣楊晟調充之。另以李經邁為駐奧使臣。△俄國停派兵士前往滿洲。△桂撫李經羲電告法人越境干預民事。外務部即向法使交涉。△駐日使臣楊樞駐俄使臣胡惟德皆有電至外務部專論東清鐵路交涉事宜。二十三日。△戶部奏准裁撤工部寶源局。▲前川督劉秉璋賜卹。▲外務部電查上海中立義務。以駐華日使有煩言也。△署粵督岑春煊電請緩解指派各款。二十四日。△浙江安吉縣教案議結。△直督袁世凱奏准直隸省試辦丁捐。豁免一切雜捐。△盛京將軍趙爾巽請政府詢問日本滿洲撤兵日期。並向兩交戰國索取損害賠償。△署江督周馥保送外務部人才陳壽彭等四人入都。二十五日。△戶部電致各省督撫不准

雜俎


欠解京餉。△署江督周馥奏請改良監獄。△日使照覆政府。東三省問題。須接本國政府訓示辦法。然後提議。△戶部奏准永遠停鑄當十大錢。改鑄一文制錢。△戶部議准山東改編練兵一鎮三協餉項。由戶部籌撥。△俄使奉其政府之命。要求改正恰克圖條約。△改派李經方為商約大臣。△鄂督張之洞改良各營服制。以歸一律。二十六日。▲出洋考察政治五大臣出都。在車站遇炸彈。載澤紹英受傷。餘無恙。改行期。△政務處議改升州縣以上地方官品級。所有州縣一律添設鄉官。以本州縣舉貢充選。△電諭署江督周馥蘇撫陸元鼎設法贖回甯滬鐵路。△江蘇通州石莊燬學案辦結。△北洋以秋操事聘日本憲兵教習。訓練憲兵。△二十七日。▲上諭嚴拿拋擲炸彈行刺五大臣之匪徒。△改派李盛鐸為出使比國大臣。以比國不承認周榮曜也。△政府抗議日俄在滿洲撤兵遲緩及留兵保護鐵路兩事。△直隸新城縣有土匪滋事。△德國駐膠州總

七十三

乙巳

雜 俎

督抵濟南。△准雲南省城自開商埠。△欽天監奏請酌
籌經費。以資整頓。△戶部放餉。搭用新銅元。▲以唐紹
儀署商部左丞。熙查署商部左參議。二十八日。△商
部電查安徽宣城礦事。△盛京將軍趙爾巽奏准整頓
札薩克旗添設地方各官。二十九日。▲四川官軍剿
平巴塘番匪。分別獎敘有差。△有 旨責成盛宣懷。將
蘇杭甬鐵路草約作廢。△直督袁世凱奏追各省積欠
海防經費五十餘萬兩。△練兵處頒定畫一旗式。△鄂
督張之洞息借英款一百萬兩。與辦自來水。三十日。
△練兵處電致各省督撫。催辦陸軍小學堂。△政務處
電致各省督撫。令各州縣先須遊歷日本。考察庶政。方
許到任。



七十四

十月